

撫浙檄草目次

卷之一

關防詐僞

清理重獄

招撫海逆

嚴禁擾害遷民

申嚴編審條約

招撫漁裡等山盜黨

禁飭告貼產價



申飭官收官兌

諭令協擒浙西寇盜

結甲監柵以清盜源

申飭強捉舵工水手

禁溫屬民夫火耗驕兵

蕭院崇祀名宦

諮訪民間利弊

曉諭紳衿完糧

發兵出洋會剿

發兵出洋會剿

會剿山寇

搜獲賊寇

會剿山寇

再飭稽察保甲

濫收豆料

寧屬修濬水利

預儲兵米

巡拿滿兵害民



議建八旗營房

申禁遊客招搖

嚴禁服飾

禁飭指訪行詐

禁公舉德政

曉諭題豁荒糧

嚴禁濫差重斂

禁飭投旗放債

申飭朱莊逆產

買科養馬示

註銷詞詳事件

文廟禁兵示

官差措索埠牙



關防詐僞

一爲關防詐僞事照得本院七歲從龍十年府署  
知交旣寡冷面性成總有一二原籍昆季俱叨  
國恩列身仕籍養親課子而外閉戶不出家庭今  
蒙

特簡巡撫浙邦益當勉圖報稱但恐浙俗人情刁詐  
奸宄百出不無假冒親族指認同旗影射地方  
招搖誑騙合行曉諭爲此示仰撫屬官民人等  
知悉如有前項棍徒指稱親族交遊招搖誑騙



潛住地方者着巡捕員役督同地方保甲不時  
捕緝嚴拿解院以憑盡法處死如地方容留不  
舉及巡捕官怠玩不行緝拿者事發一體連坐  
憲法森嚴各宜凜遵須至關防者

### 清理重獄

一爲清查重獄以惜民命事照得刑獄者聖人不  
得已而用之下關民命上干

天和不可不慎邇聞浙中人命強盜大辟重案淹滯  
最多問官因循不結法司批駁模稜累月經年  
幽囚縲紲箠楚疾病半化獄燐是情真罪當者  
旣不能明正典刑而負屈未明者徒含冤於地  
下至於原告證佐拖帶守候廢業失時尤堪憫  
惻合行嚴飭爲此牌仰該司備查各屬大辟重



案曾經詳院批允者若干件現存駁勘者若干件限五日內先造起數姓名畧節冊一本送院查考一面另具招由逐件詳院以憑覆覈分別具

題發落仍通行各屬道府廳縣將現在問擬未經招詳院司者作速審明通詳定案毋得仍前延閣先具遵依繳查

### 招撫海逆

#### 一爲欽奉

勅諭事照得海逆匪茹偷息波浪之中已絕再生之路今奉

勅諭赦其既往之辜予以功名之徑或生擒鄭逆來獻或斬首來降錫封公侯或擒其妻子或各率所屬僞官兵丁投誠亦從優敘錄不吝高爵厚賞至於馬信李必王戎高謙等果能生擒鄭逆或斬其首或擒其妻子或自領部曲或招賊黨



羽來歸不惟赦其前罪仍一體分別封賞已經  
通行欽遵外誠恐汛防將弁遇有投誠僞官兵  
丁或索其重賄方准申報或利其厚携殺降冒  
功以阻傾心向化之誠而失

朝廷招携懷遠嘉興維新至意合行申飭爲此牌仰  
該道遵照卽行嚴飭沿海汛防各官嗣後凡有  
海逆僞官將領率衆歛戈來投者毋論船之多  
少人之衆寡務要嚴飭備禦訊明投誠來歷先  
收其船上軍火器械卽帶爲首數人在該道協

處投誠不許措勒時刻擅索分文擅取投誠船  
上絲毫物件一面將花名器械造冊報院僞官  
聽行

題報兵丁善爲安插以廣

朝廷恩信仍多書告示發汛弁沿海張掛以示招徠  
如敢故違索詐本院不時巡歷沿海體察得實  
防弁兵丁細打一百計贓論罪并將該道將指  
名飛參力行嚴飭毋自貽戚



嚴禁擾害遷民

一爲懇恩給示超拔蟻命事據寧海縣居民柴敬  
等連名呈稱<sub>云</sub>等情到院據此爲照沿海應

遷內地居民業經本院屢檄道將有司各官多  
方撫綏善爲安插俾令各得其所復行該將轉  
飭汛防官兵加意防護毋致乘機留措衣飾器  
物諄諄告誡不啻再三何物婪弁悍卒藐玩憲  
禁踞守要口假名盤詰攔阻槍奪措留勒索致  
使窮民素手赤身顛連無告本院細閱呈詞不



檄海捕草  
卷一  
五  
覺毗裂髮指除行道協密行拿究外合再嚴禁  
爲此示仰該地方官兵士民人等知悉凡有遷  
移居民所携衣籠器具魚菜食物任其搬移自  
便不許弁兵仍前借端盤詰攔阻恣肆搶攘勒  
索銀錢如再故違或被告發或經訪聞定將將  
弁立時飛叅兵丁嚴拿以軍法重處決不姑貸  
各宜凜遵毋扞法網

申嚴編審條約

一爲酌定編審三款以革從前積弊事照得十年

大造係

國課民命所關向來神奸種種毒害層層或巧立  
都圖或花分子姓或躲避丁徭或飛酒賦役以  
及寄庄詭戶缺額攤賠附勢徇情乞恩濫免等  
項無般不作富者田連阡陌坐享漏役之膏腴  
貧者地無立錫猶掛空名之里甲此皆神奸大  
蠹執法欺公亦由黷吏朦官厲民悞



國本院志切民瘼心傷積弊若不亟爲革除設立  
良法何以使弊絕風清民安恒產戶納均徭今  
特一一拈出大爲曉諭與我公平廉惠之有司  
共遵照而力行之

一論產當差竊惟糧從產辦役從糧生

朝廷立法原係大公至正近聞衙胥里蠹每每假托  
勢豪捏指紳衿名色趨承冒免下至各院  
書承道司辦吏以及府廳胥役無不乞恩  
縣閃夫免者既多則當者愈重况近奉

仰體

朝廷凜遵

功令凡我有司卽以本院文到之日通計該縣田產  
若干額設里遞若干計筭每名每甲應田  
地若干大書告示張掛通衢使紳衿百姓  
無不人人共曉當編審之日令小民親自  
填單縣令當堂親審不使奸者隱漏庶免  
拙者偏枯如有前項蠹役欺官作弊冒濫



乞免致虧役田者許被害民里遞不時赴  
院陳告以憑立刻嚴拿重處

一分別儒民近來紳衿

功令最嚴本院每閱衿袍呈訴俱被各屬權奸大蠹  
捏戶詭名飛糧暗砌者甚多夫一經陷害  
動關身家性命原其所由皆大造之初不  
分清白以致朦朧牽誣流作拾年大害今  
當編審之時正紳衿剔釐之日各屬有司  
務將的名正戶令宦自歸宦儒自歸儒民  
自歸民不許花分子弟名姓令宦插民齒  
民冒士籍一經審定之後卽各給一田地  
當役印單一紙以便十年遵照完糧從此  
以後再不許逐年推收杜絕無窮大弊至  
于立宦戶者須要見在紳袍立儒戶者須  
要名列學冊一切假名詭戶冒宦捏儒等  
項盡行革除如有執迷不悟仍前假冒濫  
免者察出定將大造經承田圩知數發單  
里書立刻嚴拿法斃



一歸畝聽從民便凡百姓編定里遞一切夫役征徭錢糧收納俱互相承值原從其居處里間相近者聚歸一畝以便朝呼夕應最爲利便邇來奸書蠹役故意抽提混亂或原籍此都提至彼都或向歸彼畝抽移此畝夫一經撥亂使小民居處道里相隔數十里甚有百餘里者人生路陌面目俱不相認而欲其彼此催呼交相收納此實難矣今當十年大造正宜更始甦困如有向被槽奸提撥混亂者聽從小民各自認歸本畝本里經書架吏不得藉勘留難貽害窮愚百姓如有老奸積蠹仍前抽撥飛提不聽從民便有司任蠹暗填不當堂親審者許被害里民不時指名呈告役遣官叅弗謂

朝廷無法

以上三款係浙屬紳衿百姓十年利害所關本院披閱條陳經審詳察諮詢風弊再



四躊蹰特拈出利民便

國最大者曉諭各屬張掛通衢令官吏矜民一體  
遵照更有飭者從前編審之期各院非無  
條約有司多陽奉陰違縱有憲示徒付空  
言今本院稔知此弊特着親民太守風力  
推官嚴加督飭着實遵行決不使本院一  
片熱腸僅作具文故紙也其各凜遵毋忽

招撫漁裏等山盜黨

一爲解散脅從招撫投誠以弘向化事照得逆寇  
楊四等結連亡命嘯聚窮山流突相富肅詣到  
處焚燒劫掠彌天罪惡已干不赦之條刻下大  
兵雲集堵剿合圍窺伏深崖冀緩須臾之死覩  
此遊魂釜底指日成擒任爾鳥散獸奔終歸何  
處特所念者其中多有無知百姓或被脅從拘  
拿或爲煽惑引誘一朝悞入悔罪無從剪刺披  
根槩從疎謬本院又爲之惻然今特與我文武



軍民約大張告示通諭窮山凡天兵會勦之處  
如有革心向化納械投誠者俱准免死愿歸農  
者卽令歸農愿充伍者卽令充伍若能誅邪办  
逆擒斬寇首楊四何宗十六等首級解赴軍前  
來歸者本院卽據實具

奏以職官從優舉用如不願做官者亦當重加  
賞資聽令爲民俱限交到五月內盡行解散投  
誠一應印汛各官及鄉練營家俱不得留難阻  
梗奪其自新之路絕其同化之門如三

迷不悛仍前依附窠穴者大兵進勦不論渠  
遺孽盡行殲滅此本院仰體

朝廷好生之德憐憫爾民悞入之由姑開三驅一面  
之網順則卽爲良民完全首領逆則立歸斬戮  
不保妻孥生死攸關身家頃刻各宜猛省毋干  
後夫之凶特示



禁飭告貼產價

一爲嚴禁奸棍告貼產價以遏刁風事照得時當  
大造正民間田產推收過割之期每有無賴奸  
徒蕩廢產業不務生理計將已賣之產逞刁告  
控妄希詐貼但不思產業交易立券投銀原出  
彼此情愿初無勉強迨至受值花銷貪心遂起  
窺伺售主將所買之敗屋頽垣改砌爲巍牆峻  
宇或瘠隴荒原墾耨爲膏田腴土則復橫生詐  
局刁勒百般或稱祖業難拋或言備價回贖或



倚病老弱賴或投豪右把持無非索貼索加詐  
添詐找飽欲則狼狽烹分拂意則興詞訐訟不  
日占產則云拷契劣矜扛幫虎詐良善甚有祖  
父賣絕而子孫告詐者有產已別售而展轉株  
連者滄桑雖變詐害無窮合行嚴禁以遏刁風  
爲此牌仰該道照牌事理卽便大書告示通行  
各屬遵照示仰撫屬官吏士民人等知悉凡有  
契買田地房屋山蕩產業已經稅契過割者概  
不許告加貼價妄呈回贖府縣各官不許准理  
倘有劣矜勢豪請托有司徇情濫判者或經告  
發訪聞問官記過得賊叅處仍拿本犯并唆訟  
棍徒重責枷號其有駕捏重情越赴上司衙門  
朦誑者審實一併枷責仍坐誣告之律斷不寬  
貸先取府縣官遵依繳查特示



申飭官收官兌

一爲再飭官收官兌之法以肅漕規以甦民困事  
照得浙省漕糧

題定截頭贈耗責令官收官兌軍民兩不相見屢  
次具

題奉

旨欽遵在案無奈有司運弁無可管私科派致違  
明旨罔恤民艱仍令百姓與運丁交兌且有官蠹弁  
丁巧立名色層層科派每糧一石約費不下一



二兩之多又加踢斛淋尖每百石又兌折二三  
十石本院下車之時卽已檄飭示禁不啻再四  
今當兌運伊邇誠恐有司及運弁旗丁仍蹈故  
習妄令民兌恣意科擾合再嚴飭爲此牌仰該  
道刑官查照先今檄示申飭事理大書告示每  
倉實貼一道凡小民運米篩礪務要乾圓潔淨  
上倉照數收足官貼銀兩照依

題定銀數完納有司卽給歸農印票一紙令回服  
業並不許婪弁刁丁虎差倉蠹貪官污吏仍前

違

旨抗憲令軍民交兌乘機科派毒害小民如敢不遵  
許被害糧里不時赴告定將運弁有司立刻叅  
拿衛蠹旗丁盡法重處外糧道推官一併以違  
旨亂漕飛章叅處本院不時密訪毋得陽奉陰違致  
干大戾



諭令協擒浙西寇盜

一爲浙西渠魁授首會勦將士雲集特諭各屬官  
民同心協力立靖根株以安地方事照得杭嘉  
湖三府東連吳會北接太湖南通天目西界曾  
山連年盜賊橫行所在害深水火本院蒞任之  
日道路風傳卽知大盜張潤嘴等屯營作寨流  
突長德崇桐餘武等處且日接士民呈訴備陳  
凶橫之狀本院恨不滅此朝食特寄傳本標右  
營張署協秘授方畧分頭躡勦今果于是月初



三日探至寒山大寺合圍獲斬盜首張潤嘴等  
數十餘凶渠魁既擒遺孽日潰刻下

部院趙 提督田 崑委杭城守王副將統率

銳師會同嘉湖二協汛守各官訂期會剿正大  
張提伐之時立靖根株之日誠恐地方官民向  
來畏怖盜勢搜剿不力任其抱頭鼠竄則養癰  
貽患何日救寧爾小民平日受其劫掠焚燒姦  
淫拷餉荼毒摧殘久已腐腸切齒若不此時乘  
機協力搜拿更待何時撲滅令行曉諭為此示  
仰各屬官民人等知悉凡遇大兵會剿之日即  
方印捕各官督同地方巡警速行釘寨支河小  
港扼守巨津隘口村村搜捕處處搜查凡係平  
日通山行劫引線搜人積盜盡行擒拿送官若  
有大夥屯聚處所圖民力不能擒者卽行密導  
官兵疾馳撲剿如大兵殺散奔逃餘孽潛歸務  
期盡掃餘氛剪除窮孽以享救寧太平之福如  
有遇盜不擒知情不報以及容留窩匿庇盜藏  
奸等弊暨不填釘港棚縱放逸盜者一家犯事

十家連坐捕印有司一併

題察慎之戒之

結甲豎柵以清盜源

一爲再申保甲建柵之法特嚴窩盜匪報之條以  
安民生以靖地方事照得彈盜衛民戢奸消患  
乃有司第一要務亦今日綢繆牖戶之急着也  
邇來地方各官居恒並未講求設備遂至盜風  
猖熾民不安生清夜思之能無尸素之誚乎本  
院下車卽聞浙之東西盜賊聚衆白晝公行來  
如飄風去如疾雨放砲鳴金焚房劫財擒人拷  
餉資銀贖歸被害不敢言官捕莫敢問監司印



防等官又互相欺蒙本院得之士民呈控知初  
時擒掠猶在水窟山鄉近則行劫偏在關廟市  
鎮出沒無忌成何世界人烟稠密之地尚然如  
是凡村野之間被盜荼毒者不知凡幾也坐視  
民生害深水火伊誰之咎除各處疎防失事文  
武業經彙疏

題叅其水鄉村居釘塞河港聯絡守禦并酌發官  
兵併力會勦昨已頒款通行申飭外但城市盜  
賊生發本地俱有窩家線索相通勾引爲害甚

因守備不設保甲不行致滋如定今官申嚴爲

此示仰官吏暨關廟市鎮居民人等知悉恪遵  
後開條約建置更樓水陸木柵富者出資貧者  
用力星夜鳩工竭力舉行共爲設備守望備地  
方各官不躬親料理視爲具文再有失事從重  
叅究憲典具在斷不相寬

### 計開

一清編保甲夫弭盜稽奸無如保甲一法自  
古迄今未之有改前賢倣行亦未常不嚴

無奈葺闢有司不肯實心任事遂致奸宄  
患生叵測倘不嚴加察詰盜害何能盡止  
今仍照古格凡十家爲一甲甲立一長懸  
一總牌間十家姓名丁口籍貫藝業有外  
來親戚及與附居者作何生理間于本戶  
之下每家懸一小牌于門首亦照前細列  
丁口籍業如甲內有出外經營及移去別  
里者必註明日期見遷何處其遷移新來  
甲內者亦必註何處移來每朔望日甲長  
具呈交與該里坊總轉報官司註冊稽考  
如其人出入不常形跡詭秘即便盤詰擒  
拿送官審問解院正法毋容隱縱該管應  
捕各官躬率坊里卽日挨戶清編限五日  
內將編過保甲姓名造冊報查以憑另委  
別員覆核如有虛應塞責過限不報定以  
不職叅治其甲內有酗酒賭博三五成羣  
夜聚曉散不守本分者十家長兩隣亦不  
得容隱許密報官拿究枷號遊示照候



新例問罪發落

一嚴懲連坐夫一家爲盜十家連坐互相容  
隱不舉左右兩隣加等治罪立法原自井  
井邇則事發不問皆由行賄幸免愚民以  
爲禍不及以甘心含忍不言遂有勢窩積  
奸豪奴劣於安居城市日與大盜交通打  
探官司潛報消息或止點殷實勾引行劫  
或分帖索賄去人口彼則公然出頭訂  
往賊窩出入無拘費取贖今名之曰盜

線被害明知不敢聲言恐又招禍及已也  
更有窩藏盜屬賄與盜夥來往置買軍器  
弓矢者如近日官兵進剿諸暨山寇陣獲  
活賊口供盜婦身窩省城業已拿究奸在  
肘腋有司莫問總之法弛人玩盜風日起  
自當嚴立重典庶警頑蒙此後旣編保甲  
敢有仍前容隱者事犯之日窩家盜線自  
有正條依律處死其地方十家長兩隣各  
責四十板比照竊匪逃人事例將本犯各

家口詰

青解部流徙口外同甲七戶各責三十板枷號一月  
示儆本院稔知浙省十餘年來案盜擒人  
拷餉取贖民間臥不安枕有司知而罔顧  
若非引例大創流害安有已時夫刑亂世  
用重典斷不寬貸本院具疏條陳法在必  
行其菴觀寺院遊食僧道以及流氓土妓  
盡行驅逐居停館戶不許容留來歷不明  
之人查實定擬各該總甲舖家一併究罪

一建置樓柵夫守望古制禦盜傳烽莫如北  
地建樓置柵上懸鐵鐘遇有警息卽擊鐘  
聲隣近響應齊出救援使盜不敢輕犯亦  
可恃以無恐今查浙中郡邑附廓闢廂及  
各處市鎮俱入烟繁庶比屋稠密然皆不  
設更樓守望亦鮮木柵欄截強盜突如其  
來任彼直達內市恣肆焚搶無守汛之處  
處百姓自顧不暇安敢冒險聲援惟有人  
自爲心家自爲守耳及其滿載飛遁束手



坐視而已守備不設徒受盜害可謂愚矣  
累因失事里民具呈自願建造樓柵戶設  
櫺木用戒不虞亡羊補牢亦未後時相應  
通飭郡邑責成印捕各官躬詣郭外及各  
市鎮督率居民令素封之家均輸工料在  
于市廛盡頭相度地勢建立更樓一座曲  
巷岐徑築牆堵塞每五六十家間置巷柵  
一座禁止偷行逐戶挨里照依界限序次  
置樓下用堅固柵門加以鐵鏈盤鎖每夜  
責令總甲輪派居民于樓柵處所守望內  
懸大京鐘一面再備三眼銃一門如遇盜  
警卽鳴鑼齊聲喊救協力應援倘有大夥  
強盜數多量力難敵者許卽連施號砲挨  
里挨放達至城樓守禦官兵立時開城星  
馳援勦毋得遲悞致滋失事各戶酌設櫺  
木聽從民便印捕官每月一次親臨查點  
不許怠弛如敢閉失時地方居民一併責

懲

一修立水柵夫橋梁市河向有水柵所以阻截盜船往來最爲急務也查北新關以至嘉湖鎮城盡在水鄉近來柵夫圖逸廢置不用卽間有一二見設亦無人啟閉往往大盜聯鯨聚夥闖入內市蜂擁登陸焚殺並行任其飽颺以去大爲民害更當嚴查各處橋梁水柵作速修復責成柵夫照堂啟閉各縣印官端委捕官親去看視毋得虛捏了事至于郭外市鎮民居盡處旣建更樓柵門自可遏陸行之盜若通舟楫之所務循更樓基址必於水面俱應釘立木椿水柵以截盜船入內查前任嘉兵道霍僉事條議立柵行之有數自宜做行若浜河遠濶無可建柵者該道將於扼要之地創設營房一間築牆杆圍酌撥兵丁巡防守禦限十日內報完具結查考

一稽察失事夫

朝廷設官分職本爲守土保民監司風紀一方郡伯



師帥僚屬縣令有親民之責總捕有緝盜之專協將防弁有干城之寄顧名思義豈徒備員值茲盜賊縱橫生民荼毒從前不聞防微杜患之謀過後則有相蒙匪報之弊豈是臣子服官之誼本院酌頒前後二示條款一以禦村落被盜之計一以防城市失事之謀願諸司相與有成期于底績嗣後毋論失事大小俱當立時馳報以憑移文勦捕倘再隱匿致滋蔓延是謂不職

矣本院惟有白簡從事至于議所未及或別有良籌毋拘成見切實條陳以憑採擇施行每月終行令印捕各官呈報有無失事以便稽查毋忽毋怠

申飭強捉舵工水手

一爲要地戰守非輕等事照得江南船工奉

旨於浙省召募舵工水手自當欽遵懸金購募善識

風潮海道之人原行甚明並非令強捉鄉民及

派之里甲勉強充當本院馬首所至惟見童叟

婦女環擁號控悲慘難聞呈詞盈尺有云若父

若子力務農耕遭蠹鎖捉強解者有云若夫若

壻業務匠藝被差鷹擒拏獄者有在山居捉拿

者有於行路捉拿者夫舵工水手何等重務若



以不識水性及不久慣駕舟之人充當貽誤官軍性命事非渺小各官惟以有人充數便爲了却公事獨不思盡驅山居不慣習之村民而使之衝鋒破浪豈非徒苦百姓且寧屬解往江寧水手因係鄉農不諳操舟見在駁冊查究貽誤軍務不能爲各有司解也除爾等呈詞批發該道查議妥確會商

督院特疏具

題爲爾等請命外合行曉諭爲此示仰該府官吏

士民人等知悉凡有熟識水性之人情愿投充舵工水手者赴縣報名照例准給口糧赴院請咨移解江南按月支給銀米如有強捉派充者到省日許赴轅門喊稟定將官叅役究如真果無人應募聽該道府縣各官據實通詳以憑題請毋得盡驅不諳水性無罪之民而就死地又貽貽誤軍機之咎也

禁溫屬民夫火耗驕兵

一爲禁約事照得妄派民夫重加火耗濫禁人犯  
以及兵丁抽取民間貨物捉民挑送行李俱經  
屢奉

俞旨嚴禁犯者從重治罪本院又幾番檄飭示禁在  
案豈意東甌遠處海隅有司各官全不以民瘼  
爲念凡遇夫差縱蠹打票賚賄買闖致貧者力  
役無休甚而派送夫價猶鼠烹肥至于收糧銀  
等法馬俱應遵照司頒豈容加重加二加三處



此殘荒僅存幾幾民爲民上者猶當加意撫恤以起瘡痍近訪尚有縱蠹吹毛求疵尋事打票火牌硃籤或送遊棍鄉里相公或勒夫價貨物甚而不遂并拿婦女黃童咸遭禁獄人之無良至此極矣至于兵丁守門止許盤詰奸細近訪無論薪米雞豚蔬菜等物小則無不抽取大則持強搶奪稍有拂意鞭撻橫加或鄉民入城捉充夫役或封拿民船裝載貨物種種害民大悖

明旨除密訪官弁職名

題叅外合再嚴禁爲此示仰溫屬官吏營弁士民兵丁人等知悉嗣後各宜仰體

皇仁時刻以愛民爲念如有怙惡不悛本院斷不肯曲法少爲爾等寬貸且本院耳目最靈勿謂東甌遠在天涯惟俟本院啟行回省仍前播虐厲我子遺一有所聞卽行指名飛

叅拿問各以身命自保毋蹈法網噬臍無及特示

蕭院崇祀名宦

一爲懇恩冊祀名宦以勵官箴以光俎豆事案據該道呈詳

前撫院蕭任浙九載惠敷兩浙神君績旣爛焉蒼赤謳思篤矣自當允愜輿情冀光俎豆永膺禋祀以報崇功等緣由批行在案迄今數載未經舉行合行遵照爲此牌仰該道查照批詳事理卽便行令杭州府置位列銜冊入名宦仍備列憲綱刊載府誌以光祀典以愜輿情限



湖海集 卷一  
目內取具遵行緣由報院以憑查考毋違

諮訪民間利弊

一爲諮訪輿情以圖實政事照得兩浙地處東南  
半屬窮山僻海征煩賦重空得富饒之名土瘠  
民貧實際凋殘之極兼之旱澇奇災無歲不聞  
大役大兵連年並舉急公奉上雖吾民好義之  
誠但剝肉醫瘡在閭閻多茹荼之苦加之貪酷  
之官居高而剝衆矯虔之吏隱下而漁民玩法  
容奸婪贓縱虐行由傘而由傘不行禁見年而  
見年不禁革換舊役久奉

嚴給而老奸積蠹仍行盤踞申飭官解應遵

明旨而水脚貼兌依舊誅求甚至強兵悍弁在在橫  
行勢惡豪奴村村武斷巨窩劇盜到處食肉甘  
人虎捕防官遍地流殃縱毒凡此情形更僕難  
數本院按部方新風聞約畧傷心刺骨痛切剝  
膚必期爲吾民除得一害興得一利去得一腹  
心之疾存得一活命之膏庶幾水火蒼生或者  
可登衽席但本院一人之耳目有限百姓之疾  
苦無窮若不廣爲咨詢仍恐吾民萬苦千愁一

時隱幽難悉合行曉諭爲此示仰軍民人等知  
悉自示以後凡有關係地方疾苦平日吞聲飲  
恨無從告訴者俱明白開列條款何者有害可  
以剔除何者有利可以興舉不事浮靡務從簡  
實毋欺誑一言毋遺隱一字毋假公濟私毋損  
人利己每逢初二日期親投本院露膽披肝痛  
切陳說如果酌議可行本院立爲興革必使有  
言必行有行必遵不尙空文務期實濟如有貪  
官酷吏勢惡土豪及權奸大蠹驕將悍兵積窩



喇棍爲害地方者知爾小民開口一言卽關係  
身家性命尙有敢怒而不敢發者本院自能一  
力擔承决不使爾民受累其各直言毋畏

曉諭紳衿完糧

一爲錢糧之

功令甚嚴儒宦之真假宜辨特大書曉諭各令註明  
全完以免叅累事照得錢糧一項

國課所關近奉

明旨凡紳衿拖欠錢糧分別完欠分數造冊具

題以憑處分通行在案江南題報一疏已作前車

而兩浙拖欠之餘又成覆轍凡爲

朝廷臣子敢不凜遵法度但念此

功令甚嚴處分甚重本院憫及爾等身家不得不爲再三勸輸之令且聞浙俗紳袍一登仕路叔伯昆季各冒戶口親戚友朋俱稱宦籍平時假借無非躲避差徭今日清查正有無窮牽累若果本宦自爲抗負則孽由已作罪又奚辭夫以本宦原不干涉之糧突然列名欠數實屬李代桃僵雖極口剖分而禍成不測言之及此能不痛心乎至于二三子衿惟事呶呶章句不知地下天高平時積玩成風竟無輸將恐後之念一任追呼併比全然膜不關心至今日一經

題報不惟褫革立隨且刻下新奉

嚴諭凡紳衿拖欠錢糧者俱提解

刑部處分千里拋家一命莫保爾等試一清夜自思能不傷心刺骨乎合行曉諭爲此示諭欠糧紳衿人等知悉自今以後立將本都本冊冊戶速加檢點明註某者原係的名某者係假冒自欠者立刻全完假冒者填明揭報俱以二十日爲期務期分名別戶徹底清完不惟恪遵



功令以自盡食毛居士之思卽從此課肅糧完催呼  
無擾不大爲愉快乎凡此諄諄告諭俱是本院  
一片血誠知爾等無不同心鑒諒如有劣矜勢  
宦置若罔聞過二十日後仍前恃頑拖欠者該  
有司秉公執法盡行造冊揭報本院卽刻據實  
具

題立請

明旨處分萬不能少緩特刻更改一字大法隨時身  
家立墮勿謂本院言之不蚤也

發兵出洋會剿

一爲欽奉

上諭事案准

兵部咨開乘鄭逆不在浙江之時卽整備兵船  
相機出剿等因在案今准

總督移會各標營出洋官兵數目前來第查奉  
旨有督撫提鎮酌議出剿之行本標官兵自當撥發  
前往然在省官兵寥寥無幾今象山縣奉

旨調發湖嚴二協之兵貼防而撫標原調官兵二百

名自可着令出洋以張撻伐合行知照爲此牌  
仰該道卽將撫標原防象山千總田穀勝把總  
朱大貴所帶官兵撤赴寧波着令田穀勝回省  
料理營務本院另調守備羅一麟統帶官兵該  
道會同

提督水鎮酌派戰艦乘坐一同出洋剿賊官兵  
在象日久一切砲火軍器出洋糧米等項如有  
欠缺該道照數酌給報院核銷毋得違錯

發兵出洋會剿

一爲欽奉

上諭事案准

兵部咨開乘鄭逆不在浙江之時卽整備兵船  
相機出剿等因在案今准

總督移會各標營出洋官兵數目前來第查奉  
旨有督撫提鎮酌議出剿之行本標官兵自當撥發  
前往然在省官兵寥寥無幾今象山縣奉

旨調發湖嚴二協之兵貼防而撫標原調官兵二百



名自可着令出洋及查在象統兵止有千把二員不足彈壓今左右二營見在部選之官惟一守備羅一麟合令督兵出剿除經檄行藩司見給餉銀三月以資資費其一切砲火軍器出洋糧米等項又經檄行海道酌給外合行知照爲此牌仰該將立刻備行守備羅一麒前赴布政司請領官兵餉銀三個月費赴寧波會集本標官兵聽候

提督水鎮派船隨同大鯨出剿爾等官兵俱聽台鎮張總統節制凱旋之日定當從優叙錄爾旗勉諸毋忽其千總回穀勝調撤回省料理營務毋得違錯

會剿山寇

一爲審期會剿事照得虎爪山一帶賊寇哨聚數  
千餘人橫行剽掠本院日接各屬申詳并士民  
呈告閱之不勝詫異若不亟行撲剿將來必至  
養癰成患貽悞封疆城社除本院親行督剿外  
合行審訂師期以務同心會剿爲此牌仰該道  
將云定限二十八日巳時至某處會集相機撲  
剿務期嚴明約束鼓勵將士奮勇當先以奏膚  
功碩效如有錯悞師期逡巡玩寇致令賊黨乘



機逃竄不行擒獲者察出定以軍法處分慎之  
密之

搜獲賊寇

一爲拏獲奸細鞫得真情懇憲急發大兵速救危  
城事據諸暨縣申報二十五日拏獲奸細徐齡  
口供云云等情備申到院據此爲照山賊聚夥  
狂逞大爲民害昨遣該將統領標兵前進中嶺  
一路與該道及金嚴各將會兵漁裏及菖蒲嶺  
等處掃蕩賊巢計此際必與各路官兵相會矣  
今據諸暨塘報賊情緊急并奸細口供鑿鑿本  
院恐各路兵到巢穴賊衆遁去該道當與各道

將商酌探的有賊地方相機堵剿倘漁裏等處

果無賊息該

道當會

撫標中軍守紹道

領兵應援諸

樸剿此路賊兵合行申飭爲此牌仰該

道

照牌

事理即便會同

各道將守紹道

確商漁裏莒蒲嶺並諸

暨地方賊情酌量孰緩孰急審度道里遠近何

處有賊盤踞何處無賊遁走偵探的確先從有

賊處所分兵會剿毋得拘執原行致誤軍機此

番會兵務期盡滅根株立擒渠首俟道將齊報

捷音方令旋師該

道

宜同心戮力以奏膚功毋

容岐視悞事



會勦山寇

一爲緊急軍務事照得土寇嘯聚狂逞成百累千  
大爲民害本院檄調杭紹金嚴各道將統領官  
兵并發標下中軍帶領官兵開甲前赴會勦頃  
據護理杭協都司胡自振報稱于廿八日已抵  
裡山等處賊已逃遁並無人踪此必盜線通風  
巨窩藏匿以致千百賊衆一旦遁跡該道見在  
督兵合行嚴督密訪爲此稟仰該道即便遴差  
捕快并着各縣印捕等官多差的役前去某處

地方密訪通風盜線隱匿盜窩姓名的確實據  
嚴拿審究賊衆見在何處立刻合兵進剿以靖  
盜源如若遁去必須窮究何處潛踪何人縱逸  
務必擒渠殲黨方許班師仍將巨窩盜線卽行  
解院以憑親審其各路會勦官兵曾否依期到  
汛該道查明時日具文報院查考毋違

禁指訪土豪害民

一爲嚴禁指訪土豪以安民生事照得本院欽奉  
上諭安插遷徙人民親歷浙東各郡或幾經寇災或  
夫差苦累但見村舍丘墟人民竄避滿目蒿萊  
誠爲慘怛小民救死扶傷尙且不暇本院亟思  
良法拯之水火詎容苛求前者經臨郡邑據士  
民紛紛投懇知各該府廳指稱訪拿土豪縱令  
積奸衙蠹窩訪賣訪竟成一段生涯無非借端  
嚇詐挾仇暗砌大爲民害除浙西被寇蹂躪盜



竊盜線嚴拿究治外合行禁止爲此牌仰該府  
照牌事理轉行所屬府廳縣印各官嚴行禁止  
如間有不法豪棍在于地方生事擾民必俟告  
發贓真証確本院自行指名訪拿方許開款報  
院查對不得縱容官蠹假借訪察上豪之名陷  
害善良如有違禁造訪魚肉小民者立將妄開  
各官飛叅拿問蠹胥立提處死不貸

禁低假色銀

一爲嚴禁兌換低銀行使以避商民大害事照得  
杭城係省會重地民皆逐末兼之商賈往來貨  
殖貿遷賦稅所出關係非細無如世風不古機  
巧日深乃有奸猾銀匠用術傾造低假明掛招  
牌號稱兌換銀鋪壟斷要地誑騙招搖有等無  
藉棍徒惟知貪圖小利欺昧良心兌換行使初  
時光彩猶新轉手青黃變色及至落火鎔銷盡  
成銅鐵十無二三以致店鋪本錢虧折小販轉

活無資更有孤商隻旅挾本遠來每每售易低銀血資喪盡更有耕鑿鄉愚終歲勤劬惟賴布粟之利以爲完官活命之計耳入市求售而誤賣低銀致使抱夢空歸既絕其一家口食之資而又使其輸將無抵含辛茹苦一時憤激輕生者寔有之矣言之真可痛心合行禁飭爲此示仰官吏兵民人等知悉自今以後凡民間貨買一切商賈物件以至薪蔬等項米粟布帛油蠟交易俱用足色紋銀不許極搭低假一應銀鋪止許傾銷足色紋銀不許指兌換名色招搖誑騙肆害商民除嚴行總捕官取具傾銷銀鋪里鄰十家甘結報院以憑不時察查外敢有神奸猾棍故違明禁仍前傾銷低假明掛兌換招牌欺誑愚民及棍徒營兵極搭行使強買貨物者許巡捕員役被害人等執銀赴院舉首定行立時拘拿盡法重責枷號通衢原銀給賞首人并提十家容隱不報鄰里一體究處斷不姑恕其各凜遵毋忽



禁弁丁措兌需索

一爲嚴禁弁丁需索以速兌運事照得漕糧出兌  
一項焚弁橫丁逞逞拴同押兌差役私勒截頭  
故嫌米色濕潤淋尖踢斛恣意誅求本院已經  
嚴禁在案今查各屬漕米申報徵足已久時際  
孟春過半尚未交兌開行何以仰遵冬兌冬行  
之

功令揆厥所由若非糧官虛報徵完必因弁丁生端  
措兌以致耽延漕限玩悞殊甚除行該府推官

星夜督兌外合再飭諭爲此示仰官吏軍民人等知悉速將應兌漕米印糧官與領運官面同兩平交兌每廩止許一旗一綱斛發毋容領率多人濶擾倉廩自官截之外不得科勒分文額米之外不許淋尖踢斛敢有故違憲禁仍肆婪索擾害糧里撓亂漕規者許監兌推官及該縣印官指名揭報定行嚴拿叅處斷不輕貸

捐備大兵馬草

一爲捐俸預備草束供應大兵以安民生事照得閩旋兵馬不日啟行北上經過地方在在需用草束仍恐駐扎之處分頭索取必致騷擾民間本院念兩浙地方連年兵馬絡繹供應浩繁民亦勞止矣本院留意殘疆深念爾民萬苦于愁痛逾身受安忍坐視顛危而任爾民家驚尸窟也今特捐俸銀壹百陸拾兩分發仁和崇德嘉興秀水四縣置買草束以資支用每束給價壹



分各備四千束在于臨平石門三塔寺前王江  
涇四處各離鎮二三里空處堆貯每一處以四  
千束分作八堆每堆相離各一里半里以彼八  
旗馬匹到彼應用并面請

兵主

艾額

嚴諭兵丁一人一馬不許擾入民居

庶幾馬有草乾兵有約束民安室業市樂休寧  
此本院爲地方一片苦心誠恐各屬經承衙役  
借端科索仍復派累小民更恐爾民憎畏兵勢  
驚虞躲避未免失恃愴惶有辜本院恤兵愛民  
之意特給曉諭通告通衢爲此示仰該地方士  
民人等知悉此番大兵馬匹幸

兵主紀律嚴明其經過本地並不拘捉人夫輕  
動民間一草一木務各安心樂業毋事驚惶如  
有衙蠹地棍借端科派生事擾害者許爾等據  
實赴院陳告以憑嚴拿重究并有八旗兵丁擅  
入民居騷擾需索者爾民卽喊稟

兵主以憑軍法究治

禁抄傳小報

一都察院示照得提塘抄傳京報機務攸關邇來  
欽奉

上諭一切機密事務如有漏洩將抄發人役以通賊  
論處

新法最嚴敢不凜遵但恐各省督撫提鎮文武衙門  
差人來省打探軍情機密者其中或有奸宄乘  
機影射何由而辨仍恐提塘官役一時不能覺  
察致使此輩潛入抄探事露牽連身家立爲壅



粉因而干累地方官司豈不寒心合行嚴飭爲此示仰提塘并抄報書記人等知悉自後除京報照常抄發外其餘一應軍機重務秘密事情不許抄傳小報故違

新令其各省督撫提鎮衙門員役盡數驅回如有潛踪體訪仍前抄探消息影射奸人竊發者查出卽以通賊拿究

題叅各宜凜慎毋扞法網

禁兵捕假克遊巡縣授

一爲嚴禁兵捕棍徒假克遊巡擾害以安地方事  
照得嘉禾郡邑素稱沃壤年來水旱頻仍民生困苦有司各官當以愛養爲念豈容徇縱兵捕擾害良民訪得嘉秀等七縣沿河一帶突有惡捕克兵構逼地棍在于關廂市鎮各處駕船列械假稱遊巡名色虎踞要津肆虐百姓索取供給或誣良爲盜詐財私放或遇小販船隻搜劫囊資無船不受其毒害無物不遭其搶奪卽薪

米蔬菜靡不抽取鄉民出入莫不畏避防官知  
而故縱有司匿不上聞致使百姓控訴無門大  
爲駭異 除給示禁飭外 合行嚴查爲此牌仰該  
道照牌事理卽便會同該協速查嘉屬各縣沿  
河一帶是何兵捕棍徒擅行搜捉民船奉何衙  
門行委輒稱遊巡名色各縣印捕等官駐防  
將領因何不行禁戢故縱搶擄民物搜括遺資  
有無坐收漁利任其騷擾情弊限 日內據實  
揭報以憑飛章參處竢勿姑息惡釁致干大戾  
未便慎之速速



查仁和縣派民夫

一爲查究事照得大兵經臨需用人夫船隻浩繁  
百姓困苦已極爲民上者自應調酌濟急奚容  
濫派擾害頃據仁和縣太平五站見年稟稱該  
縣三百六十里每里先派練夫七十二名又續  
派二十三名初八日又出票每里派夫七十  
四名夫已催齊勒要每名折銀七錢等情殊可駭  
異夫大兵船隻共用人夫二千八百名尙有外  
邑協濟在內今該縣按里均派則計夫三萬四

千二百名矣而初八日大兵已行復又屏里續  
派七十四名計增二萬六千餘名且每名折銀  
七錢共斂銀一萬八千餘兩官胥借此居奇遂  
意妄派希圖折乾肥已大爲民害合行查究爲  
此牌仰本官卽提該縣經承二名并差役張吉  
錫升到官嚴查大兵所用人夫僅至二千八百  
名該縣河故妄派六萬餘名每名折銀七錢是  
何蠹役斂收前銀見存何處并提該里見年臂  
對明確依律究招解院以憑審奪施行其毋得  
延遲速

計發夫票一紙



防緝海逆奸細

一巡撫都察院朱 示照得海逆鄭成功罔識天  
命逆我頗行竄跡窮洋偷生旦夕竊探我

朝用兵嚴禁無所施其伎倆惟暗遣奸細或潛來買

賣貨物或引誘奸民交通貿易或假扮遊食僧

道窺我虛實或勾聯內地黨羽暗傳消息近如

廢宗朱盛治邀形海島相依諸逆托迹緇流謀

爲不軌僞王未在誠潛跡山澤聚衆稱戈乃天

網不漏先後就縛供報內地逆黨實繁有徒已

在密拿外但恐杭城尙有奸民隱不呈報或與  
海中奸細前來交易關係匪小倘官兵譏察不  
嚴保甲奉行不力必致魑魅公行深爲巨測合  
行嚴飭爲此示仰官吏士民商賈人等知悉如  
有外來客商販運閩廣內地香蠟藥材貨物到  
杭嚴查有無違禁洋貨安寓客店務必驗有報  
稅由拿根詢來歷報官定奪如或奸牙客店惟  
知嗜利故違者查出以容留奸細定以通海論  
罪立行正典其省城內外行舖凡有客商來省  
置買貨物務查運至某處發賣如係違禁下海  
貨物卽係真正奸細便當嚴拿呈報倘或知情  
不舉一體連坐法網森嚴毋以性命嘗試凜慎  
凜慎特示



勸諭捐賑饑民

一爲勸諭捐賑以活饑民事照得杭屬山瘠田磽  
產米甚少兼之俗尙趨末家鮮蓋藏且五方襍  
居食指殷繁皆仰給吳楚之米藉爲四時不匱  
之源倘偶遇災荒或鄰封遭糴商船稀少米價  
驟騰饑民嗷嗷待哺奸徒在在思逞此誠地方  
最切之隱憂也當茲軍興旁午供億苦民僅存  
皮骨加以去夏旱魃爲虐各處歉收冬春之間  
復有兵馬往來封刷裝載船隻遂致帆檣絕影

因而米價日增耕耨之家坐以待斃趣食之人束手無策鵠面鳩形者相號乞食朝不謀夕者畢命須臾哀此災黎殊堪惻目所當卽爲蠲賑無奈倉無積粟帑之餘金繫念窮簷食不下箸本院意見所及與諏諮所得惟有勸諭捐輸庶可日前濟懇本院應爲首倡凡在官紳士庶目覩饑民顛連無告尙義活人諒有同心必不俟瑣言相勉也除移文

江南

督

疏禁遏糴并行杭嚴道設立賑濟處所

置簿輪助外合行曉諭爲此示仰撫屬大小各

官紳矜士民鄉耆里老人等知悉查照後開約言共爲鼓勵不特拯濟凶荒亦可敦厚風俗本院得藉相成之雅匪淺鮮也

今開

一院司各道俱有子惠黎元之責有司長吏亦有乳保父母之稱值此凶年流于溝壑凡居民士能無疚心本院與諸司勉圖賑濟量力捐輸或米或銀不限多寡惟期存



念救饑幸弗冀思合例况近來紀錄

功令較昔數倍官此地者能律身自慎潔已收

民卽爲良吏若夫腹削民間出之捐賑必

欲如額以求優叙是昧大義以沽虛譽非

本院所願聞也故口聽各官自量輸財共

襄厥事本有深意見令杭嚴道置簿列

並註捐數以備查考候事竣彙疏上

聞

一鄉紳士夫好義高賢浙中爲盛觀此奇荒

絕食之時必有饑溺由已之念倘肯慨發

蓋藏惠加桑梓請將願輸銀米報數于縣

照依先年戶部

題定事例自當分別見在候補林下閑散據

實具疏請

勅下部酌議優叙不敢後時至于部議士民之

中有捐米至五十石或銀至一百兩者本

院行地方官給匾示旌捐米至一百石以

上或銀至二百兩者應給九品頂帶再能

多捐者照數分別遞加虛銜此

國家勸賑優異之典見行之例爾民體悉捐助斷不相侵將來鄉飲酒禮敦請尙義士民以次與席用昭

大典

一城市鄉村俱有素封之家倘有望重鄉評願自就近立厰或粥或米酌便設賑不必輸官聽其自行仍置簿登記饑民姓名數日事竣報縣以憑獎勵并免雜派差徭先將賑濟日期投縣查考給示曉諭倘有無藉棍徒劣衿衙蠹借端舉報或生事滋擾者赴院呈鳴立拿重治

一會城設厰處所見批巡杭道令仁錢二縣印官酌議地方賑濟凡大小衙門捐助銀兩必須委官監董主事卽有能員勢必委之衙役若輩經手又滋弊端倘有里中賢士大夫或碩德耆老願爲之任者必有實心活之良策在也有司加意諮詢如得其



人卽爲京報本院優禮敦請

又附勸諭賑饑序

益聞民爲

國本食爲民天是以上者樂豐年爲民樂也憂  
凶歲爲民憂也然不徒憂之而已又從而賑  
之富鄭公著效青齊范文正收功吳越皆以出  
滯賑乏持危拯困勲高往古名播來今誠仁人  
君子之用心也杭郡當南北孔道民力殫竭客  
旅復值大旱焦禾殺稼解不遺自冬徂春日  
聖澤民轉于溝壑杭如此全浙可知矣

皇上憲天立極全付所覆自都圻以及窮簷部屋細  
而昆蟲草木旣無一物不得其所慮猶未也復  
軫念饑荒下蠲恤之令德莫盛焉不佞承

天子命撫綏斯土矜念顛連寢不成寐反覆思維貴  
司賤之命富爲貧之母理則有然獨爲則難成  
衆擎則易舉勢又復然今日者或膺重寄或任  
拊循或抱霖雨于家食或懷利濟于桑梓日觀  
鳩形之衆必多惻隱之心用敢正告同志

諸公暨

薦紳先生及執事諸君協衷捐助分設粥廠以  
臻實效俾嗷嗷就斃之餘黎立起菜色則是所  
活者

朝廷之民所積者身家之福近有

顯褒遠有善慶施者受之區區何力之有卽今不  
佞從身始以爲仁人君子勸從杭始以爲全浙  
之仁人君子勸以無負

新天子好生之至意願交儆其惻隱之心以從事焉

謹序



捐賑台屬饑荒

一爲設立賑濟難民以安地方事照得台屬沿海  
遷民上年仲冬本院欽奉

上諭親歷該府安插據該道府縣呈報咸云遷徙各  
戶內或多依傍親屬分屋而居或佃田而種依  
然耕鑿或編入保甲樂業相安原詳具在也本  
院撫臨所至卒皆未然業將民生困苦之情具

疏上

聞請帑賑救酌給荒田雖奉

音下部未知

廟謨若何復恐難民流離失所曾檄道府縣官加意體恤俾令安生數月以來絕無有言民隱者昨承

總鎮張手札備言前所溪口以至叉口一帶邊界上下遠近遷徙百姓盈百盈千宵啼露處餓莩之狀嗟怨之聲不忍見聞岌岌乎有地方隱憂之事該管各官豈在夢中全無一人語及殊可詫異總之前報虛詞自謂難易遂大家相蒙耳溺職守而惟封疆莫此爲甚但所在饑饉

杭紹二屬本院倡賑鼓勵紳士殷民捐米賑濟全活甚衆茲又聞台屬遷民無家無食較之饑民其苦更倍本院之力奈不能遍及窮簷該道府又坐視不言倘有若

總鎮所云走險饑民冒死越界竊盜荼筭則誅之不可勝誅是居民上者驅而納諸罪穽矣或風聞言事者詰責安插不得其所咎將誰歸自當亟爲賑救以安地方合行嚴飭爲此牌仰該



南官吏  
道官  
本官

照牌事理即便動支本院項下贖銀

叁百兩文到各官分定地方星馳親往沿邊一  
帶查勘遷徙饑民設厰曉諭煮粥救饑一面勸  
勉各官及紳衿義民量力助賑惟以神速從事  
勿致逡巡仍多方設法以期實濟嚴禁胥差借  
名科派及冒名侵隱倘各處耆碩鄉紳德行子  
衿肯任主賑者印官躬詣敦請分董其事不許  
假手衙役限文到三日先將備賑事宜詳院查  
核一面將捐賑姓名米數及賑過饑民名數另

冊報院以憑特疏具

題如各官玩延定行飛叅重處斷不徇貸

查疎縱監犯燒詐

一爲嚴查官胥疎縱獄犯並冤詐害惡跡以肅法紀事照得棍蠹王賢屢次更名侵漁錢糧數萬

前據

臬司

該司問擬絞罪已經本院

題叅承行各官自當牢固監候搜查家產立限追比何反徇私藐法疎縱本犯身居外監復僉硃票擅令妻室入監同處肆無顧忌竟以囹圄爲福堂不知三尺爲何物矣本犯自爲得志侵蝕分毫不完反藉



欽賊名色遍處燒詐或千或百擇人攫餽賄囑獄官  
獄卒出入自由恐嚇行賂監門如市本院審訪  
甚確今初一日辰刻親臨府署見獲王賢妻妾  
已發錢塘縣收禁經管各官上下相朦置之不  
問欺

朝廷而玩

功令何說之辭除王賢及獄吏獄卒俱重責外其縱

容情弊及詐害賍跡合行嚴寃爲此牌仰該府

照轉事理確查王賢陳縱外監容令妻妾同處  
奉何明文該府會票是否受賄徇情本犯各下

賍銀屢經嚴批勘產並不搜查亦不追比任其  
悠游詐騙係何情弊經承僉票司獄官吏禁卒  
知情故縱得賍若干嚴加刑訊根寃向來出入  
打點的係何人燒詐過被害的係某某詐賍共  
有若干每日說事的有若干人進監餽送銀錢  
酒餚一一確訊明白口供限三日內詳院訂期  
會審以憑

題叅本院訪聞有素各官毋再欺朦自貽罪戾

賑濟貧生

一爲賑濟寒儒事照得時值亢旱饑民絕食本院  
捐俸勸賑設廠煮粥見在舉行獨念貧生不能  
自給行據學道該府呈請業發院銀令該道行  
府轉發教官照冊唱名給散雖云涓滴之助亦  
可爲升斗之需但恐貧生尙多未能一時周知  
且諸生自顧斯文之體或不屑就食粥廠以求  
一食之飽本院深切憫念已而諭杭嚴道出示  
確查外合行曉諭爲此示仰真正貧生知悉如



有未經乞賑者前赴本縣教官處報名具申以  
憑設處賑濟可也

禁用酷刑

一爲嚴禁酷刑以保民命事照得古者設刑治奸  
正欲惟期無刑我

朝設法雖嚴而用法未嘗不寬雖負固之徒盜兵潰  
池尙予自新之路無知小民偶因雀角原無必  
死之條近聞不肖有司每以小事擅用重刑以  
酷濟貪草菅人命殊干

功令除一面密訪確實拿問外合行嚴飭爲此牌仰  
該道照牌事理嚴飭所屬府廳縣印各官除真

正人命強盜等情依法牢固外其餘一切小事  
不許擅用夾棍并監內鐵籠押床一切非刑及  
私取絕呈如敢故違一經犯屬告實官吏立行  
拿問獄卒鎖提處死斷不姑徇各宜凜遵毋輕  
嘗試各取遵依彙繳

查歷年戰船

一爲欽奉

上諭事案據該司呈詳歷年題報戰船數目緣由到  
院據此確核

部駁互異情由繕疏開爲照

前院陳 于拾肆年肆月貳拾伍日

題報各區見在戰船叁百叁拾玖隻疏云行據各  
道查報前來備查此疏內按察使王無咎呈詳  
必非懸揣可知迨至



前院佟 于拾陸年玖月初捌日

題報共有叁百肆拾貳隻

部駁所多三隻係何船隻據詳

台鎮張 自造犁船一隻奉

部院駁票臬司將前船于冊內刪去實止叁百

肆拾壹隻或

前憲佟 據冊

題報在先而將張鎮之船未行刪去也但拾陸年

玖月逾拾肆年肆月朔距兩年伍個月其間豈

無投誠陣獲與陣失颶燬之船何以便謂 陳

院所報數少而 佟院所報數多貳隻爲確也

必須將歷年

題造及明季原存之船列爲舊管投誠陣獲爲新

收陣失颶燬爲開除見在各區之船爲實在又

將 陳院

題報之後實在船爲舊管 佟院題報日止投誠

陣獲者爲新收陣失颶燬及張鎮刪去之船爲

開除其實在三百四十一隻內比 陳院題報

所多二隻必知所自來矣今據詳開水鎮移開  
鎮定四營船艚等船二百二十六隻台區二營  
十八隻溫區左右二營一百零九隻通共見在  
之船三百五十三隻較之 佟院所報之船又  
多十二隻矣順治十八年六月初八日  
大司馬蘇 等題報見在船四百一隻餘俱朽  
壞并被風飄失共船四十八隻較之水鎮移開  
各區見在三百五十三隻又多九十六隻所多  
之船原係何項額數再 大司馬疏內有云與  
部文內四百四十一隻較多八隻則此八隻又  
從何來必須逐次開明管收除在務使一目了然  
然方免駁詰若惟草率混造難以具

題合行駁改爲此牌仰布政司照牌事理即將各  
年船數分別某年原在及投誠陣獲開除明白  
後列某營實在某項船幾隻務與總撤相同先  
造底冊查閱候發另造清冊此案遲延已久立  
等

題覆毋得少緩速速



禁滿營兵騷擾

一爲再申兵丁禁約以安地方事照得滿營兵廝生事擾害業經

將軍本院屢行揭示嚴飭在案近訪各旗兵丁全不

省改猶肆兇惡故容本營婦女小廝潛入民居騷擾每于郭外三五成羣搶掠行人財物近如赤山埠行劫福建差官餉銀見獲有據未經發覺受害無申者不知凡幾或以放馬砍柴于山僻人家勒索酒食淫辱婦女或遇關支糧料截

提士民挑駝搬運或在城市店舖假以買物爲由乘機攫取或有貨物價值兩餘而止擲銅錢數十文恃強搶奪至肩挑小販無不受其荼毒稍有不遂動輒行兇鎖吊非拳打脚踢卽刀背皮鞭地方側目無不忍屈吞聲今

將軍柯 與本院訪聞種種惡端最真最確昨會同

副都統

頭

軫念民生面同公議戒諭各旗謹

守軍紀有犯必行重懲具見愛民至意除散行杭嚴道并協守嚴加懲緝

將軍與本院各差員役密拿外合行曉諭爲此示仰滿州各旗兵丁及百姓人等知悉自後滿營兵丁小廝婦女不得擅入民家騷擾及強買貨物搶奪行人財物截提士民肩挑等項有一于此者奉差官役并該地方里甲立時擒拿解院移會

將軍公審從重究處至滿營兵丁交易俱照放給兵餉銀七錢三兼用不許止以數十文強買



民間兩餘之物如有仍前故違一併嚴拿解究  
法在必行斷不偏徇各宜凜遵毋忽

禁折差累民

為嚴禁折差積弊以安民生事照得徵輸錢糧  
自有定額故設易知由單使得家喻戶曉如有  
額外橫徵卽係虐民厲政不謂自來訪聞如諸  
暨縣折差一項最駭聽聞者諸縣額田八十一  
萬餘畝小民輸納條糧之外每十年之中除當  
見年又輪值糧長一次每田一畝追納二錢各  
日折差捏稱上司公費實則官役朋分以致墾  
縣鄉紳子矜勢豪胥役俱得指詞求免俾貧窮

小民非鬻產售衣則典妻鬻子以供行吏之烹  
侵豪橫之飽索言之殊堪髮指除見在確訪拿  
究外合行嚴禁爲此示仰官吏軍民人等知悉  
自示之後該縣官吏卽當勒石通衢永除積弊  
敢有仍依陋制恣行不法私立折差名色官役  
侵沒者本院一有訪聞官則自簡飛緝役則差  
拿處死本院剔弊必行斷不姑徇以滋民害其  
各凜遵毋忽

捐糧白糧經費

一爲直陳白糧經費等事照得嘉湖白糧一役苦  
累萬狀自順治十二年改爲漕幫帶運一切經  
費私增銀米悉俱裁革民困少甦十五年又改  
佐貳押運復議私加甚于昔年頃本院特疏爲  
民請命仍復漕帶部覆未允惟康熙元年起運  
十八年白糧經費遵照全書舊額給軍則一切  
私增銀米俱應裁革前本院念軍代民勞欲于  
此項酌補運丁行月二糧部覆漕船空棄等事



一疏亦不准支給其去年額外加增銀米查各屬已徵在官自應扣抵元年分正項錢糧少賦民困除通行道府由飭外合行曉諭爲此示仰該縣官吏紳衿糧里人等知悉如有完納十八年條議私加銀米在縣者許執串票赴縣照數扣改元年未完正項錢糧印票如有經承指勒及指別項名色遲延希圖侵漁者許諸色人等執票赴院喊告以憑立提奸蠹盡法究追并將印官參處決不輕貸

再飭稽察保甲

一爲再申保甲之法以靖地方事照得本院力行保甲嚴飭連坐之條蓋以法行則盜源清源清則盜害止原以愛民非害民也近訪嘉湖二郡有司奉行不善視爲故套凡遇上司清查保甲不過委官查點科歛使費取討烟居冊籍回覆遵依一紙便爲了事至若奸宄如何查核盜窩如何芟除隱丁漏戶作何稽察地方利弊作何興除總皆置之不問其鄉村市鎮保正保長又

皆畏懼強盜復又畏懼里中窩線慮恐舉首先  
遭屠戮是以保甲之法不行故盜勢愈橫而百  
姓甘心附賊殊爲地方隱憂且查德清之市沿  
村被盜刦殺之變復有奸民受盜賄囑脅制鄉  
愚恐嚇保正凌辱保長阻撓清編保甲深可痛  
恨合行嚴飭爲此牌仰該道照牌事理卽便轉  
行所屬州縣印補各官務各躬親分派市鎮村  
庄逐一查點保甲挨緝奸宄嚴搜通盜窩線并  
隱丁漏戶地方利弊加意釐剔如有隱匿匪類  
及阻撓編甲卽係通賊奸細許地方人等報官  
立時嚴拏解院究處里隣扶同不舉一體連坐  
置以重典各該有司務須着實力行必使閭閻  
寧謐盜賊潛消倘有盜賊仍前橫行刦掠如故  
者定以縱盜  
題叅決不姑息



濫收豆料

一爲嚴禁濫收料豆以杜侵漁事照得滿營馬匹  
爲戰守急需日支料豆時不可缺然必計馬備  
料庶無冒濫侵漁今查該司每月冊報放給豆  
價盈萬盈千並不詳明擅自支餉體訪其中情  
弊向有積年奸棍串通積蠹冒稱牙行詭云有  
豆運省輒以白頭呈詞開報或數千石或數百  
石誑司批縣查收會無粒豆到棧而該縣奸蠹  
朦出實收報司請餉上下通同剝庫放給歷年

銅弊牢不可破延及數年之後非稱點爛折耗  
卽捏支放虧額希圖冒破開銷以致仁錢二縣  
積欠各年貯豆四萬六千七百二十餘石近仁  
和縣官役又朋侵四萬餘石俱全無着落始則  
紛紛詳院追究見今缺豆虧餉不可復問矣此  
二者據冊而言乃知經承欺隱若未報者又不  
知凡幾也第今滿營馬匹月支豆石原有定額  
自當酌量買貯置簿稽查力除蠹弊其過往喂  
養馬匹日期有限以應奉文司日詳請辦買用

洗從前積習合行嚴飭爲此牒仰該司照牌事  
理卽便會同右布政司速將滿營各旗實在馬  
匹月支料豆各若干清查左右二司從前收貯  
棧豆見有若干徹底扣算可抵放幾月據實報  
院以後支餉糴豆務將商牙某人有豆若干每  
石時價幾何應動某項餉銀備由報明以憑委  
官驗實方許量收上棧將印信實收開明價值  
詳院批允方准給發仍置收支截白文簿二扇  
送院印鈐發司收存登填買豆放豆數目按月



送查不許仍前虛捏侵分錢糧如再故違定行  
題叅本院有年終

奏銷之責斷不代人受過也法在必行毋容套視  
一面將見在侵欠各數目挨序年月并經管官  
役姓名細冊限 日內呈報以憑施行毋得遲  
延

寧屬修濬水利

一爲修濬水利以滋灌溉以裕課餉以資民生事  
照得寧郡東北濱海其水鹵斥難以灌田卽西  
北一帶土沃田肥惟藉硤堰蓄潴以溉禾稼近  
訪長春塘狗頭塘東江溪上水下水小溪等處  
年久不無坍塌以致蓄洩無常早潦莫救又查  
東錢湖向爲蓄水灌溉而鄞定奉三縣七鄉之  
田攸賴今爲勢豪侵占水利日窮實係妨農病  
國更有城中河道年深月久民間多以瓦礫傾堆

壅塞以致水脉不通勞傷民力合行查議修濬  
爲此牌仰該道照牌事理卽行府縣印官及水  
利通判逐處從長確議某處喫堰應修某處河  
道應濬城河尾礮可否運填喫堰漏卮東錢湖  
舊例計濶若干頃是何勢豪侵佔改田起自何  
年曾否起科輸糧濬河修堰應動何項錢糧或  
計田派夫或照住房間濬務要利

國利民爲主不得擅差衙官查勘滋擾不得聽憑  
胥差借端需索限文到十日內查議妥確詳  
裁奪如果窒碍難行亦須明白聲說以憑酌行  
本院之意惟在利民各官毋得瞻徇緘默未便



預儲兵米

一爲預計倉廩儲備糧米以足軍食事照得寧紹  
台溫俱邊海巖疆官軍戍守險要全籍儲備倉  
糧按月支給難容緩視詎謂經管各官全無籌  
畫各處倉廩不聞修葺額徵糧米亦未及時催  
科年來惟任糧里包戶拖逋經承衙役侵收遂  
致壓欠數多甚有半年或數月無糧支給者鎮  
將呼庚之文不日脫巾可虞則日兵饑難忍危  
辭激切殆無虛日此際何時悠忽如是及諮訪

根由皆由關葦有司不于秋成之後徵收糧米  
並無預貯倉廩平日既無儲備按月將何取給  
且至事急混行發票兌支各營致兵棍交通沿  
鄉騷擾民不妄生成何法紀藐

功令而悞封疆莫此爲甚若不預計章程因循積習  
分私胎害尚忍言哉本院稽之舊籍沿海地面  
計軍授食各有就近倉廩每年秋成原有額徵  
修倉經費先期整葺年額秋糧十月開倉限十

二月終盡數徵足以備次年一歲軍食前人立

法原極周詳何各官怠忽職守相沿廢事誠不  
可解照今轉盼秋收倉行中飭預計爲此牌仰  
該道照牌事理卽便傳集府縣印糧各官公同  
會議本區經制官兵共有若干客兵若干某汛  
某城設有防兵若干或舊有倉廩若干間或應  
新創倉廩若干間要在適中之地便于兵民交  
納支放該徵貯糧米若干務足分往官兵一年  
支用除本縣額徵糧米若干外尚缺若干應令  
隣近某縣協濟若干逐一會計停妥其修倉經



費全書有無額設今應作何處置合用工料若干備細估計各造清冊具詳本院以憑酌議

題請舉行至徵糧法則務照舊章十月間倉年終報完不許仍前悠忽緩徵致悞軍糧限文到十日內議覆本院的于中秋前具疏

題明卽日離省巡視各府沿海地方料理倉糧清查積年逋欠如遲延不報定行指名叅處

巡拿滿兵害民

一爲禁戢兵棍肆橫以安地方事照得滿兵駐紮鎮守從來紀律素嚴且屢有禁約不容滋擾間有違犯務必繩之以法可謂相安于無事矣乃今訪有一種無藉棍徒串通營兵生事擾害鷄犬爲之不寧或橫行市肆短價強買或凌虐舖行白拿貨物稍有違忤則立刻傷殘小民畏之如虎靡不飲恨吞聲甚至三五成群四鄉邀截掠人財物毒毆橫搜此等行徑何異寇攫揆厥

所由總因奸徒指使或有土棍投充串通打合  
兵丁以土棍爲附翼之虎土棍以旗下爲護身  
之符依倚橫行無所不至猶有一等流氓假弁  
串通奸棍冒稱營頭在于地方擺放錢債准折  
良民妻產設弄局賭吸盡百姓指膏撤潑肆兇  
假威蔑法聞之最真深可痛恨前經

本將軍  
本院

軫念民生困苦戒飭各鎮有犯必懲復

又出示曉諭無奈頑梗兵廝怙惡不悛全不省  
悟今

本將軍  
本院

會同副都統

佐領

公議惟有巡拿一

法庶幾少知警惕除每日輪差章京并印捕各  
官巡察周城內外密拿以肅法紀外合行曉諭  
爲此示仰百姓人等知悉自後如有地棍勾引  
兵丁前來該地方強買物件攫人財帛恃威搶  
掠生端滋擾并放債窩賭剝削良民種種暴虐  
者無論滿漢兵丁以及地棍喇虎等類許地方  
里甲協力鄉拿解公衙門以憑

本將軍  
本院

副都統會審如係兵丁定以軍法重



處或係地棍照依光棍

新列究擬法在必行斷不贍狗顧忌坐視爾民向隅  
也各宜凜遵毋蹈法網

議建八旗營房

為撥給房屋事准

戶部咨前事內開照得八旗八個佐領初往杭州駐防其所住房屋於滿洲官兵餘剩房屋酌量撥給若滿營房屋不足于先駐防滿州連邊側近處所酌量撥給居住撥房之時會同該督撫鎮守將軍公同撥給等因准此為照八旗佐領奉

旨赴浙駐防住劄房屋應照

部文撥給備查滿營去廣兵丁所存房屋無幾

勢難安插

本將軍鎮浙  
本院無浙

以來念杭民六次播遷

一枝莫寄宵啼露處之悲瑣尾流離之狀目擊

凋殘補救無術惻然傷之遂會同

總督部院趙

副都統

陳夏

公同酌議編查滿城並無堪以官

居餘房若將連邊側近處所酌量撥給使百姓

遷徙失所又心竊不忍因從地方民生起見於

是念及滿營尚有隙地堪以創造允為經久失

所需工料浩繁費無所出欲令諸有司捐助

俸祿養廉之外宦橐蕭然不能周給展轉思

維實處萬難之勢本院同司道府縣延集省會

鄉紳

王顧戴  
胡項徐

諸公暨進士舉貢三學生員鄉

約糧耆里老於明倫堂從長商酌期于衆議僉

同始克聚材鳩工幸各縉紳士夫慮周桑梓咸

願各爲倡助首肯認里勸輸共襄盛舉并令仁

錢二縣置立文簿酌里分之大小以定捐輸之

數目登簿發里聽民樂助毋事強求誠爲衆擎



易舉一勞永逸之謀

除給示曉諭外各行置簿相應給示曉諭以備具清

稽填

為此示

仰士民人等知悉凡爾百姓當念

以前罔佔失巢之苦體諒

本將軍本院

力為爾等安棲之計務各互相勸勉量

力捐輸以濟急需乃見好義急公至每里有鄉

紳者已令兩縣印官敦請鄉紳主其事如無鄉

紳里分則令矜袍主其事如無矜袍則令鄉約

糧耆里老主其事各將所輸銀兩登簿送縣該

縣彙冊同原簿一併報院以憑核明特疏具

題以示優異如貧窶小民單寒無倚經紀赴食等

戶不得一槩強其輸助致滋混擾

申禁遊客招搖

一爲再申驅逐遊客之禁以安民生事照得遊客一項在于地方說情詐騙民受其害久矣本院撫浙之初文告示禁至再至三近訪撫屬地方不肖有司玩不遵禁多容此輩盤踞地方凡遇民間戶婚雀角陰搆原告駕以大題先囑貪官加之夾棍笞發監獄成千整百講就分上銀一入手或出與講息或代爲註銷若不遂欲事發不結前者滿載未去後者接踵而來不肖之官



因而糾合分肥無所不至以致民生日蹙民冤  
莫伸又有一等奸棍原不謀面假冒親識故舊  
招搖撞歲或本官被其牽鼻隱忍不言玷官害  
民莫此爲甚除一面訪拿外合再示禁爲此示  
仰地方官吏士民及庵觀寺院人等知悉嗣後  
如有遊棍或稱地方官鄉親知識或稱遊獵山  
水會附盟社異棍一槩不許容留若停如敢倚  
恃地方官威勢強留不行舉首者本院訪知立  
拿題叅欺家降旨地總保甲長一體治罪本院  
痛疾此輩法在必行各以身命自保毋致自悔

嚴禁服飾

一巡撫都察院示照得衣冠制度禮法攸關同軌同文孰敢自異本院入浙以來每見民間冠帽服制多有不盡如我

朝式度者今准科臣指奏現奉

明旨申嚴除已經大書曉諭外至于有帽無纓乃係凶喪變服本院每見士民人等通都大市之中大半俱戴無纓帽子相習成風恬不知怪豈爾民好爲此不祥之服必由習俗移人以致違禁



千忌合再禁傍爲此示仰士庶人等知悉嗣後  
凡一應士民冠帽務須冬皮夏竹綴以紅纓如  
有仍前故違明禁帽不綴紅纓者本院見聞所  
及定行嚴拿重究以違  
制論罪毋得自蹈法網慎之母忽

禁傍指訪行詐

巡撫部院朱 示照得本部院欽承

勅命巡歷地方首在察吏安民釐奸剔弊一切應行  
興革事宜載在憲綱以及訪拿蠹惡自有一定  
之體誠恐貪官污蠹假借緝訪爲名招搖設騙  
指稱打點營求遇肆行騷害均干明禁有一于  
此法在必誅除密行確訪外合行嚴禁爲此示  
仰官吏士民人等知悉如貪官積蠹指稱本部  
院撫臨假借察訪各色詐財者許被害據實指

名陳告以憑拿究或有棍徒潛至地方設騙希圖影射串同爲奸者該管巡捕員役立刻擒拿解赴本部院以憑盡法重究若有司各官敢有借稱供應鋪設派擾里遁行戶科歛財物者訪出官聽飛叅經承立拿處死

禁公舉德政

爲劣生市棍假託條陳媚官害民巧圖欺誑特嚴禁諭以肅法紀事照得二衢地當孔道爲江閩咽喉自順治初年幾經寇患民不聊生兼之邇來征調頻仍災傷迭見軍需供應雜派多端以致地荒人竄屢據見告則今日衢民困苦已極本部院撫臨茲土首在懲奸剔蠹革弊釐奸凡地方何利當興何害當除願吾士庶人等切實條陳以憑採擇施行業已通行揭示矣本部



院舟次西安境內遂有劣矜市棍假名條陳疾苦跪道喊稟投呈及展閱詞情率皆諛美縣令並非陳言民隱此輩平日則誦事官長交結衙蠹害政攫財靡所不爲及至上司巡歷慮有風聞乃僞開政績扶同公舉既可以狐鼠爲奸又得以雌黃其舌誠墨吏之故智狡蠹之積習也本部院職在察吏安民衙屬大小各官事蹟臧否耳目久已見聞詎容爾等欺誑深可痛恨除劣生市棍另行確訪拿究外合行嚴飭禁諭爲

此示仰衙屬軍民人等知悉如有關切地方何項大利當興何項大害當革各遵照原行條款據實敷陳以憑酌議應具疏者自當爲民請

命應徑行者立刻檄督舉行至于貪官污吏土豪蠹棍惡蹟昭著者許爾被害人等據實不時抱牌呈告本部院親自鞫勘卽寘重典倘劣矜市棍再有借名條陳保舉職官假公濟私者劣矜斥革市棍鎖拿一併發問從重究罪決不輕貸特示

曉諭 題豁荒糧

爲衢屬荒糧已經具

題特示曉諭候

旨定奪事照得衢郡屬邑接壤江閩山多田少所在  
地土率皆磽瘠每年收穫最下歷來逋賦甚多  
加以兵火之餘旱潦頻仍災傷相繼人民死徙  
地畝拋荒又值閩省用兵輪蹄絡繹供億浩繁  
夫差苦累民不堪命遂致課稅之積欠里甲之  
空存官有叅革之累民有包荒之苦衢民困敝



倍于他郡本部院下車以來每據有司申詳稔知爾民疾苦業于本年正月間備述荒殘景象及萬難追通情由激切詳陳爲爾民特疏請命矣倘得微

朝廷浩蕩

皇仁破格除荒徵熟卽是爾民更生之日然未知廟謨若何爾等自當靜聽母事紛紛控懇也合行曉諭爲此示仰士民人等一體知悉候

旨遵奉施行特示

嚴禁濫差重歛

爲申嚴催徵積弊釐剔差擾重科以肅吏治以極殘黎事照得衢屬五邑界聯三省自

鼎革以來閩省海氛未靖師旅頻經供應夫差往來如織兼之土寇流突水旱洊臻小民死于寇患死于饑饉死于力役者不知凡幾以致田地拋荒人丁逃絕市舍無烟村居斷燬荒涼景象不忍見聞則今日之湯火子遺困苦極矣爲民父母者當如何撫恤如何噢咻廣語疾苦調劑招

徠庶或溝中之瘠可起澤上之鴻可歸也夫何  
有司催科多擾補做無能如執比賠荒則惟是  
鞭朴賣妻鬻子者有之家破身亡者有之更如  
江常二邑空圖殘里糧額猶存民愚畏比潛避  
山澤抗法不出者有之如此情形撫字安在是  
無訝乎人戶日逃民生日蹙也本部院訪採民  
隱聞有催徵敝政如比納條銀專聽蠹胥諂媚  
重勒火耗至加二三者皆指爲相沿常例有小  
戶上納分錢者又置私等稱收重勒耗羨櫃頭  
恣意高下糧胥朋比指烹私耗既重正課必虧  
有限民膏寧堪朘削又如此卯徵糧並不遵行  
滾單之法惟濫差拘拿蠹役止知常例充囊安  
顧條銀完否按其所催里數索之里長而里長  
則又科歛花戶甚而引領白役沿鄉騷擾恐嚇  
鎖禁不厭不休小民正項未完什一而蠹差婪  
詐其費反盡飽其谿壑矣至各邑戶胥簸筭官  
長比較糧銀俱不照由單任意增減使樸訥鄉  
民坐困重科無由控愬致積弊富室減數不納



與蠹爲奸本官如在雲霧之中全無知覺此衙  
屬積弊均屬屬民本部院久有申禁豈此書役  
神奸百出蒙蔽多方嗟爾遺黎何時漸有起色  
哉除另行訪確特疏糾叅外合行禁飭爲此示  
仰官吏士民人等知悉嗣後上納條銀俱照  
部頒法馬兌準令納戶自對自投不許糧胥  
頭重加耗美媚官亦不許復用釐等重收扣剋  
比較錢糧悉照滾單之法不許差役下鄉沿家  
需索常例差錢酒食拖累兒年徵比賦稅悉照

頒發由單數目不許作弊增減使樸貧者重納  
黠富者逋額至于兵馬經臨糧餉芻草不許妄  
派里甲夫差徭役從公派撥不許賣富差貧自  
示以後各官猛省胸中自思平日所爲有涉此  
等事者作速改弦易轍自保身家勉圖努力潔  
已愛民倍加砥勵以仰副

朝廷功令如或怙終不悛利令智昏仍前聽蠹虐民  
恣肆貪婪或被告發或經訪問本部院卽刻飛  
章叅究斷不少爲寬假慎之母忽特示

禁飭投旗放債

爲嚴禁投旗保放營債以塞害源事照得投旗  
營債二事實爲今日地方大害總緣本地狡黠  
之徒或避徭役或犯不法輒投旗營爲護身之  
計以致丁冊缺額賦稅空懸有司不敢過問里  
甲代爲賠累如抱睚眦小忿卽圖報怨構兵荼  
詐及至脫迹又株累親族流毒無已深可痛恨  
甚有土棍積欺指引旗下營丁携本放債盤剝  
小民作彼爪牙從中攫利而無知愚民或以官



錢衣食之迫誤墮其術或加二或加三按月滾  
利迨至日久子化爲母變百成千遂爾準折田  
產拘繫妻孥逼寫身契累及親屬或行潛逃或  
投盜夥或被毆斃或自輕生雖由自取固不足  
惜但其害源實始于保放營債之惡棍也除積  
年保棍窩歇奸徒密訪拿究外合行禁飭爲此  
示仰軍民人等知悉自後如有願充旗下爲奴  
者果爲衣食缺乏無所依倚並無欠糧犯事里  
隣親族有結方准投旗其營丁放債地方里甲

不許容隱土棍窩留敢有仍前故違該縣卽行  
申報定提保債借債之人各重責九十板枷號  
九月示懲窩寓之家定照隱藏逃人新例從重  
治罪里甲隱蔽不報一體連坐決不輕貸特示

申飭朱莊逆產

爲造寫逆書事案據

該司

造送莊朱等逆名下

籍沒各項冊籍前來隨經批行外但查莊延鉞

朱佑明等各犯俱係若中望族家擁豐殷名登

宦籍非小戶寒門之比彰彰在人耳目况各犯

原籍地土膏腴其中價值每畝十餘兩以及二

三十兩者其房屋有每間數十兩者而市廛鋪

面其租息又不啻倍蓰民間時值絲毫難假其

各犯置產必有原契可稽業主田隣皆可面爲



質詢况該道府廳縣身在地方自應躬親確勘一經查審便可定其價值多寡之數原不得混憑里甲開報徒滋隱匿之弊也又查

江寧撫院移送莊朱二犯吳江震澤店房價值每間五六十兩七八十兩不等其租銀每年十二三兩十七八兩不等者田地有每畝一二三十兩不等者夫吳江與南潯地址相聯原無軒輊何以所報之數懸殊若此則係該府廳縣不肯細為稽覆一任里甲塘保奸頑知數人等朦朧開報通同隱匿從前銅弊牢不可破倘一經拈摘關係不輕而承勘官役何以竟不上畏

功令下顧身家敢以法紀為嘗試耶本部院諄諄告

誡已不啻至再至三矣而各官藐玩如故合再

嚴行申飭為此牌仰該

通判

縣查照節行事理文

到即將莊朱各犯名下田地房屋等項務必躬

履其地會同道府廳縣各官挨都順畝逐一嚴

加搜勘不許隱匿絲毫其一應價值從新加估

凡田地山蕩每畝原價若干今照時值估定若

千鄉市房屋等項查其原價若干今時值該銀若干每年各租米若干房屋租銀若干限日內備悉查明開造清冊三本并責取府廳縣各

官不致扶同隱漏印結刻日通詳以憑核明報部如有仍前玩忽不行重加搜勘及朦朧濶報者本部院查出定將經承立拿重究各官指名

題參斷無瞻徇此係各該司道府廳縣功名身家性命所關宜加意覈覈為定常各宜凜遵毋忽

買料養馬示

巡撫部院朱 示照得本部院量移閩督不日候代起行所有自購戰馬一百匹預令家丁帶押至金華暫為飼秣聽候隨帶入閩其應用一切豆料草束等項俱係現發官銀照依時價公平買辦並不擅用民間寸草粒豆及取用一物致滋擾累誠恐奸胥地棍指名科派合行曉諭為此示仰地方士民人等知悉如有奸胥蠹役及地棍人等指稱養馬為名乘機派索里民及



騷擾滋弊者許卽赴本部院據實呈懇以憑拿  
究決不輕貸

註銷詞詳事件

爲查銷批行詞詳以安民生事照得本部院撫  
蒞浙土三載于茲每于放告日期審准呈狀察  
閱情詞激切者方與准行蓋欲與爾民理枉申  
冤耳茲欽承

簡命陞任閩督見在候代起行任內所有一切呈狀  
未經審詳及駁批覆勘者爲數尙多似此耽延  
日久爾民聽候審理或犯証不齊又羈人待結  
經年累月不得完案必致妨農失業貽累無期

相應分別情事輕重查取註銷以安民生除經  
通行司道各屬遵照彙銷外合行曉諭爲此示  
仰官吏士民人等知悉凡係順治十八年七月  
二十五日本部院蒞任以來所有批行呈狀及  
駁勘招詳前任 撫按二院批行久延未結呈  
狀內除機密叛逆真正人命強盜窩家訪拿衙  
蠹及順治十六年以後侵欠錢糧緊要事件俱  
不准註銷外其餘一切戶婚田地闖毆債務輕  
細事情無論未經審詳及駁批再勘一應詞詳

見令該衙門逐一檢查明白彙齊造冊呈繳核  
明註銷以甦民累如有經承差役指名索騙指  
匿作弊復行拘擾者許被害據實陳告以憑拿  
究其不應註銷前項重大事情仍聽原問衙門  
從公速審敢有罪犯串通衙蠹欺官婪賄以重  
作輕朦朧濶繳者查出定行嚴拿重究與受一  
併計贓論罪斷不姑恕



文廟禁兵示

爲懇憲給示禁止畜牧以肅廟貌事據杭州府  
同知毛賡南呈詳云等緣由到部院據此爲  
照學宮乃崇祀

至聖先師禮宜敬肅難容褻越屢有明示嚴行禁戢  
在案何物營兵小廝乃敢縱放馬匹牛羊恣行  
踐踏及踰垣穴檻穢污

廟廷殊可痛恨除密訪拿究外合再嚴禁爲此示仰  
本學官吏及門役殿夫人等知悉自後如有營

兵小縣仍前假借牧放馬匹牛羊在于本學聚集夥黨破壁踰牆污穢作踐者無論滿漢兵廝卽時拿解本部院以憑會同

總督部院公審從重寃治斷不姑恕  
鎮浙將軍

官差指索埠牙

爲請禁官差指索船牙以全公務事據杭嚴驛傳道呈稱云云等緣由到部院據此爲照浙省爲江閩要衝之路年來征調繁興輜軒絡繹往往取用官民船隻支應維艱亦稱勞止矣向經部科條奏不許橫行指索刊立榜示嚴爲禁飭如有違禁騷擾許指名叅寃奉有

俞旨嚴行飭遵在案詎今差使頭站員役蔑視明禁敢于刁指牙埠船頭強逼攬載客貨橫辱妻孥



包稅漏課種種冥行致使各埠船牙盡皆逃匿  
支應無人公務盡廢言之殊堪髮指除另訪拿  
叅究外合再嚴行申禁爲此示仰黑北二埠船  
牙人等知悉務各卽歸安業承應公務不得規  
避自悞生理自禁之後如有差使頭站員役不  
遵禁約仍敢指索陋規使費逼勒裝載貨物及  
勒索坐艙包稅漏課恣行凌辱者無論滿漢人  
員許卽扭赴本院據實呈懇以憑會同

總督部院  
鎮浙將軍公審計贓叅究斷無姑縱合宜凜遵

毋自扞法網特示





撫浙檄草目次

卷之二

各年未結大獄

刁民越告誣害

清理侵佔官街

安插遷徙難民

賑給貧生

賑濟徙民

營兵強買稻穀

各年未結大獄

一爲恭陳四款以佐

皇上勤民大政事照得浙省重獄繁多豈無冤濫情  
事是以特奉

俞旨嚴飭問刑衙門每年備將審理大獄已結未結  
俱於年終造冊具本恭進

御覽以期獄無淹滯刑無枉錯也今查每年所

奏未結案犯各該衙門經年不審不詳乃竟視爲  
故套間有具詳率皆游移不確又費往返駁查



飭拿逃人

禁指訪土豪害民

禁低假色銀

禁弁丁指兌需索

捐備大兵馬草

禁抄傳小報

禁兵捕假克遊客巡騷擾

查仁和濫派民夫

防緝海逆奸細

勸諭捐賑饑民

捐賑台屬饑荒

查疎縱監犯燒詐

賑濟貧生

禁用酷刑

查歷年戰船

禁滿營兵騷擾

禁折差累民

扣抵白糧經費

濫給夫船害民

申飭嚴拏衙蠹

清理監獄

嚴查籍沒各案

訪拿匿名謗帖

稽察匿名呈狀

禁革私徵脚耗

大收儒生入試

禁飭派累遷民

再飭彈盜安民

清理濫監人犯

拿叅悞餉縣令

嚴搜逆犯財產

曉諭逆人條例

革禁一五加耗

駁查逆犯產冊

巡緝兵丁搶奪

申飭考滿等次



詔訪丈量利弊

慎選吏員撥叅

禁兵搶奪祭品

飭查丈量弓式

土棍肆惡害民

飭究兵丁伐木

嚴查朱莊逆產

疏濬省城河道

曉諭丈量條約

禁革倉脚害民

禁衢屬養馬害民

禁重徵差派害民

冒兵擅索夫船

再飭丈量地畝

續發量丈條議

申飭開濬官河

嚴禁丈量差擾

甚有已故重犯不卽報明終年沉閣種種朦混  
經營各官難辭溺職之咎前據該司詳報重犯  
余倫娜等監故日期據以具

題部以此案稽遲淹斃謂本院不叅延悞經營職  
名見在查議如此

功令豈容緩視合行嚴飭爲此牌仰該司照牌事理

卽便移行守巡各道并府廳各官速將順治  
嚴督府廳各官

十二年

題報大獄爲始至十八年止冊開未結各案盡數

查出備開某案已完某案仍未完簡明畧節并  
先將經營職名具揭呈報或有年遠未結重犯  
報故者俱要開列經營職名報院叅處一面勒  
令承問各官速行研審如或案內流徙人犯事  
在

赦前者務必確查

詔欵所開應

赦與否不得一槩混稱援

赦致滋徇庇通限半月內擬招詳院以憑覆核具



題事關

奏報重案務期速結毋容經承怠玩致干

功令未便慎之速速

刁民越告誣害

一爲立法嚴查營棍刁民越告誣害以安良善以  
肅法紀事本院會同

總督部院趙 照得浙俗刁險健訟成風或以  
口角微嫌輒誣人命禁詐或以田土細故賄砌  
盜案株連及經有司審虛必欲捏詞求勝或商  
謀走營奸棍或誤聽操筆訟師駕捏通海謀叛  
浮詞越赴滿營妄首不顧反坐重典惟圖報復  
私讐在

鎮浙將軍柯 據其庸想事關重大不得不爲  
行拘及至公勘什九風影事雖昭雪身家立破  
因而有蠹棍串局朋比爲奸肆行恐嚇詐冒滿  
營名色擇人飛食呼朋引類違出拘拿有司不  
敢過詰地方莫可誰何近如余四潛往衢屬索  
逋毆死巡檢郝雲鶴又有諸瑞之冒旗指拿逃  
人踢殞民婦沈氏如是兇頑未易枚舉又聞有  
被害提到省城無端私阱任意誅求谿壑旣盈  
是非罔論似此清平世界竟成鬼域行藏嗟爾  
子遺奚堪刁俎言之真爲髮指也前有海寧之  
徐文煥秀水之張恩本爲訟隙越首謀叛俱准  
將軍柯 移送會審涉虛本院業將文煥具  
題正法張恩正在繕疏  
題請據報已服天刑

將軍 都統原極愛民執法未嘗偏信刁徒但  
若輩乘機扇誘愚蒙假冒詐擾不知凡幾若不  
立法嚴查民害何由底止擬合通飭爲此牌仰  
該司照牌事理卽便通行所屬大小衙門凡有



稱奉滿營

將軍 都統甲喇等批詞牌票拘提人犯卽將  
事繇粘連原文一併先解本院以憑會同

總督部院公審明白轉咨

將軍定奪不得徑行發解倘有恃強不服者卽  
具文星馳飛報候示不得仍前隱匿不報致干  
叅處其有地棍慣通營伍線索害民者許卽擒  
拿監禁一面將詐騙實蹟密揭報院以憑嚴提  
親審實以重典法在必行毋容玩視

清理侵佔官街

一爲再申拿究侵佔官街奸民以肅法紀事照得  
省城內外街道窄隘皆由無知奸頑或搭蓋棚  
圍開張鋪面或侵佔行路飛簷相接每致火燭  
急切不能撲救前月祝融肆虐本院目擊棚圍  
毗連遂致延燒爲害是以檄令司府廳縣立督  
折毀乃爲爾民永杜火患之計今查守分良民  
遵法自折者固有而奸黠衙役及營宦鷹犬之  
徒不但抗違不折反嗤折者爲非把持撓法莫

此爲甚且本院每於公出視已折者僅去芭椽數寸而桁柱猶存不過塗飾耳日希圖事冷復興又見小街巷道全無折卸不惟藐玩不遵抑且築牆造屋侵佔官街如故甚有賄買保甲里書匿示不掛置若罔聞者或有呼朋引類而向府縣乞恩免折者以致有已折之家有不平之嘆此道府有司奉行不力不公之故成何法紀况時際隆冬火患更宜預防今本院東巡遠出必致怠弛合再嚴飭爲此牌仰

該道本官照牌事理

卽將省城內外店舖搭蓋飛簷棚圍無分大街小巷限日內盡行折毀聽候本院親行踏勘如或奉行不力奸民仍前抗拒立提經承及保甲長里書總甲解院重究故違奸民重責三十板枷號一個月示警本院法在必行毋得輕試限十日具由呈報以憑施行慎之慎之速速



安插遷徙難民

一爲遷民失所堪憐特再申飭安插以全子遺事  
照得沿海居民上年奉

旨扞界移入內地本院親臨安插屢據該道府呈報  
或有依親居住或蓋廠佃耕俱已得所今本院  
親訪得金鄉蒲門僊口南港等處遷入內地之  
民至今一載尚多身無所棲口無所食老幼奔  
竄流離失所甚有偷行界外甘冒重法竊取煎  
鹽以偷延之命者比比皆是矣該道府縣全不

以民瘼爲念惟事蒙混欺飭豈爲臣子仰體

皇仁哀此子遺之至意乎合再確查俾各安其所爲

此牌仰該

道府官吏

照牌事理嚴督屬縣逐一備

查遷徙居民若干戶某戶若干丁今見遷住某  
都里某保甲或佃田若干畝或務何項業或  
該縣何處有未開之田已令某戶某人開墾過  
若干畝或有無主之屋曾令某人修葺安居或  
某人依親某人寄居何里甲某戶幾名口見蓋  
蓬廠在于何處作何生理各造清冊一本限五  
日內送院查核如有仍前蒙朧捏報倘有一人  
不得其所除將府縣印官以欺誑

題叅究治外該道恐亦難辭其咎也際此隆冬木  
院梯山遠涉東甌無過念此濱海窮氓巖疆戍  
卒饑寒困苦務要人人得所以副

朝廷盛意斷難容草率濶報虛應故事各宜洗滌因  
循痼習毋以身名輕試白簡也最之慎之



賑給貧生

一爲翹憲恩憐賜賑事據温州府呈詳奉本院批  
温州府學及永樂瑞平等四縣學乞賑貧生葉  
茂美等三百八十二名文冊到院據此爲照兵  
餉孔亟府庫實無餘銀堪以動給諸生本院軫  
憐爾等困苦情狀特蠲俸銀少資升斗合行曉  
諭爲此示仰告賑温州府學并永嘉縣學生員  
葉茂美等知悉查照後開名數于本月 日齊  
赴本院親領其樂瑞平等三縣學生員俱赴該縣

收領毋違

計開

温州府學生員一百五十七名

永嘉縣學生員九十五名

以上俱赴本院給領

樂清縣學生員九十八名

瑞安縣學生員一十八名

平陽縣學生員一十四名

以上俱赴該縣給領

以上各生員每名賑銀二錢

賑濟徙民

一為泣陳災傷祈勅賑恤事據温州府呈送永樂

瑞平等四縣乞賑貧民花戶姓名冊到院據此

為照備閱貧民王絲等五百六十二名口情詞

可憫奈温州府庫並無毫忽堪動給賑本院念

切爾等窮苦特捐俸銀以資朝夕合行曉諭為

此示仰永嘉縣貧民王絲等知悉查照原呈各

數于本月 日赴本院親領賑銀其永樂平三

縣俱赴該縣收領毋違



計開

永嘉縣遷徙窮民王絲等一百十三名 每名賑銀三錢

又乞賑饑民張有道等三百三十三名 每名賑銀二錢

又乞賑孝子二名石崇周陳光業 每名一兩

以上俱赴本院親領

樂清縣遷徙窮民黃德等七十九名 每名賑銀三錢

瑞安縣遷徙窮民黃汝綸等十五名 每名賑銀三錢

平陽縣乞賑饑民陳秉家等二十名 每名賑銀二錢

以上俱赴該縣領

營兵強買稻穀

一為嚴禁營兵持票強買稻穀厲民以肅法紀事

照得兵丁自有餉米馬匹給有乾銀在

朝廷養軍不為不厚即日需本色草料自當與民兩

平交易豈容賤價強買擾害地方况鄉民以兵

火之餘終歲勤動藉獲稻穀為妻子養命之源

若被兵丁用強抑勒則絕一家老幼之食其何

以堪本院軫念濱海窮氓饑寒困苦嚴疆戍卒

荷戈禦侮不憚隆冬梯山越嶠遠涉東甌千里

携餉饋兵并賑窮民俾各人人得所以沛

皇仁不意甫入甌界永嘉縣里民有以翹憲超豁救  
民等事具控者瑞安縣里民有以翹天亟援水  
火殘命等事具告者平陽縣里民有以翹天禁  
革海民大害以存殘孑等事具告者數十成群  
連名哀控備極呼號閱其情詞咸稱營弁給票  
悍兵沿村以銀一兩或強買稻穀十數石或十  
石者并買猪羊雞鵝牛鴨等項差兵到家拷索  
酒食勒送到營晒曬簸揚千般磨虐大斗重秤  
恣聽橫行嗟此窮簷寧堪刀俎大失本院安民  
恤兵至意茲本院新奉

勅諭開載如有武官騷擾地方擾害良民縱兵搶掠  
俱聽本院會疏叅究凡屬弁兵誰不凜畏欽遵  
孰謂東甌遠處海畔尚不知

功令何等森嚴乃敢驕悍虐民如此今據前情除批  
行巡道確查虛實另詳外合再飭禁爲此示仰  
營將弁兵都里士民人等知悉嗣後凡有驕將  
悍兵仍前給票差兵沿都下鄉強買稻穀猪羊



雞鵝牛鴨一應物件者或本院別有訪聞或經  
被害告發定行據實將縱兵擾民營弁指名遵  
照

勅諭會同糾參請

旨處分肆橫兵丁立拿實法并許被害諸色人等據  
實赴陳喊告如告不以實定行照律加等治罪  
斷不輕饒各標營將有則改之無則加勉率毋  
以臨海遠阻自貽伊憾

飭拿逃人

一爲嚴拿逃人以遵

功令事照得嚴拿逃人近奉

新例甚嚴上至督撫下及有司皆有責成倘稍玩忽

叅罰非輕但各屬向因杭城滿洲駐防有兵丁

小廝或在外樵採及遠出生理計債等項動稱

將軍旗下名色是以各屬真假莫辨畏不敢問

倘真正逃人借口前項各色潛藏地方莫可究

詰若不嚴拿貽害不淺是以本院于十五日在

公衙門會同

總督部院  
鎮浙將軍

副都統面議凡滿營兵廝俱不令

遠出以便緝拿逃人除

將軍

副都統曉諭各旗遵照外擬合通行嚴

飭爲此牌仰該道照牌事理文到卽便轉行所

屬

府州

縣印捕各官遍示軍民人等知悉如有滿

營打扮或以逃人形跡潛住地方經宿不去者

無論其稱某旗某

將軍某

都統及回山大甲喇牛錄下兵廝或本地奸徒

賣身旗下私歸原籍借名各旗各色詐害地方

者許地方人等卽行立刻緝拿解官該管官添

差的當人役解院以憑究審真假如係滿營兵

廝會同

總督部院  
鎮浙將軍

副都統發落如係逃人卽行解

部庶逃人不敢入境而地方亦獲安枕矣如該

管印捕各官緝拿不力日後拿獲逃人供出曾

在某處住宿者卽將該地方官以隱匿逃人



重處決不姑息

濫給夫船害民

一爲驛遞繁疲已極差使紛擾宜屏請嚴示禁以  
甦民困事據杭嚴兼理驛傳道呈詳前事等由  
到院據此爲照驛遞衝繁錢糧匱乏屢奉

嚴旨欽飭凡奉勘合火牌遵照填定數目應付其白  
牌小票一槩不許濫應如違叅處久行在案今  
據該道詳稱省會衝繁差使絡繹過往使客不  
奉勘合火牌每每索取夫船若不勉應則嚴聲  
厲色悻悻懷忿若破格支取則牙埠船戶苦累

難堪上江下河船隻遇有正差尚且維艱何能  
供此濫取但該道職司郵傳一應白牌小票正  
當清釐不許濫應以信

功令今乃一任不肖有司竟以

朝廷驛傳金錢勉應濫索以博色笑獨不思職守之  
爲何而濫給夫船擋虐閭里地方又安用此牧  
民乎哉殊不可爲各官解也今各縣紛紛以驛  
站借支正賦見告者或數千或數百苦無解抵

一經

奏銷凡非奉勘合火牌及額外白牌小票濫支者  
部必加嚴駁彼時按冊提究不特奉差員役有  
身命之憂而給票濫應之官亦罹嚴譴無可辭  
責日今永嘉縣典史陸振飛因奉差押解逆屬  
進京違例多支夫廩  
部議流徙寧古塔題奉

俞旨欽遵在案非殷鑒之不遠者乎合行給示嚴禁  
爲此示仰通省官吏及各省奉差員役人等知  
悉嗣後凡有奉差員役來到縣驛卽照填給勘



合火牌支應遇有水路處所止許應付船隻不  
許強用兜馬此外白牌小票一槩遵

旨不許濫應如敢恃強抗濫支濫應及勘合火牌  
之外多索勒折即便據實填造院頒稽核應付  
循環簿內報院溢額少者年終

奏銷多者按季摘叅如有不馴員役該道諄切誠  
諭所利者小所害者大毋以身命嘗試噬臍莫  
及

申飭嚴拏衙蠹

一爲衙蠹害官害民請

勅嚴行訪拏之法等事案准

部咨隨經通飭司道府廳去後迄今兩月杳無  
查報但科疏有云如督撫經年不報卽以玩忽  
繩之部覆乃云如督撫徇縱聽科道指叅等語  
何等嚴切豈該司道府廳竟置度外合再行催  
爲此牌仰該司道府廳查照原行

部文事理嚴加確訪如有衙蠹爲害地方及前

經訪拿不拘復入是何衙門肆惡者開列惡款  
具揭密報以憑拿寃具

題向來訪款多出刑廳積蠹之手每以季月所收  
賄賂多寡爲定評故巨慝豺虎皆得漏網以致  
雉罹兇羅此輩足稱蠹惡該司道府廳務要虛  
公確訪除一蠹必求士民稱快毋但以贓之有  
無爲計混報塞責倘有一款審無得實必執問  
所從來斷不少徇各宜凜慎其司道府廳及首  
領吏書各役花名年貌籍貫及充役月日冊  
部行年終造送今已遲延月餘限文到三日內  
呈送再遲提寃經承不貸



清理監獄

一爲清理監獄事照得時當仲夏暑濕交蒸易生  
牢疫在監重犯報病報故日有數起雖各犯自  
作之孽報施固宜然內亦多波累情堪憫惻况  
外府縣各官每多因微細罪過濫發舖監久淹  
不結更有獄官吏卒指勒飯衣不與水漿益久  
重囚賄通官吏買充座頭非刑凌虐罪犯夜晚  
鎖吊穢污幽暗處所不容臥寢種種兇惡每使  
罪囚含冤枉死無從伸訴殊可痛恨且牢頭乃

係重囚自當枷鎖牢固監候豈可反容優游曠  
適橫肆毒螫拷索罪犯銀錢凡居民上者俱當  
時加稽察每監宜照古法置大鑼一面懸之監  
口如有惡卒悍囚凌詐監犯使鳴鑼聲寃立刻  
拏寃不許擅稱牢頭座頭名色恣肆拷詐其府  
監舖每日諭令獄官吏卒按時給散粥飯多給  
清涼井水掃除穢污各縣監舖嚴督捕官提牢  
吏料理或二日或三日不時點差首領各官查  
察五日十日府正刑官縣印官各當親詣監舖  
清查以全民命以保

天和爲此牌仰該道府照牌事理文到卽督所屬府  
縣印官立刻詣獄清查如係真正重囚照舊枷  
鎖固監內有情可矜原者應發保卽行發保如  
有原無重罪係各衙門或因觸怒或徇情面假  
借重大名色濫發監舖者立刻審取口供釋逐  
仍將見監事犯及發保逐釋畧節俱另爲一冊  
限文到三日内送院查考至于哀矜事宜該該  
道必有同心務期力行毋緩



嚴查籍沒各案

一 爲嚴查各案籍沒家產以杜欺隱奸弊事照得嘉湖等府籍沒反犯叛犯及科場籍沒各案財產皆關重大奉行經管各官自當如何慎重如何設法搜查不容纖毫欺隱以免身家之禍豈意從前司府廳縣各官積習相沿藐視

功令勘報多年搜查未清估價不實以膏腴田土捏爲磽瘠荒蕪將華堂大厦指稱破壁頽垣或欺瞞不報或捏情典賣非通賄賂卽係徇私種種

奸弊牢不可破甚至將報官田地房屋家伙什物所估價值冊報甚微屢駁屢覆堅執如前以致任意遲延中間豈無挾同欺隱情弊本院接管以來嚴檄申飭批駁查催幾至唇焦額禿無奈玩忽如故前因各經管官率覆行據該司詳議專委顧同知躬親確勘照時估價今仍聽經承知數挾同蒙混作奸殊失委任至意已經查取職名指叅并察訪欺隱情弊具

題叅治以振聲職但近日接准

部覆本院咨達籍沒各案不日蒙洞遲悞估報

甚少卽曰該撫不行親查惟憑混造又見

部覆具

題各案屢奉

嚴綸根查經接院司道府廳縣各官議處煌煌

明旨不寒而慄該管各官豈不自惜身家功名甘蹈

欺罔之罪乎本院查從前原報各案籍沒財產

雖久有細數惟恐尚有愚昧無知者隱匿未報

倘被旁人舉首或經訪察發覺地方官均難辭



各事關重大合行嚴查爲此牌仰該司道府廳  
縣照牌事理即便嚴行府廳縣并原委顧同知  
查照單開各案將各名下籍沒田地財產毋論  
已未咨報  
內部再行各屬挨都逐里清查隱匿情弊如果  
有未經呈報沒官者許令赴縣自首免罪倘執  
迷不悟以爲前已遺漏便不可欺瞞一經本院  
發覺定照

新例從重究擬斷不姑息通限一月內將合邑搜查  
緣由取具印結繳報查考其見在沒官估變者  
照依民間時值確估加增不許經承知數人等  
行賄把持短價朦報限 日內照依原頒冊式  
星速攢造并具甘結或有委官不行親勘估價  
短少仍前隱匿不報本院微有風聞定將該官  
指叅經承杖斃本院斷不爲人受過也各宜凜  
遵毋得輕爲嘗試慎速慎速

訪拿匿名謗帖

一為訪拿匿名謗帖奸徒以肅法紀事照得兩浙民心陰險習尚澆漓點詐冥頑日趨日下近有一種刁惡神棍奸偽百出不論事之有無情之輕重匿已姓名或刊布謗帖或編布歌謠暗貼城市圖快已私殊干法紀但果有不公不法之事自當據實陳告本院密拏審實何難立刻置以大法詎容匿名訕害總由此輩皆係奸棍劣衿訟師惡蠹聯結成羣無風生浪或因砌誣之



不遂或假條陳之未行故捏危詞觸怒官長是  
非任共起滅詐騙莫可端倪鬼蜮含沙黎丘幻  
影念之髮指地方巡捕員役平日譏察保甲訪  
拿奸宄之義何居合行密拿爲此牌仰該司道  
轉行府廳各縣照牌事理卽督印捕等官卽于  
城市各坊着令總甲挨查訪拿前項暗貼匿名  
謗語棍徒及刊刻字帖逐戶密行擒獲限 日  
內依律究擬解奪或有知情舉首者當卽賞銀  
拾兩如見奸徒粘貼坊柱壁間不行擒拿揭毀  
故縱容貼或知情不首卽拿本家住民左右鄰  
里及十家長併該坊總甲一體連坐加等治罪  
仍各大書告示各里曉諭倘過限不報先提巡  
捕員役解究仍行斥逐決不輕貸各宜凜慎毋  
視泛常致貽伊戚

稽察匿名呈狀

一爲立法稽查投匿呈狀以杜誣捏刁風事照得  
本院准理詞訟惟期伸冤理枉剔蠹除奸無奈  
浙俗刁險健訟老奸匿已名姓捏寫謝天恩蘇  
民望等項名色或假條陳利弊傾害官長或羅  
列賍欺排陷善良屢經飭禁怙終不悛又有無  
知之輩或因鼠牙細故便以人命強盜裝頭或  
有圖謀未遂輒以虛詞妄控觀其情殊駭聽聞  
審其詞多屬影嚮甚有批行審勘虛實不曰冒



籍無人則曰原告不認非是畏罪潛踪卽係買  
和欺蔽但蚩蚩小民目不識丁皆由積惡訟師  
鼓其刀筆之鋒代作代書裝點多端惟圖一准  
以遂說事騙錢之欲罔顧受罪坐誣之害本院  
言念及此深可痛恨相應設立官代書以杜捏  
誣唆訟合行選報爲此牌仰仁錢二縣掌印官  
卽便遴選官代書十名開註花名籍貫住處解  
院查驗每期責令在于本院門首代書呈狀尾  
後填註姓名以便查閱以杜匿名虛誣如或審  
出虛誣代書及原告一併重責治罪枷示以爲  
誣控者戒如有窮民真冤實在據理直書令其  
陳告不許勒索財物阻抑控訴故違者許受冤  
之人喊稟以憑從重究罪仍將代書革換另選  
頂補該縣務選誠實堪用者開報不得以無賴  
積年訟棍濶送滋弊慎之速速

赴平公掛圖茲茲轉動之整裝

前縣趙總縣與諸實掛用青開雖不貴以無陳  
之人烟稟以懸於重災異外縣外書章其是  
刺書不指傳素視則林空福於數年其受  
諸林亦其吹亦復以其實實其書其書令其  
出也結外書及風告一計重責當其時示以  
禁革私徵腳耗

一為嚴禁南米私徵腳耗以甦民困事據布政司  
呈詳各屬私徵南米腳耗緣由到院為照嘉屬  
南糧腳耗一項除將八分充餉載在全書統入  
條鞭徵解外所存腳耗二分每石計有陸升歷  
歲均攤縣糧里為僱船過壩之費猶苦不敷  
何以士民反呈捐賑孤貧之用而起解糧米若  
無腳費領解員役豈有神輸鬼運之術乎是以  
不得不議加派但加派一項



功令首嚴雖經前院批詳未經具

題難以遵行每石所派腳價壹錢捌分肆厘合應  
嚴加禁革仍將全書額載南耗貳分給發領解  
官役以爲水腳之費不許科派里通領解以滋  
私貼少甦民累合行給示嚴禁爲此示仰該府  
官吏士民糧里人等知悉示後止許將全書額  
載南耗貳分照數給發解運官役領爲腳費其  
加派腳價壹錢捌分肆厘盡行禁革絲毫不許  
派累里民如敢再行私派一經訪聞或被首告  
定將各官以違例加派

題叅蠹役立拿杖斃決不姑貸各宜凜慎毋以身  
命輕試

大收備生入試

一爲科舉事照得各學生儒因科考遺名紛紛求  
試籲無虛日本院念爾多士三載寒窓偶以一  
日之短遂落孫山之外而不得與闢門之

盛典豈無遺珠抱璞之悲查本院衙門向有大收  
作養人才之例自當循照舉行擬于八月初二  
日考較文苑但此舉專在蒐羅真才淹貫三場  
者方可以副本院爲

國薦賢之意爾多士有能經書論表五藝全完者



挾管來試當予披閱品題倘文義荒疎徒炫父  
兄耳目者各宜自我引退如少一莠槩置不錄  
合行曉諭爲此示仰各學諸生凡係學道未經  
錄科有名者各自備試卷筆硯俱于本日五鼓  
俱赴聽候收考于東西轅門報名魚貫而入諸  
生俱要靜聽杭州府于門外點名就坐靜心作  
文如有喧嘩擾攘溷瀆不遵者立時逐出不准  
與試或有劣生已經錄科敢于代人頂替者諸  
生舉出立刻行學除名仍行枷示决不輕貸各  
宜凜慎

禁飭派累遷民

一爲遷民困苦應撥房田務求實着等事准

總督部院趙 咨前事等因到院准此爲照界

外遷民本院奉

旨兩次親臨該府安插俱稱得所又經節次申飭道

府縣官竭力撫綏不許派累夫差據報依旁居

住佃種相安在案不意各官日久玩生朦上欺

下加耗派差如故界內士民又復逞強凌虐賃

屋租田恣詐重價種種作厲以致失業遷民無



屋棲身無業糊口除一面確查叅處外今准前  
因合再通飭爲此牌仰該道遵照粘抄事理卽  
便嚴行該府縣印官逐項清查各田某項若干  
撥給遷民某某佃種若干并查本院原

題荒田某處曾撥某縣遷民某人若干或尚不敷  
若干或合計有餘若干一併開造清冊一送  
部院一送本院以憑會奪如再仍前虛應不肯  
實力奉行定將府縣官以違

旨飛叅則該道府亦難辭不行力督之咎也慎之速  
之

再飭弭盜安民

爲再申巡緝以弭盜萌事照得弭盜安民地方  
首務卽捕防官難容怠弭本院前因嘉湖屬邑  
及各市鎮俱在水鄉且接太湖等湖盜賊出沒  
搶劫焚殺擄人拷餉肆行無忌節經列款申飭  
關廂市鎮建置更樓柵巷協力守望支河雜港  
各令設柵釘椿阻遏盜船亦旣穎枯吾敝矣乃  
各官漫不經心視爲具文止以驗報遵依及造  
一冊申送便爲了事今聞盜賊橫行如故

或連舫往來截刳行舟或顆捨城廟村鎮全無  
備禦商民被害莫可誰何卽捕防官又匿不報  
聞養癰貽患溺職殊甚除確訪實據特疏叅寃  
外第今隆冬伊始正盜黨竊發之時合再嚴飭  
爲此牌仰該道照牌事理卽便移會協守并行  
府屬卽捕汛防等官遵照屢頒條款事理城廓  
關廂市鎮處所增置更樓木柵嚴加守禦分汛  
夜巡其僻河曲港凡係盜賊出沒之處盡爲釘  
椿樹柵止容農庄小船出入嚴夜行以遏盜源  
經過客商船隻不許假以盤詰爲由致滋騷擾  
如有訪聞定行嚴拿重寃各宜凜遵毋再視爲  
泛常取各遵依呈繳俱毋違錯



清理濫監人犯

一爲清理獄犯以重民命事照得兩浙年來訟獄繁興囹圄幽繫爲數甚多如事犯謀叛及強盜人命侵盜錢糧情真罪當者因其自作之孽俱當固監候

肯定奪但其中或事有干連情涉冤抑或因雀角小嫌或有微賊未納以及戶婚田土爭姪細事經年累月槩行監禁遂致凍餓幽囚命沉獄底豈有不干

人和致召災沴本院撫浙以來雖節經申飭清理速  
結刑獄其如經營各官不肯實心奉行停滯尚  
多拘禁如故際此隆冬天氣嚴寒誠可惻憫陳  
四款等事各案重囚業經會審無矜疑者俱照  
舊固監其餘未結大小事犯令行開造畧節以  
便清理爲此牌仰該司照牌事理卽便轉行府  
廳縣并布政司理問所該司司獄司將各監輕  
重人犯逐起開列事犯情由畧節限五日內報  
院以憑核奪

部院訂期親臨都司原舊公署逐名清理分別

監候俱無違錯

李參悞餉縣令

一爲特參悞餉各官以信

功令事照得本院去冬撫臨栢郡訪聞麗水知縣張  
獻吉居官不職嘖有繁言當經面諭該道府廳  
查取本官劣狀糾參官徇庇不報惟於進

表考語內輕描淡寫倖免重處此皆道府廳一手  
握定以致本官爲得計愈肆貪婪且置餉務於  
不理查該縣應徵處鎮弁協溫兵餉何等喫緊  
軍需乃敢抗延不解自謂



部議降調之身惟圖歸家安享之計悞餉饑兵  
莫此爲甚合行取揭

題叅以警冥頑爲此牌仰該道照牌事理卽將麗  
水縣知縣張獻吉文到密拿羈候行令同知田  
家修署理麗水印務仍將倉庫錢糧交盤明白  
取冊送查併將本官在任不職劣狀貪婪欺蹟  
開揭限三日內

題叅施行如再遲延徇庇先將該道

題叅未便

嚴搜逆犯財產

一爲造寫逆書事照得逆犯莊胤城莊廷鉞朱佑  
明李令哲茅元銘等各犯皆係著名大族累世  
殷富而朱莊二姓田宅房屋家貨財物浙西稱  
最今各犯正法之後籍沒房屋田地細軟金珠  
衣飾粗重家伙什物當房倉米等冊雖經造送  
該司具有甘結其中恐尚有隱漏且莊胤城李  
令哲等名下隱漏田產陸續始行呈報俱未歸  
結延俟月日茫無就緒逆案財產何等重大自

當凜慎設法搜查不容纖毫欺隱本院屢檄嚴飭不啻穎枯舌敝而經管各官積習相沿視籍沒田產爲故事漫不經心卽如沈重熙等產屢次駁查及面諭諄切各官全不爲意惟具一揭堅稱無隱直待審官搜查果有隱瞞地田房屋承行廳縣各官俱經叅處部覆革職煌煌

功令各官何無警省况莊胤城莊鑑莊廷鉞吳炎嚴雲起等財產奉

旨給與原首吳之榮等原呈查繼佐范驤陸圻收領

吳之榮原任歸安查繼佐等皆係世代浙氓各

逆財產厚蓄又所熟知寸縑尺帛纖毫難以欺

瞞倘有隱漏不報致彼摘發該管各官罪無所

追豈甘以身家性命爲常試耶

合再嚴飭搜查除經嚴行司道

爲此牌仰該司道照牌事理卽便嚴行府廳各府廳縣覆加嚴查外合再曉諭爲此示仰官吏縣連將

士民人等知悉凡有逆犯莊胤城朱佑民等各

名下籍沒田地房屋及一切細軟資財等項再

當嚴加挨都逐里清查如果有未經呈報入官

并隱瞞各犯資財者許令赴官自首免罪倘有



執迷不報一經首發查出定照

新例從重究罪通限 日內將合邑搜查並無纖毫  
隱漏印結送院查考其原查各產應造文冊一  
面星速攢造刻期通詳如各官仍然玩視不行  
嚴搜密察通隱匿者本院訪聞有據定將該管  
官飛章指名叅拿究擬經承立提杖斃斷不曲  
徇爲人受過也務各凜慎毋忽

曉諭逃人條例

一爲頒示

欽定逃人事宜俾官民咸曉

國法事照得逃人一項條例最爲嚴切小民茫然  
未知致多罹法深可惻憫今將

欽定督捕條例刊刻成帙又恐爾民未易通曉復於  
條款內摘出簡要關切民間者二十二款刻單  
廣布俾使家喻戶曉咸知遵守庶愚民不致無  
知扞網所有則例條款已經通行撫屬文武等



衙門頒布遵守外第恐各屬未能實心奉行或多沉閣致爾民未悉周知殊失本院愛民之念合再曉諭爲此示仰官吏軍民人等知悉卽將後開條例一體遵守凡各地方保甲隣佑十家長誠諭時加儆省毋得窩頓逃人以貽身家性命之虞妻子流離之苦勉之慎之母忽

革禁一五加耗

爲再申收兌漕糧以祛積弊事照得杭嘉湖三府歲徵漕米陸拾叁萬石正米每石之外加耗四斗內除京倉耗米貳斗伍升每石加給漕截銀叁錢柒分陸厘肆毫隨船耗米壹斗伍升並不加截又查運丁領兌派有行月二糧復又屯田津運總計加增已踰正額可謂厚恤屯丁矣不謂弁丁貪饗無厭百計營求或通同有司或囑托衙役不遵官收官兌之法責令百姓交兌

任其魚肉以致賄派私加民受其害本院下車  
以來稔知前弊屢經禁飭在案今康熙二年分  
漕糧已屆徵兌之期合再嚴飭為此牌仰該道  
照牌  
事理卽將發去告示幾道轉發屬縣曉諭印運  
糧官知悉示仰印運糧官軍民人等知  
悉茲今徵兌漕糧俱各凜遵

明旨官收官兌凡小民運米上倉查明本院原行漕  
米滾單米數完足卽給印票准令歸農其一應  
糧官供給收米陋規畧差押差科歛使費倉甲  
火夫私派工食修倉修厰爬倉斛手等項各色  
苛勒米石盡行革除不得仍蹈故轍弁丁領兌  
之時除正耗漕截之外不許私加顆粒分毫印  
糧官按畧計米逐厰親兌刑官逐縣臨倉監兌  
如有不肖有司受賄不行親兌刑官虛應塞責  
一任刁丁揶勒衙役倉蠹說合私加賄賂違  
旨軍民交兌如有此等情事許令糧里不時赴院呈  
告定將印運糧官立刻飛參屯丁倉蠹立斃杖  
下法在必行慎毋輕試



駁查逆犯產冊

一爲造寫逆書事據該司呈送莊胤城等各逆犯籍沒財產底冊到院據此爲照各逆籍沒田地山蕩房屋粗重家伙細軟金珠衣飾當本倉米借欠人戶銀兩等項節經嚴加申飭不許絲粟涇淆今查逆犯嚴雲起吳炎董二酉張雋莊胤坤莊鏡莊鑣莊廷鑒吳楚吳之鎔唐元樓蔣麟徵韋全祐等各犯名下細軟金珠衣飾一無開報吳炎董二酉二犯不惟細軟無報而田地亦



無寸土沒入承勘官役不細加搜查稍有隱瞞  
遺漏情弊關係非小至冊開莊胤城西柵住房  
四十九間在於沈重熙名下籍沒或典或買俱  
未聲說明晰及查重熙原沒房屋又係四十六  
間數目不符莊冊關係攔頭樓屋伍間重熙冊  
開平屋陸間名色各異是何情弊朱佑明并子  
朱念祖等田地數目較與原報底冊不同當米  
一項變賣不及時價又無斛面餘米自應確議  
增加其歸安當本壹萬陸千兩原供有據而忽  
稱內有典屋壹千壹百兩曾經批查捏報尚未  
呈覆何以輒於冊內混銷借欠人戶朱逆另有  
契券何得遽稱當內之物致滋影射茅元銘名  
下漏查烏程雲字圩平屋陸間原報有冊何容  
朦混種種舛錯難以縷晰事關叛逆大案  
部科叅駁甚嚴難以草率致干

功令合再嚴查為此牌仰該司道照牌事理速將各逆  
犯田地山蕩房屋粗重家伙細軟衣服金珠首  
飾倉當銀米等項逐名逐項覆勘明白移會臬

司備造

部冊二套并司道府廳承查各官不致隱漏甘結具由通詳以憑會

題施行如再遲延定將承查職名先行

題叅經承立拿重處凜慎毋忽

巡緝兵丁搶奪

一爲嚴禁兵丁搶奪以濟民生事照得四民終年拮据衣食維艱值茲歲暮正商賈人民貿易資生之際邇聞地棍串通滿漢兵廝婦女或攔街搶奪牲畜食貨或低銀強買物件或鎖捉工匠夫役或剝人衣帽搜奪銀錢種種不法擾害民生深可痛恨除移

將軍禁戢外合行差官緝拿爲此牌仰本官前赴某處地方一帶巡邏如有兵棍管婦搶奪貨物搜

取人財低銀強買及指債擒人逼勒生事者立  
刻綁拏解院以憑會同

鎮浙將軍  
總督部院

憲審如敢隱縱定將本官究治不貸

申飭考滿等次

一為申飭考滿官員事照得各官三年考滿

部會議題定通行各省督撫照例註考咨送覆  
核具

題如有註考官員考語徇情不公及明知屬官俸  
滿不考者一併

題叅恭嚴且切矣今據該司大小考滿各官監司  
守令俱以一等註考教職佐領等官多開平常  
字樣其中涇渭不分不幾以職分之崇卑而定



官評之優劣耶至于註考原有五等之分辦事  
一等稱職者加一級辦事二等勤職者紀錄辦  
事平常者留任辦事不及者降一級調用不稱  
職革衙門之職

部文開列甚明今司道府所註考語多有開稱  
職三等者有開三等平常者既云稱職則似一  
等之考何以加之三等之上且不云辦事平常  
而添註三等二字殊與

部例未協再查各官歷俸該司按籍可稽今有  
不開明歷俸起止年月者有不扣算開月者有  
開歷俸四五年不等者任意舛錯若不細加察  
核草率咨送倘致

部駁詰註考之官關係不小合行嚴飭為此牌  
仰該司文到卽便通行道府州縣各官知照所  
屬大小官員俱當扣足歷俸年分卽爲造冊申  
報不許規避不行送考仍行分別腹俸邊俸自  
某年月日到任起連閏計筭應于某年月日考  
滿卽將本官確實事蹟逐一查核不得徒以瑣

細不經之事溷行開造其未經

題咨事蹟併有干禁例者俱不得濫爲鋪敘有司  
官經手錢糧務必稽其實完實欠不得分毫假  
捏其任內降罰事故等項毋許隱漏不報備悉  
檢點真確然後照

部例開註切實考語等第造冊通詳以憑核明  
咨送

功令霜嚴慎勿徒徇情面依樣葫蘆致干罪戾若有  
應考各官規避不行申送者該司即便具揭呈  
報以憑

題叅俱毋違錯

諸訪丈量利弊

一爲清查各省之地以除積弊事照得清丈地畝

一案前經

部咨通飭遵行本部院念係全省利害攸關倘  
有司奉行不善必致所在騷然復經具疏

題請詳酌行止今

部議必須履畝清丈以清奸宄侵隱之弊相應

遵照前行依限題報奉有

俞旨隨經通行知照在案矣第查兩浙地土遼曠清



查丈量事屬創舉倘立法不嚴官蠹緣之爲奸  
反使豪強隱佔以熟作荒良善偏遭魚肉或濫  
委衙官藉口履畝下鄉肆擾而縣役啗胥必又  
借委官之名科派供應濫取鋪設以及隨役陋  
例冊費等項無不取諸戶口種種需索難以枚  
舉更有刁猾豪民慮恐弊端敗露串構心腹奸  
徒或貪克里書或謀當弓手等役遂將丈量權  
柄一手把持伸縮由其指揮高下任其簒弄從  
其錮弊百計彌縫窮民小戶徒滋擾累其弊有  
不可勝言者又有不肖有司不思體恤民情  
爲區處以期安靜無擾而乃借題生意私立名  
目以爲攫金之藪遂致奸胥蠹役乘機箕歛必  
大爲閭閻之害但各府州縣風俗不同丈量法  
則勢難畫一若非博諮廣詢區畫萬全豈能保  
其行之無弊事關

國計民生亟宜預爲講求以憑採擇除經出示曉

諭外合再通行查議爲此牌仰該

司道照牌事理

卽便

移行轉行守巡各道轉  
微該府屬該府屬縣

遵照

部行速將清丈地土事宜細心斟酌何者可以釐剔弊源何者可以便安百姓必若何而可使無官役之擾可以杜科索之端更可使事不繁而功效最速一切利弊或各陳已見或博訪輿情火速確實條陳俱要簡明切當具文詳報以憑採擇通行遵照本部院於此以觀各官才識何如此實地方重務慎勿含糊塞責貽悞未便

慎選吏員撥叅

一爲請禁年滿書辦不得改名更役以杜奸弊事照得吏農免納例銀各衙門招募彙送考試方許撥充久經通行遵照在案茲准

部咨題覆科垣條議各省吏典承差等役必擇家道殷實有兄弟各處原未用過初出者取具隣佑州縣官印結甘結該司道查明申詳該撫年終造冊連結送部方許供役如違定例將無藉棍徒着役者棍徒卽行督撫拏審將保結里



隣出結各官並司道該撫一併分別處分等因  
奉有依議之

旨綦嚴且切矣第查吏農條例必勘明自家並無刑  
喪過犯亦非娼優隸卒地方官據實結報考定  
等第方許撥充資格昭然舊章甚晰邇來澄汰  
不嚴或有職胥敗蠹更名復充或有備流下賤  
亦冒吏典甚有援竊事例者久經役滿戀羶不  
舍兩考三考任意朦朧參吏農銷弊今日爲極茲  
奉

部議立法甚嚴誠爲剔蠹塞源之要萬難姑息

長奸貽害合行嚴飭清查爲此牌仰該司道照牌

事理即便通行各道府縣遵照凡有民間無過

良民諳曉文移書算願充吏役者必須本役父

兄先于本縣報名止開願于某衙門充吏候缺

不許坐名認頂聽候該縣行令里保隣佑人等

備將本役年貌籍貫父兄存亡生理曾否役過

衙門有無過犯事故等項親筆書寫押字公同

赴縣原詢明白果無違碍該縣卽具不扶印結



申送道府覆勘轉報該司再確核委果無弊方

准劄發原認衙門知照候缺年終造冊詳送本

部院核明咨

部倘有衙蠹棍徒違悖

部行改名冒頂及有過犯干碍情弊不卽據實

檢舉反爲扶同欺隱朦朧保結或經察訪敗露

或被他人首告定將本役從重寃罪其父兄及

保結里隣人等一併連坐印官卽行叅處至若

撥叅之法應以結報月日先後爲序造冊一本

一送本部院一在部院司以備查考凡遇各衙門

吏缺將滿或有事故缺出應撥頂役者該司聽

查照原冊投供日期次序每缺開列吏農三名

備將年貌籍貫結報月日從公具詳以憑本部

院查對原冊闔撥批叅如有緣事丁憂事故等

項務必查明聲說不許那後作前朦朧欺隱通

同作弊查出定將本役及經承吏書一併發問

寃擬非奉本部院衙門批允名缺一概不許撥

叅再查從前援納各吏一考二考役滿者自應

照例起文赴

部給單改撥今訪各衙門吏役多有連叅數缺  
竟不赴

部撥叅私行盤踞者實繁有徒該

司道

將開納事

例迄今吏農盡數查出其係叅過一考或兩考

不行起送者一概盡行斥逐不許借名總缺違

者從重究罪經承通同容隱一併嚴拿重治一

面先將司道府州縣見叅候叅吏缺姓名初考

轉考叅充月日挨序造冊呈送本部院查考

功令森嚴各宜慎凜毋得容隱違錯取咎未便

禁兵搶奪祭品

爲禁約事照得節屆清明浙俗祭掃先塋以展  
崇先報本之念每有各營放牧兵丁小子構結  
成群沿途攔截旣已攫其果核酒餉復又毀其  
盤榼器具如或少有拂逆卽便恣肆咆哮衣帽  
銀錢無不乘機搶劫使人皆視坵壟爲畏途而  
祖宗之裡祀頓絕生死含悲殊堪愴念合行差  
緝爲此牌仰本官卽便賫執憲牌在于 某處  
帶地方週圍巡緝如有放馬兵丁小子擅入山



鄉搶奪祭饌衣物等項肆橫無忌者無論真假  
滿漢兵丁卽行鎖拏解赴本部院以憑會同  
將軍督院公審重究斷不姑貸

飭查丈量弓式

一爲清各省之地以除積弊事本年三月十九日  
准

江寧撫院韓 咨開清丈地畝弓式作何頒行  
等因到部院准此爲照清丈地土係關

國課民生其中事宜務必審度精詳始可行之無  
弊前經本部院通行司道府廳各官或各抒意  
見或博訪輿情酌古準今真切條議以便採擇  
通行使各屬有所矜式而無病

國害民之累至于弓式一項或因田糧之科則以定弓口之短長或以地畝之廣隘以分弓式之大小抑或古有一定之制無容增損以變亂章程有無刊載成書可以按籍而定皆當詳晰討論以定畫一之規庶免紛更之擾者也合行查議爲此牌仰該司照牌事理即將清丈事宜逐一酌量妥確以期萬全無弊其所用弓式果否各有長短不同之分或係一定不易之制有何遺存成例可據務必細加查酌備悉具詳以憑

裁奪

部限已幾過半慎毋延緩致取罪戾未便

土棍肆惡害民

一爲特嚴土棍害民之禁以清地方事照得土棍之肆橫至今日爲已極矣夫閭閻之爲害者莫如盜賊之焚劫而此輩不爲盜賊之線索害民卽借之以飛燒紮詐鄉民之所畏者無過營兵之橫虐而此輩則結營兵爲奧援放債盤剝且因之以株連擾害致使小民傾家殞命賣子鬻妻其害更有甚於黠盜悍兵者矣至於交通衙蠹捏欺造訪陷害平民起滅訟端把持官府甚



至指稱聲氣煽惑招搖詐騙污蠱上官更有一  
等假捏偽劄偽牌誣人通海或指以窩逃窩盜  
風影生情希圖索詐種種害民難以枚舉近奉  
新例之法綦嚴前已通行禁戢今本部院巡歷所至  
首在剪惡除奸合再嚴行申飭爲此示仰官吏  
軍民人等知悉如有地方奸棍無藉刁徒構結  
營丁擇殷飛食或駕盜造訪包攬扛幫拆佔妻  
妾子女併吞房產田園誣害善良招搖設騙者  
該管印捕官據實查報被害之人許赴本部院  
陳告以憑拿解審實定案

新例正法如印捕各官及地方里甲人等容隱不舉  
一併治罪法在必行斷不姑息

飭究兵丁伐木

一爲再申伐樹害民之禁以安地方事照得兵丁擅砍民間墳園樹木自本部院撫浙迄今屢次會商

鎮浙將軍總督部院

設法禁戢叮嚀告誡已不啻至再至

三且又廉其肆虐之尤者痛加懲處諒爾民知之有素矣詎今營丁小子罔知法紀不遵禁令仍於各處鄉村盡將蔭木大樹花果桑行等項恣行砍伐小民受其凌虐莫敢誰何更有奸猾

地棍暗爲勾引竟將所伐木值私爲窩屯販賣  
烹肥以致群相效尤其害愈甚本部院察知其  
情不勝毗裂髮指昨

副都統圖 拿獲滿營小子魏奉小金兒張五

范玉遂于本月初一日在公衙門會同

將軍 副都統審實即將小子四名枷號示儆  
總督

復查其該管撥什庫及本主披甲兵丁俱照滿  
例鞭責以爲束約不嚴之戒仍一面差人緝訪

勾引窩藏奸棍另行嚴拿重處外合應再爲禁

飭爲此示仰地方里保居民人等知悉如有營

兵小子仍前違禁橫行擅將民間墳園樹木花

果等項恣行砍伐擾害鄉村或有地方棍徒暗

爲勾引窩藏販賣者許地方里甲居民被害人

等協力緝解本部院以憑會同

鎮浙將軍 公審真確從重按法治罪斷不姑貸  
總督部院



嚴查朱莊逆產

一爲造寫逆書事照得籍沒各案迄今

部駁最爲嚴切承追各官務必刻意搜求直窮  
到底毋使纖毫遺漏庶幾可以上副

功令而且得以免累身家不可不慎也前准

部咨行查朱莊二逆名下田地房產財物等項  
并領本經商者俱應勒限搜查分別給沒并將  
姓名銀數造冊報

部毋使遺漏隱匿前據杭紹二刑官送到各薄

長江樓事 卷二  
隨卽檄發該司嚴加追勘按籍稽查其中完欠  
固已洞如觀火詎今爲日已久竟無一字報聞  
殊屬怠玩合行嚴催爲此牌仰該司查照原行  
事理卽將朱莊各逆名下田產財物等項嚴行  
搜勘造冊呈報其各犯銀兩衣飾細軟當包等  
項火速查明造冊遞差幹官一員勒限押解赴  
部交納慎毋延緩至于簿內所載有名欠戶務  
必逐一嚴拘到官面同沈文卿沈澄源等備細  
實對盡法追完毋使狡口漏脫并將沈文卿等  
嚴究隱匿情弊確擬妥招刻日通計以混會等

事關重大

欽案毋視泛常致貽後累如有玩忽遲違定行鎖拏  
經承重寃斷不姑貸

疏濬省城河道

一爲疏濬在城官河以利商民事照得通濬河墜  
復興水利憲綱所載甚明况源流滯繞實係省  
城風水攸關利濟商民誠非渺小茲查在城河  
道自武林水門起至正陽水門一帶官河乃係  
商貨載運往來之孔道祇緣民間瀕水而居者  
自耽便逸日將瓦礫糞草恣行拋擲以致泥沙  
漸積河身日淺而水面日狹時遇山流驟漲則  
泛濫街衢民皆病涉或值天時亢旱遂致水涸



土浮舟航壅阻殊爲商民之病至如沿河一帶  
保安清冷金波菡兒等橋皆大河支港向來盡  
通舟楫今被豪強倚勢霸佔或賄買衙書里甲  
擅自蓋造水閘河樓築砌浮橋堤岸日侵月削  
竟爲已產壅塞甚多况今正屆奉

旨丈量之時尤當逐一清還以復舊誌查

河道一項水利

該關與有專責

擬合知照合行督飭

爲此牌

行該關轉行仰該道

所屬印官卽將在城各處官河端委能幹官員  
逐一丈量明白由某處開工起逐段次序通察

均派該里居民及墾墾人夫輪工攆挖各將所

取土穢堆積河沿

該關再仍移會行差官一員查照往例着令各埠區船

南關查照往例着落區船

每隻日運河泥

幾

担載至閘口傾

撥江內美政關委官置一收泥小票凡船戶有

泥到閘者驗明給票收執仍赴開河委官處查

票明白方許載貨進城如無收票卽行懲處頑

梗不服者仍行申究斷不姑貸其中未盡事宜

務必確酌呈報以憑採擇通行俱毋違錯至于

各處壅塞支河向係奸民侵佔者一槩盡行清

理還官如有抗拒不遵者從重究治法在必行  
慎毋一任下役支吾虛應故事徒滋擾累致干  
查究未便

曉諭丈量條約

一爲清查各省之地以除積弊事據布政司呈詳  
該本司看得清查各省地土一事先奉有備造  
冊結之行今奉有履畝清丈之行自應嚴催各  
府州縣履畝清丈依限報竣今奉有憲臺廣諮  
博採一切利弊行令確實條議伏思丈量一事  
除弊爲難弊除則利興矣本司捧讀憲檄內開  
衙官下鄉之害縣役鬻胥之害刁猾豪民夤充  
里書弓手之害有司借題生事乘機箕歛之害

業已洞燭官役情弊深悉閭閻疾苦誠能祛此數弊斯真蕩平之王道邳隆之極軌也本司無容再置一喙矣今據各屬建議止有屯司呈詳五款奉憲臺有簡捷可行之批本司遵移右司覆議并本司覆議無異另造清冊呈送裁奪批示以吏通行各屬遵照其餘條議大畧無甚確見本司見在逐款覆核另造清冊呈送第本司竊有陳者丈量之舉務造魚鱗圖冊方可具

題今屯司并各屬議照各縣庫藏弓式丈量本縣

地土合應准從第丈量之後務照里分次序備

造魚鱗圖冊繪畫地形註明四至備開業主姓名每一里爲一冊以里撒合縣總務將田地山蕩全書原額若干無尺土不辦賦無寸土不當差則無欺隱

國課之弊矣至于寧台溫衢四府已據該府縣開報荒田奉憲具

題在案如有荒田未墾仍應據實填註聽候

部議如有以熟作荒從重叅處應請憲奪批示



者一也丈量之事古無成法明朝大儒丘壘山  
亦云古人丈量之法書史不載則知古法無考  
矣本司何憑立論但大江以北地多平原廣野  
步筭猶易惟江南之地多山林溪澗其地勢傾  
側紆曲尖斜之處步筭甚難雖有折量之法村  
農何知悉聽弓筭手之簒弄而已本司雖欲設  
法豈能保行之無弊乎所謂有治人無治法惟  
得良有司則事不擾而功易成耳惟是官役任  
意遲延生事無窮遲一日則滋一日之詐索蚤

一日則獲一日之安請似應勒定限期刻日報

竣夫縣令之責無過催科推而上之則有編審  
此十年之計也再推而上之則有丈量此百姓  
之計也今浙省七十六州縣之中果能報成獨  
先一邑稱公伏祈特疏薦揚以爲良吏第一如  
或遲久不報噴有煩言伏祈特疏糾叅以爲貪  
墨之戒應請憲臺批示者二也丈量之舉係府  
縣印官專責而推官在事外者也應以履畝清  
丈責之縣令而總其成于太守然惟在事外者

專司廉訪之責或不肖有司借題生事或濫委衙官下鄉肆擾或衙役胥劣矜土豪生端網利魚肉鄉民責令推官密訪揭報憲臺究處如推官不報而別有訪聞或告發得實合將推官一併叅處應請憲臺批示者三也惟是丈量一事繁重已極藩司爲錢穀總匯冊籍如山一字差訛便干叅罰迄今攢造催徵不得一案本司晝夜不輟尚未就緒至于丈量重務萬非駐劄省會所能懸揣查守延遲無錢糧考成亦無別名專責返奉

新例不理軍務職清事簡且多偉才重望專理丈量一事恢然有餘伏祈分檄守巡各道專理其事至于通省總冊本司公同右司查核彙造呈送憲臺具

題以結

欽件等緣由到部院據此爲照清丈地土

國計民生關係匪小務必審度精詳始可行之無微倘立法不嚴官蠹因緣爲奸苟圖塞責或不



遵舊制伸縮弓口或受財賣法而任意增減富  
者得肆欺隱之弊貧者反加額外之科徒有丈  
量之名而無丈量之實何以爲此清奸釐弊之  
舉也本部院欽奉

俞旨隨即通行司道府廳各官細心籌酌各抒已見  
要在酌古準今博訪輿情可使無官役之擾可  
以杜需求之害切實條議聽候採擇通行使各  
屬有所持循而無病

國害民之累也頃據左右藩司議詳一切刑獄

并有條電司敷陳五款頗有可採本部院覆據

明確除見在查取各府屬庫藏古制舊弓驗發  
清丈外中有未盡事宜俟各官次第詳陳另行  
採擇通知所據詳議各款合先通行曉諭依法  
清丈爲此示仰官吏士民人等知悉凡該府屬  
邑境內地土遵照

部行及條議事宜該縣印官遍歷城市鄉都查  
照魚鱗舊冊履畝清丈有能報竣獨先者首當  
題薦如或擾民耽悞者從重叅處各該郡守以總



其成理刑推官糾察其弊或有扶同欺蔽一併  
叅處至各業戶先自丈明弓口冊報本縣復丈  
豎立界牌識認號段俱聽便宜奉行知戶下田  
地頃畝原額數少丈量數多遺漏未經起科者  
許令自行首明槩免深求倘或隱匿如過與圖  
僥倖不卽呈明及賄通里甲弓手丈量伸縮欺  
弊丈出之日或被首發立拏加等治罪其公正  
弓手筭手必擇無過誠實諳練者推舉以董其  
事但許各里自催不得妄將鄉愚混報行賄求

情脫役致多一番滋擾再查司道府廳吏胥

稱取冊爲名差役四出坐縣守催該縣差役買  
票至鄉坐都守催苛派酒飯船錢差使陋規經  
承示比冊籍串通歇家設騙需索交冊常例輸  
納公費等項箕歛之害不可勝言拘繫鄉民廢  
農失業更爲可恨自示之後敢有仍前滋擾許  
被害里民不論日期赴本部院呈告以憑嚴拿  
重寃倘鄉愚畏不敢告本部院別有訪聞官聽  
飛章叅處胥役立拿杖斃以除蠹惡法在必行

張章參以百計立令外選以制盜賊云云必計  
軍實而後思思不難言本清則限清而國安  
奸害里民不備日腹快本清則呈告以懲其令  
農夫業更漁而則自示之為近育而前其利  
解公費等所其漁之害不可謂古得禁其利  
永示其冊籍申族鄉案如課需索交租常例  
票至繳坐潘守勤苦派解其冊籍呈明則其  
縣取冊為其美對四出坐縛守勤結緝其  
冊其之矣一番數對再全其冊其之矣

今開藩司議覆屯司條議

一責成業戶自行丈量則官不勞而弊自  
得也從來丈量之法皆執舊冊丈量查  
其弓口畝分不符以定侵隱今兵燹之  
後舊冊散失即間有遺存亦恐屬斷簡  
殘編矣且遠年之冊素定而執業之人  
迭換其授受接管易姓更名就中那段  
遺址似未必盡合老冊也一旦查出隱  
匿彼奸狡之輩必藉口當初書手之作



弊并詆舊冊之非真不勝分辯矣今擬  
設一業戶自丈之法責令各州縣衛所  
官照庫藏官弓印頒式樣于小里旗甲  
令各業戶遵式備弓照開收細冊自行  
丈量自填造甘結如某箇某甲某入某  
字號第幾段田地若干畝共若干坵段  
山蕩亦如之隨將丈量過畝數分段填  
造如某段係東西共某者長若干弓口  
闊若干弓口共折算田地若干分四至  
某某又某段係南北共某者長闊弓口  
畝數四至亦如之同里書審明填註彙  
冊造報踏勘仍存原結查考以杜里書  
洗改差訛之弊蓋執舊冊丈量查出侵  
隱彼猶得藉口今責令自行丈量則田  
地之坵段畝數皆業戶親自經手事也  
臨時覆丈查出侵隱彼又何辭飾辯哉  
此以百姓丈百姓即使百姓自攻其弊  
之法也故曰官不勞而弊自得也該本



司李右布政看得責成業戶自行丈量  
夫丈量之舉自

鼎建以來屢奉

部行清理祇因端官委役恐不肖有司  
不思善爲區處以期安靜而乃借題擾  
害蒼生無裨

國賦是以從未得就其查丈也今議業戶自丈取  
結存案而後對結覆丈致使豪強不改  
侵隱官役無從需擾是誠官不勞而弊  
自得也又該本司袁左布政覆行得業

戶之產各有四至今令業戶自丈已產  
此疆爾界相安無競則無彼此佔奪之  
弊矣再查一里之中田地山蕩各若干  
原有定額今令業戶各丈已產彙成里  
冊原額無虧則無欺隱賦稅之弊矣各  
丈已定該縣再行覆丈庶力不勞而事  
易竣也屯司建議自丈右司覆議無異  
合應准從伏候憲裁

一責令豎立界牌則不煩引勘而滋弊也  
從來丈量田地官長隨帶書筭弓手各  
役履畝踏勘茫不知爲誰氏之田地勢  
必須小里書手與執業之主臨時指引  
應答此係某某之田地然後按冊呼名  
丈量切思小里與田地之業戶皆表裏  
作弊者也未丈之先已朋謀湊金預備  
打點之術臨時丈量又擁集于前後左  
右則官長之書筭弓手其心思耳目皆  
爲暮金搖動聽其驅使欲其無侵隱也

其可得乎今擬于自丈自報之後卽責  
令業戶于自己田地坵段當頭自豎界  
牌照依丈量甘結楷書字樣務與結報  
之冊相符若有奸狡積蠹或逞強伏勢  
不豎界牌者合將此田報爲無主之田  
通詳入官充餉或有書註不合結報者  
必係侵隱卽當按律治罪夫界牌齊備  
丈量之時一日瞭然自不煩里甲守候



指引又不俟面詰質問其夙蠹慣刁足跡尚不能到又何從而施其窺伺彌縫之術哉故曰不煩引勘而滋弊也該本司李右布政覆勘得責令監立界牌夫百姓之紆庶地方之遼闊履畝丈勘必須小里弓手指引答應倘彼或通同業戶朋比爲奸亦未可知今議自監界牌不惟臨丈不煩指引而小民亦無庸守候矣是誠不煩引勘而滋弊也又該本司袁左布政覆看得責令業戶于間地坵段自樹界牌庶疆界分明丈量易施事屬妥便合應准從伏候憲裁

一創立抽丈之法則弊易覈而取效速也

夫丈量之法原爲清查侵隱若官不履畝踏勘勢難懸度其欺弊今特先令軍民人等將執業田地自行丈量開報如有從前侵隱能自供首報明者免罪如執迷錮佔自昧畝數隱匿弓口希圖僥



俸賄蔽者委官復丈查出情弊卽照隱匿畝數倍罰加糧仍按欺隱之律治罪三令五申之後嚴限自丈清完界牌齊備選委府廳之明敏邑令之廉能者亦不負遣牌差役驚動地方星速馳赴委丈州縣履畝踏勘隨到處有界牌可考與里書報冊對查如冊報弓口畝數少而丈出弓口畝數多者其爲侵隱無疑卽指名嚴拿重處枷示通衢仍出示曉諭

諭許令有弊者改過自新曰如某某侵隱田地已按律重治定罪矣其他或冒險自悞或被人愚騙致滋開報不明者俱許自首報出以弗釐正亦姑免寃然後又復行踏勘清丈有時順序有時逆排虛虛實實務令田戶地主莫可窺伺蓋丈量之初業戶自報指胥里蠹無可逞其誑騙復丈之時有弊隨覺隨發豪右衙棍無計受其賄通且聲東擊西迅

雷難掩卽有作弊逞奸者亦倉卒驚憤  
不及打點矣將見丈此畝而彼畝知警  
丈此縣而彼縣知戒各輸情實自首隱  
漏不惟畏威亦且感德故曰弊易覈而  
取效速也該本司李右布政看得創立  
覆丈之法夫清丈地土原欲稽察隱佔  
今縣令業戶自丈而印官不行復畝踏  
勘恐奸豪不知法紀仍踏故輒斷不能  
改過自新矣今責在印官親行確丈雖  
土豪地棍亦不敢隱隱作奸是誠善易  
覈而取效速也又該本司袁左布政覆  
看得各田土先令業戶自丈自丈既定  
應聽縣官親臨丈勘如轉委衙官徒滋  
紛擾已奉洞燭嚴禁矣但奉

部有履畝清丈之行似應縣令於境內  
田土逐一親臨丈勘查每里之內田地  
山蕩若干額數有無欺隱同里業戶疆  
界有無侵奪從公丈勘明白事不擾而

功易成是在縣令清廉才敏務使賦額  
無虧同畔相安備造魚鱗圖冊刻期告  
成斯于廉吏稱最伏候憲裁本部院查  
抽丈之議與部行通歷清丈之行不符  
應照左右司覆詳仍令縣官履畝逐一  
確丈毋容踈率已經批飭各照遵行

一弓口當照各地方舊式庶免滋弊也蓋  
丈量之法首重弓口弓口之長短與執

弓者之伸縮

國計民命係焉此事疎忽則丈量之貽害不可言

矣本司寡聞少見前代弓式亦無所考

但舊聞丈量地田各府州縣皆有官弓

藏庫一遇踏丈頒而行之既係原舊丈

量之弓式行于本處諒百姓亦無異詞

想各府州縣之弓式未必畫一似不可

強而同擬合如江南右藩之議爲長也

至頒發式樣若用兩股交叉鑿孔穿柄

非但執弓之人得以伸縮作弊卽弓孔



疎密之間亦有毫厘千里之謬合無照  
庫藏舊日官弓用直杆照式量准兩頭  
烙印頒發各里甲照式自備丈量之時  
須將簠線用官弓量定或五十弓或百  
弓隨段拖簠丈量積算畝數既杜伸縮  
之弊又免踏勘之勞矣該本司李右布  
政看得弓口當照各地方舊式夫丈量  
必須弓口然弓式各有不同若照各縣  
之舊未免有大小之別若定一準則又

地方之形勢殊異弓大畝數必虧全

原額有縮是以未可強而遽必其相同  
且舊章頒在屬邑本司難以懸擬應否  
再移守巡各道妥議移覆以便覆加斟  
酌清憲頒行又該本司袁左布政覆看  
得丈量全憑弓尺若弓式不定丈法奚  
施第據各屬申詳弓式長短不齊兼聞  
各縣畝數亦寬窄不等且弓之長短毋  
論一二寸之殊卽或纖毫互異而通縣

田土盈縮且霄壤矣是以弓式萬難強齊應照屯司并右司覆議行令各州縣悉照庫藏舊日官弓不得增減分毫以滋弊端可也伏候憲裁

一申飭自首免罪故隱加罰之條則利害分而禍福懸供首衆而賦稅增也蓋查欺隱田糧脫漏版籍者一畝至五畝笞四十每五畝加一等罪止杖一百其田入官所隱稅糧依畝數額數年數總約其數從輕律有明條不容未減失而王

道本乎人情則自首似不可不得情而哀矜也何者田地之有侵隱非日前朝夕事也其一姓相承之業子孫受之祖父祖父又受之高曾其有侵隱已難考其始自何年至異姓授受之業張王易于李趙李趙又易于鄭周其有侵隱又不知起自某家今但指見在管業之人遂治以欺隱之罪恐李代桃僵不勝覆



寬矣今擬設一自首免罪故隱加罰之  
條三令五申脍切曉諭曰如此則禍如  
此則福人誰不知利害而尚自昧趨避  
哉况見在責令自丈自報之時其良心  
已難自昧但恐敗露加罪猶百計僥倖  
冀欲賄免非不欲首報也今既開一自  
新之門有弊之人必踴躍供首而自贖  
矣此風一倡人將爭相自新則從前侵  
隱戶口盡歸以後正供版籍免貳增啓  
邦本鞏固未始不可以廣

皇仁解網泣罪之

聖德也該本司李右布政看得申飭自首免罪故隱  
加罰之條夫尺地皆屬

皇輿纖毫不容隱佔但有子孫承受祖父之產界址  
不清未知自覺者今槩以欺隱論罪則  
人將畏刑而罔自報矣今議自首免罪  
則人必爭先首報故隱加罰則誰肯甘  
罪服誅所謂以德服人人無不心服也



又該本司袁左布政覆看得清丈一案  
原奉

戶禮兵工四部會議其隱匿之人在巡  
撫等所查之時將所隱地丁自首免罪  
自首之年起科如不行自首被差去  
之官查出或傍人出首將隱匿之人從  
重治罪其所隱地丁按隱匿之年起科  
等因奉有

俞旨欽遵在案

禁革倉脚害民

一爲再禁倉蠹脚夫科索以肅法紀事照得南糧  
秋米解運省倉向緣官蠹爲奸創立陋規公行  
需索各屬難於解納視運米交倉如赴湯蹈火  
爲害非一日矣本院撫浙以來首先頒示禁約  
凡解納南糧令各府州縣差委佐貳官領解押  
兌不許科索耗贈公費使用加派民間一絲一  
粒并省倉蠹役科斂使費踢斛淋尖掛號銷批  
等項陋弊盡行革除有犯必懲通行曉諭在案

不謂彼有積蠹脚夫夏蘭臺等虎踞大有倉違  
禁勒索歸安縣解役施文等南米脚價每石六  
分四厘故批行嚴究各蠹錢神有靈陋弊牢不  
可破除將積蠹夏蘭臺陳善陳二陳小等各枷  
號重懲革去脚夫名色外但各屬解米上省非  
獨大有一倉必各倉俱有積蠹脚夫勒索懼解  
情弊相同不問可知夫運米停泊河口肩馱近  
倉咫尺相望應從官役自便僱夫豈容霸定夫  
蠹恣肆指詐殊藐法紀合行禁飭爲此示仰官  
吏解役人等知悉自後凡解納南糧至省聽爾  
官役隨便覓人担馱運倉上納不許脚夫夥棍  
仍前霸聚倉前威勒攔阻經收官役不得通同  
倉甲需索留難不容運入倉廩堆放露天致遇  
風雨淋漓泥爛敢有故違許解糧員役卽赴本  
院喊稟定行立拿痛懲加等治罪仍令照數賠  
償各宜恪遵毋蹈故轍致貽噬悔



禁衛屬養馬害民

一爲目擊衛地荒殘嚴禁秣馬擾害以安民生事  
照得三衛路處衝疲自軍興以來僅存兵火子  
遺旣困于水旱洊臻又苦于師旅供億此情滿  
眼不忍見聞昨閱士民痛陳諸害無如往來駐  
歇養馬一事最爲擾害多者盈萬少者千百絡  
繹飼秣幾無寧歲田間禾稼遭其踐食市廛民  
居任其佔住派夫支應日夜值役民不堪命雖  
豆草糧料謂開銷公帑而厥木薪筆馬槽鋤刀



鍋缸水桶篋籬柴火等項無不派之民間取之  
糧戶甚有押馬差員隨行兵卒罔知法紀恃勢  
橫行或分外勒索供應少不遂慾則拆毀房屋  
損壞家伙強買索詐毆打人夫姦淫婦女種種  
暴橫有司莫敢過問小民飲恨吞聲是無怪乎  
民逃糧欠荒殘日甚也本部院撫臨茲土體訪  
情真殊爲髮指但念既往姑不深求除酌議餵  
馬處所用麪衢民積困見行該道府縣確議至

日具

題另專外誠恐前項押馬官宦復肆擾累合行榜  
示禁戢爲此示仰衢屬官吏軍民里甲人等知  
悉嗣後押馬官兵臨衢駐歇喂養馬匹俱擇曠  
野處所搭厰罔餵不許遽住民房敢有仍前需  
索供應凌轢士民橫行無忌恣肆克惡者許被  
害百姓指名赴該府縣告稟據實具申本部院  
以憑特疏

題叅盡法寃處倘地方官畏勢不報或被民告發  
或別有訪聞定將該管地方各官一併糾叅決

不姑息務各稟遵毋忽毋悞特示

禁重徵差派害民

一爲申嚴催徵積弊釐剔差擾重科以肅吏治以  
拯殘黎事照得衢屬五邑界聯三省自

鼎革以來閩省海氛未靖師旅頻經供應夫差往來  
如織兼之土寇流突水旱洊臻小民死于寇患  
死于饑饉死于力役者不知凡幾以致田地拋  
荒人丁逃絕市舍無烟村居斷爨荒涼景象不  
忍見聞則今日之湯火予遺困苦極矣爲民父  
母者當如何撫恤如何噢咻廣諮疾苦調劑招

徠庶或溝中之瘠可起澤土之鴻可歸也夫何  
有司催科多擾補敝無能如執比賠荒則惟事  
鞭朴賣妻鬻子者有之家破身亡者有之更加  
江常二邑空圖殘里糧額猶存民愚畏比潛避  
山澤抗法不出者有之如此情形撫字安在是  
無訝乎人戶日逃民生日蹙也本部院採訪民  
隱聞有催徵做政如比納條銀專聽蠹胥誦媚  
重勒火耗至加二三者皆指爲相沿常例有小  
戶上納分錢者又置私等稱收重勒耗美體額

恣意高下糧胥朋比指烹私耗既重正課必虧  
有限民膏寧堪朘削又如此卯徵糧並不遵行  
滾單之法惟濫差拘拏蠹役止知常例充囊安  
顧條銀完否按其所催里數索之里長而里長  
則又科歛花戶甚而引領白役沿鄉騷擾恐嚇  
鎖禁不厭不休是小民正項未完什一而蠹差  
婪詐其費反盡飽其谿壑矣至各邑戶胥鉅弄  
官長比較糧銀俱不照由單任意增減使樸訥  
鄉民坐困重科無由控愬致積黠富室減數不



納與蠹爲奸本官如在雲霧之中全無知覺此  
衙屬積弊均屬屬民本部院久有申禁豈此蠹  
役神奸百出蒙蔽多方嗟爾遺黎何時漸有起  
色哉除另行訪確特疏糾叅并揭示曉諭外合  
再通行嚴飭爲此牌仰該縣掌印官照牌事理  
自後百姓上納條銀俱照

部頒法馬允準令民自封自投不許糧胥櫃頭  
重加耗美聽蠹媚官亦不許復用釐等重收扣  
剋比較錢糧悉照滾單之法不許差役下鄉沿  
家需索常例差錢酒食拖累見年徵比賦稅悉  
照頒發由單數目不許經承作弊增減使樸貧  
者重納黠富者逋額兵馬經臨糧餉芻草不許  
妄派里甲夫差徭役從公派撥不許賣富差貧  
務各猛省胸中自思平日所爲有涉此等事者  
作速改弦易轍自保身家勉圖努力潔已愛民  
倍加砥勵以仰副

功令如或怙終不悛利令智昏仍前縱蠹虐民恣肆  
貪婪或被告發或經訪聞本部院卽刻飛章叅

憲斷不少爲寬假慎之母忽仍將發去告示一道常川張掛不得沉悶卽具遵依繳查

冒兵擅索夫船

爲民罹湯火亟籲解懸馳駟馳因事據布政司呈詳云云等緣由到部院據此爲照擅取夫船騷擾駟遞向經

部  
科條議奉

旨通行刊立榜示欽遵禁飭在案何物奸商乃敢構串營弁兵卒越境私販冒稱兵米擅取船隻人夫以致疲駟受其擾害窮民遭其凌虐言之不勝毗裂除另行密訪拿究外合再出示嚴禁爲

此示仰官吏士民人等知悉自後如有惡棍奸商構結驕悍弁兵夾帶私米假冒兵糧擅取船隻人夫騷擾馴遞苦累小民者許地方里甲人等協力拿送該道府縣審明是何標營將領所轄卽便據實揭報本部院以憑會同總督部院公審叅究斷不姑恕慎之毋違

再飭丈量地畝

爲清查各省之地等事案查清丈地畝一項部議限定二年事竣造冊

奏報自康熙二年二月十四日奉行爲始轉瞬卽

已及限前據

該藩

司具詳念係禾苗方茂之時未

便用弓丈勘是以批令該司姑俟秋收成熟卽

爲舉行今蚤稻已登晚禾將秀正當遵照原發

則例條款預將所屬民屯場竈沙塗田地等項

查取四至號段清供文冊一俟西成農隙之時



遂可如法丈量速爲報竣今查各屬呈驗弓式  
尙多未齊且有條議請詳未定者將來必致未  
能如期丈勘違悞限期各將安諉合行飭催爲  
此牌仰該司查照催行事理卽便移行該道府  
縣照依

部行并原發丈量則例嚴飭各縣印官速將所  
屬民屯場竈沙塗田地山蕩等項查取各戶四  
至號段清供細冊各照字號都畧躬親丈勘不  
許豪右把持欺隱以熟作荒刁佃竈丁借稱坍

瀉棄置私爲隱漏及里胥衙蠹婪賄作奸上下

其手任意盈縮勒限速行清丈全完造冊呈報  
毋許延挨滋弊仍再申飭各縣不許多帶衙役  
擅取舖設供應及縱容胥蠹派索陋規酒食等  
項苦累小民如有故違或告發或訪聞官聽飛  
叅各設嚴拿計贓究擬斷不姑貸

續發量丈條議

爲清查各省之地以除積弊事據布政司呈稱  
云云等因到部院據此爲照清丈事宜前據左  
右二藩酌量條議具詳五款已經本部院覆核  
通行曉諭在案但兩浙土俗高下原自相殊安  
能強爲盡一唯在良有司格守規條達權通變  
奉行無訛正不在迂談濶論徒爲紙上具文據  
該司補議責成圩長清丈本里田畝并清出隱  
漏卽以自首年分起科免其罪罰二款誠有裨

于清丈之事合再通行曉諭爲此示仰官吏士  
民人等知悉除前議五款已經出示者俱當逐  
一奉行毋許不肖有司及蠹役奸胥陽奉陰違  
私行婪詐害民以自扞法網外仍于各里之中  
查有家道嚴厚誠實有才幹者聽衆推舉一人  
充當號長統率弓算各役清丈本里之田取各  
產戶弓口四至親供分晰字號畝數比照條預  
數目是否相符以辨欺隱之弊不得混舉匪人  
致滋需索科欠之害亦不許妄報鄉愚希圖婪

賄買脫如踵前弊官聽飛參各役立時鎖拿照  
例計贓定罪至于民間田地或係新買或係祖  
遺其中坵段盈縮未能履畝周知今許有產人  
戶各于自丈之後官未覆丈之先卽于親供疊  
上自註丈出餘溢分數卽于本年起科輸納條  
報諒免其罪以彰

朝廷愛民之意如一經官丈覆有溢于稅冊者仍行  
治以隱漏之條斷不姑貸毋許官吏受賄徇庇  
不報及號長弓算人等貪婪舞弊高下其手私



相容隱恣爲民害或告發或訪聞定將該管官  
指名叅處吏役追贓正典產戶人等嚴拿重究  
各宜凜遵勉旃毋忽

左右二布政使條議二款開後

一應立號長不當立畝長也蓋丈量與編  
審不同編審者審里役也丈量者丈田  
土也編審成則造黃冊黃冊以人爲經  
以田爲緯凡一戶之內不論田土之坐  
落某里某圩悉歸本里本戶之內共計

田地山蕩若干充役若干此編審之事  
也丈量成則造魚鱗冊魚鱗以田爲經  
以人爲緯凡一圩之田或係某里某畝  
人戶所有之產註于田土項下此丈量  
之事也今若混立畝長則執人以問田  
或有一人而田在各里者豈能以此畝  
之長而丈彼畝之田其紛如亂絲矣合  
應設立號長或有稱圩長者圩長卽號  
長也今一縣之產天字地字等號魚鱗

櫛比一定不移者也每里立一號長總計某字號田若干分晰某號係某人管業幾分幾厘悉照糧冊以施丈量其畝數與糧數是否相符則可辨其有無欺隱之弊矣既立號長則與里長見年全不相干應于本里之中擇其才幹而公正者同里保舉立爲號長至于弓手算手自不可少應聽號長擇用可也

一自丈之後卽令自首也案查原奉

部行隱匿之人在于憲臺查丈之時自首者免罪卽以自首之年起科海內之民無不樂

朝廷之寬大者惟是民間田土或有世守之業或有續置之產原不識田土之坵段何形四至何處假如一人有田百畝或坐落數十處或在各里或在各縣但知向田收租照畝納稅終其身未嘗一履畝也其中廣狹盈縮雖欲自首何從而知今奉



憲臺俯採條議先令產戶自丈自丈之  
後既已官丈如有畝數溢于糧冊許令  
在于自丈之後官丈之前自首者免罪  
卽以自首之年起科此例既定一以沛  
朝廷之德意一以安閭閻之疑懼而貪吏劣衿衙蠹  
土棍恐嚇詐索之風亦可以少息矣

申飭開濬官河

爲疏濬在城官河以利商民事據分巡杭嚴驛  
傳道呈稱云云等緣到部院據此爲照在城官  
河係省會血脉所關實商民貨物往來之要道  
前經出示曉諭逐段挨次開濬仍將所掘淤泥  
照例委官着落區船盡數運載出城傾淤江內  
至于一切沿河私蓋廊閣築砌堤橋等項侵佔  
河道者俱應槩行拆毀清出還官以復故道不  
許地棍奸民把持梗阻嚴行申飭在案今據前



因合再曉諭爲此示仰官吏士民人等知悉務  
必自北關水門起每逢一橋卽紫一壩阻去其  
水以便開掘必俟一橋開畢再開一橋逐段挨  
序疏濬卽將掘起淤泥俱令區船逐日載運至  
江傾瀝不許堆積沿河及貯放人家門首以致  
穢汚街道其一應私自蓋造跨河廊屋堤橋等  
項無論已佃未佃一槩盡行拆毀不許少有遲  
阻如有奸民地棍不遵禁示敢于把持抗玩者  
許卽嚴拿申解以憑按法究治決不姑貸各宜

慎凜毋忽

嚴禁丈量差擾

爲再禁差取丈量冊籍蠹弊以肅法紀以除民累事照得清丈地畝奉

旨舉行本部院恐各屬奉行不善所在騷然害民非淺是以通飭司道以及府廳州縣博採地方土俗民情詳陳利弊務在剔蠹除奸共臻實做前據藩司會議條列五款又續陳二款俱簡明易舉切中時宜毋容官蠹差呼肆醵需索供應陋規科派冊費等項如有故違禁約責承各府刑


官不時揭報以憑叅拿重寃本部院嚴檄明示  
叮囑告誡諄且切矣誠恐日久蠹胥悖藐明示  
上下交通仍假催取冊籍爲名又混行則例科  
求里甲不照原頒示款節外生枝各縣經承受  
賄賣差每里差蠹一名或二三名不等恣行擾  
害巧指各上司衙門取冊使費常規公行科歛  
每里冊費不下二三十兩不等田野小氓何堪  
供此官胥刀俎除一面確訪實據指名叅拿及  
出示曉諭外合再申飭爲此牌仰  
通行申飭示禁爲此牌仰  
道照牌事理  
府官吏民人等知悉

務各照依原頒前後條約七款逐一舉行越此  
西成農隙之時令各里自先清丈聽候縣官躬  
親按號覆丈刻期竣事不許縱容衙役生端滋  
擾亦不許欸外多立法例苛求里甲其各里應  
繳號段弓口四至細冊俱當酌量都畝外分別  
遠近先給一示明白曉諭立限丈完令其依限  
將冊呈繳如有不遵限期造送遲延者止當發  
木籤着落里長拘催速繳不許假以坐催爲名  
每里濫差一人下鄉滋擾科索其司道府廳衙



門俱不許借名催冊擅差一人到縣致使奸胥藉口乘機科派苦累窮民如有忤法寔行踵蹈前弊者許被害里民據實呈懇以憑嚴拿按贓寃罪至于應造丈量號段弓口四至清冊造送戶部一套藩司及該府縣存案備照各一套外其餘大小衙門原無收冊專責一概不許造送徒費紙筆亦不許差人擅行催取致滋科歛害民之弊經管官吏胥役人等俱當遵法奉行速爲報竣如有陽奉陰違貽害累民者或告發或

訪定將該管印官指名寃叅刑官不行察舉一併叅處衙役立拿處死法在必行各宜凜遵毋忽



撫浙移牘目次

咨 閩督覆協閩人夫

咨 總漕暫借漕船載兵

咨 覆 總督會師出洋

咨 提督查游兵

咨 總督酌議增設官兵

咨 總提督專委王水師督剿浙西湖寇

咨 江督覆陳國禎買蔴侵蝕

咨 總漕酌給漕船苦蓋銀



咨 總督酌撥兵餉

咨 總督會商撥遷民田房

咨 總督留王水師會剿浙西餘寇

咨 昂邦請會示束兵

咨 蘇撫詢戰船工料

咨 江南督撫請弛遏糴之禁

咨 將軍請禁悍兵擾商

咨 江南將軍撫院密擒賊首唐起凡

覆 江南將軍請擒全等如

咨 田提督請畱任調攝

咨 將軍禁飭濫收叻賴

移 安輯酌給投誠口糧

移 總督請禁土寇投誠

移 將軍請禁奸棍投營

移 溫鎮清查兵民住房

移 閩省督撫議設小關驛舍人夫

移 將軍請禁營丁無故遠出

覆 總督賑濟遷民

覆 總督招撫張煌言兄弟

覆 水師提督修造戰船

覆 田提督請留任調攝

積年協餉全完移 閩督請題敘司餉各官

移 總督會商投誠食米

覆 總督酌議賑濟遷民

移 總漕會商白糧漕帶經費

咨 戶部請議茶引

咨 閩督覆協閩人夫

一為咨請事本院于本月二十日入境平望舟次  
准接

貴部院咨內開將軍奉

旨回京人夫為數不貲欲于浙省郡縣派夫五千名  
送浦協濟具見

貴部院軫恤閩海蒼生猶同赤子但兩浙連年  
用兵道路

王師絡繹并造船供應俱係民間出夫承值百姓

凋殘較閱更倍兼之天時亢旱苗黍俱枯萬姓  
車救田禾不暇餘力刻下漢軍奉

旨移鎮蘇州尚雲集杭城人夫取給猶未能應付今  
達將軍到浙境上應用人夫尚慮一時不能措  
手捧閱

大咨本院雖急公有心實協濟無力不得不備  
列情形瀆陳

台覽惟祈

貴部院俯念閩浙蒼生同仁一視應用夫役仍

取之閩省郡縣不惟軍

國有賴而隣省殘黎更沐

弘慈矣相應咨覆爲此合咨

貴部院煩請查照施行



咨 總漕暫借漕船載兵

一爲緊急軍務事據浙江驛傳道呈稱云等因

到院據此爲照浙省地當孔道兵馬鱗集應用  
船隻最爲浩繁刻下

都統郎 移駐蘇松隨帶官兵家口最衆又值  
將軍達 奉

旨回京需船孔亟本院左支右吾顧此失彼正在艱  
艱爲慮頃據驛傳道詳稱揀存漕船堪以暫借  
裝載隨經批行糧儲道查驗復據報稱在廠漕

船堪用者尚有二百餘隻是以公家之船暫應  
軍需之急以公濟公事屬妥便況自浙抵蘇程  
途無幾往返亦不致稽延時日本院除經檄行  
該道點明交發驛傳道撥夫駕送外事關動借  
漕艘相應咨明爲此合咨

貴部院煩請查照施行

咨覆 總督會師出洋

一爲欽奉

上諭事准

貴部院咨開

云

等因到院准此爲照鄭逆遠

離巢穴屯劄臺灣兵貴乘機此進剿之時也奉

閱

大移乃知

貴部院弘謨碩畫皆由天縱指顧之中鯨鯢已  
在掌中矣本院蒞任伊始諸未諳練封疆經畫

制勝謀猷無不仰藉

威靈以奠金湯半壁刻下出洋進剿渴欲遣將  
從征又值省郡兵單不滿三百會城重地何敢  
盡數遠調謹以調防象山縣倣標兵丁二百名  
倣令守備羅一麟督同出洋隨勦稍助一臂至  
于出洋之際于中調度統希  
貴部院幃幘經綸隨機密受渠魁授首指日凱  
旋本院惟有翹望龍旌風傳露布耳合就咨覆  
爲此合咨

貴部院煩請查照施行



咨 提督查遊兵

一爲清查無藉食私糧閒人事准

貴提督手本前事等因到院准此爲照兩浙軍  
興旁午賦重征煩百姓彫殘已極兼之盜賊橫  
行萑苻四起皆由遊兵閒卒通同行劫本院蒞  
任伊始在在風聞正慮耳目未周嚴除未効今  
接

台移商及檄行文武查嚴遊兵足例

貴提督留意地方安輯兵民至意至于温州大

盜殺劫秦推官一案前據該廳申報始末緣由  
已經嚴行該道府確查通盜遊兵係于何營食  
糧據實確詳去後今接

台移復察及劫掠秦推官皆係食私糧間人更  
欽

貴提督無奸不察無隱不照惟祈

貴提督嚴察私糧係何營給發營官是何職名  
倘得一一密查覆示使本院得藉手

題叅則仰藉

威靈鴻庇益無窮矣

咨 總督酌議增設官兵

一爲遵

旨會閱浙省沿海一帶事本月二十日准

貴部院咨開前事等因到院准此爲照

蘇宜部堂會同

貴部院經畫沿海酌古準今增兵設險安置得

宜誠爲垂念

宏謨無庸贅辭也但增設各標官兵從新懸金  
召募必致愆期有悞汎守本院正慮及此接讀



撫浙和議 卷一  
台咨議以 貴標尚鎮官兵抽撥一千名以增  
溫州城守之額提標增兵一千五百名卽令該  
標營官募補足數具見

貴部院權宜緩急碩畫周詳也至大荆新設之  
一千名議以台區鎮協兩標抽撥仍令台鎮總  
管蓋以該鎮信地相近大荆易于策應較之溫  
鎮道遠難屬亦至當之論也就中微有可商者  
大荆本屬溫區而以台區官兵戍守將來功過  
責成台區平歸諸溫區平畫疆分汛鎮道之職  
又當聽

貴部院衡鑒

題明庶杜彼此相諉也又如應添副叅浙中無相  
應之官必須

題請部選查各營經制副將員缺中軍應用一都  
司叅將員缺中軍止用一守備一營之中設二  
千總四把總此各營之定制也其提標舊額中  
左右三營兵二千五百名查

部堂會疏內議添一千五百名又議將調防寧

波府兵一千名撥與共有五千名一併交付之  
語按各省經制應立左右中前後五營自當添  
設前後兩營遊擊守備千把總員缺亦如中左  
右三營之制矣謬參管見如此未識有當  
台裁否如果可行希行鎮道知照伏候  
貴部院主稿會

題叨庇同舟誼非淺矣合行咨覆為此合咨  
貴部院煩請查照施行

咨

總督專委王水師督勦浙西湖寇

一為緊急塘報事據於潛等縣申稱云各等因  
到院據此案查前據杭嚴道并武康崇德等縣  
所報緊急賊情已經次第咨明外為照山魃根  
株未盡而湖寇餘黨復猖焚劫公行羽書日至  
報聞城社憂危蒼生塗炭本院新奉

明綸罷去軍務不敢越俎調遣今

貴部院駐節東甌  
貴提督駐節四明有聞馳報往返必稽旬日又  
慮鞭長莫及本院再四思維冒陳管見查得新

任王協守久歷行間勇畧素著且有隨帶精勇  
合無端委總司浙西援勦之任督令會同嘉湖  
二協訂期會勦以圖滅此朝食并祈嚴檄二府  
守巡各道如遇地方賊藪卽移會該協立刻堵  
勦庶端責有人而奏功亦易地方得受救寧感  
非淺矣爲此合咨  
用于本前去

貴

部院提督煩爲查照

示覆施行

咨 江督覆陳國禎買蔴侵蝕

一爲欽奉

上諭事准

貴部院咨開前事等因到院准此隨經檄令杭  
嚴道轉行杭州府嚴拘牙行呂存之等查究短  
少情由責令補償去後今據該道呈稱云等  
情前來據此爲照陳國禎赴浙買蔴原屬勤勞  
王事自當奉公守法以無負

貴部院爲



國爲民至意當其赴浙之時自携官秤發買之際  
贈足給收不特授受俱明見有印收可據更有  
扣勒水脚代解之費婪入多金在牙行因公賄  
累固已極矣豈料本官運回上納不知作何侵  
蝕以致虧欠缺數誰聾

貴部院致有原牙賠補之行也今本官奉差到  
浙不思自己侵欠悞公之由至本院公堂之上  
咆哮叱詫狀有不堪向

貴部院盡述者本院復再四諭令同赴杭嚴道  
面同牙行質對本官竟不赴質飄然長往及令  
杭巡道拘集牙戶細鞠衆口號冤備訴本官勒  
索之情并出其親收印票赤據則本官侵蝕情  
虛慮質脫歸已俱在

貴部院照鑒中矣

貴部院察吏安民懲貪除蠹東南望爲福星浙  
省連年兵革之餘兼之本省修船造艦百姓供  
應浩繁皮骨皆穿今以

貴部院奉公差買浙民仰體

功令霜嚴竭力辦納固已至愁至苦復有此蠹國悞  
公之吏勒索侵蝕復令窮民賠累窮民何辜堪  
受此魚肉耶惟祈

貴部院大整威靈將本官侵蝕勒索情罪特疏  
題叅嚴行追補不惟緊急軍需不敢侵漁貽悞而  
隣邦赤子感沐

仁慈亦無既矣爲此合咨

貴部院煩請查照施行

咨 總漕酌給漕船苦益銀

一爲查議苦益銀兩事據浙江糧儲道呈稱

云

等因到院據此爲照漕艘係關軍

國要務何可輕忽若不設軍看守苦益則來年難

于復運補苴不無重費以致

貴部院熟籌審處不得不請

部酌給以安窮丁此

貴部院經

國之宏謨也至于起支以去冬扣算

內部恐難核銷或准於奉文之日爲始庶無互異但該道以支剩銀兩各屬催解不前議於充餉內先行支給俟催解補還思錢糧既充兵餉則爲官兵計口授食之需各屬仍呼應不靈三軍似難懸待若不允通融給發則窮丁或致星散不無失守可虞原准

咨咨以部行

貴部院移院會商相應據以轉請統祈

貴部院卽賜核明咨達

計部速行確酌咨行給發使窮丁不致轉覆以待而漕艘亦可無不測之慮也爲此合咨

貴部院煩請查照施行



咨 總督酌撥兵餉

一 爲咨請通融酌撥以濟軍需事准

貴部院咨開云

云等因到院准此爲照溫區爲

邊海重地甲士枕戈戍守全藉月餉刻不容緩

本院蒞任以來惟念各區兵餉爲急每檄催不

應卽立傳藩司面囑叮嚀務必多方措給而據

該司具詳溫屬各標官兵糧餉俱已十分撥足

該府屬額徵正賦俱以寇荒地方藉口以改餉

額逋懸復請重撥且歷年寇亂荒殘無餘糧

至今尚未造冊詳請

題報等語本院以各該印官怠緩已極前已具疏  
叅處因慮海邦士卒望餉甚殷豈能使枵腹以  
待倘變生脫幘卽重處溫屬有司亦於事無補  
再三面與藩司相商熟計通融前經借支司庫  
別項餉銀陸千兩那給溫區水師兩營月餉矣  
但該司又以  
部撥兵餉原按兵額撥發緩就急勢必彼盈此  
詘誠難爲溫屬兵丁之計額無償節次具詳  
亦屬實情正欲移咨請商

貴部院裁示良籌祇遵入

告適承

台咨令赴東甌安插遷徙人民本院聞

命就道復念邊地官兵缺餉數月不得不與藩司酌

議又那別項餉銀萬兩委官攜帶至甌躬請

貴部院指示那給再商補運之法以清餉額行

次甬東接閱

貴部院來咨具見軫念官兵至意然本院未准

台咨之先早亦計慮及此矣容介馬星馳至溫  
恭聽

貴部院裁示通融濟急可也合先咨覆爲此合  
咨

貴部院煩請查照施行

咨 總督會商撥遷民田房

一爲欽奉

上諭事准

貴部院咨開前事等因到院准此爲照遷徙人  
民棄置田地以及寇殘拋荒三項文冊前據各  
屬造送俱屬朦混碍難送

部本院業經頒發冊式駁令該道督着該府分  
別彙造將遷徙見在丁口數目爲一冊棄置界  
外田糧丁口額則爲一冊界內寇荒無徵田糧



丁口爲一冊應分三疏入

告庶頭緒明白亦便

內部據以議覆此管見之謬議也至于撥給田  
房原奉

上諭槩爲軫恤流移至意並未分別有產無產應給  
不應給之等昨據永嘉等縣造到各冊將原棄  
田數載入而不開正賦額則其丁口數目與全  
書迥異據議撥給荒田任臆多寡原有地土者  
則與之原無地土者則不與似與

上諭不符且所撥荒田並未註明有主無主何年拋  
荒且溫屬荒殘逋額情由未經具

題

計部尚在未知據以冊報必煩

部駁殊有未便也已將原冊復駁另造台州府  
屬已經議詳候寧波府及溫屬詳冊送到本院  
條陳芻蕘末議請商

貴部院刪正恭候

指南祇遵繕疏則撥給田土一案可以先行會

題矣其寇荒田糧及遺棄田糧事關蠲免報冊一

有不當

計部駁詰往返查覆必須半載兵餉通懸日復  
一日愈爲稽悞倘致脫巾關係匪小本院已嚴  
限先造冊式呈閱裁奪再發攢造但寧台溫三  
府繕冊彙齊尚須月日方得竣事棄置寇荒二  
項議免正賦又必行布政司覆核方可具疏  
請蠲也此皆地方重務並奉

上諭叨在同舟統祈

貴部院不吝金玉特

賜砭針俾得奉以周旋歸于至當則本院仰邀

台庇匪淺甚也爲此合咨

貴部院煩請查照施行

咨 總督留王水師曾剿浙西餘寇

一爲查飭事據杭州城守副將王可就呈稱云

云

等因到院據此爲照浙西湖盜流突撮合土寇  
千百成群往來剽劫寇首唐起凡多年積盜竊  
踞湖山此剿彼突迄無成功本院先經移會

貴部院着令杭州城守副將王可就總統嘉湖  
之兵以期大創屢據該將呈報分布扼剿漸有  
頭緒昨據呈報又奉

台檄調赴援剿虎爪山一帶星趨前進矣但浙



東土寇屢經大創見有副將姚成德宋天祿等  
統兵在彼會剿似可不必益兵而浙西剿撫之  
局未竟正須該將總統調度昨已面商

貴部院允令仍赴統勦浙西以終其事惟祈

貴部院軫念杭嘉湖附省會之區速檄該將前  
赴會剿以蕩寇氛庶得早奏救寧也相應咨會  
爲此合咨

貴部院煩請查照施行

咨 昂那請會示東兵

一爲悍兵飛害急救民殃事據杭嚴道熊僉事呈  
稱云等因到院據此爲照浙民頻罹水旱更  
兼兵燹之餘雖竭力調劑尚難存活亦久在  
鑒中無容贅述是以荷蒙

貴總管念切民瘼屢經會銜出示禁約弁兵此  
誠惜民至意不惟窮黎頂戴以慈卽本院亦感  
附回舟不淺近有無知悍卒咸以倒斃病馬爲  
由乘機勒詐焚焚赤子哀籲難堪合亟咨明惟

祈

貴總管威靈緒給一示挈衛禁約移送過院以

憑印鈴張掛庶弁兵畏法斂跡則

貴總管澤民之德更爲丕著矣爲此合咨

貴總管煩爲查照施行

咨 蘇撫詢戰船工料

一爲咨詢事照得浙省海氛弗靖會師協定必藉  
舟楫以資進勦先經

總督部院趙

暨前撫院佟 因大兵出洋寧紹溫三區

題造戰艦一百一十隻所用工料于順治十六年

十一月間

奏銷 內部駁減銀九千四百七十餘兩照款追  
解在案至于歷年修驗槩不准銷見在勒追當

日經手各官照數補償然有已經陞遷去任者  
尚猶可以追呼其降調物故者雖移原籍亦難  
起九原而問究無補于

欽案也切謂派造船隻所需木植屢經造船之餘老  
材巨幹蒐伐無遺勢必售之外省其價值不過  
數兩然運送到廠車牛夫役所費不貲其他釘  
蔴物料又未盡出浙地始則輪運入廠繼則拖  
船出口水陸川梁之費扛挽牽拽之工煩費良  
多絲毫出自錢糧則前次

題銷原無浮濫今奉

內部不允開銷其駁減之銀從何追補本院蒞  
浙以來每以此案難結爲憂因查

貴省見在打造戰艦聞已告成其開銷工料必  
有佑定價值伏祈

貴院查明新造水艍艍二項備將每隻長濶  
丈尺數目工料價值細數每隻銷筭錢糧若干  
部覆允銷若干希卽一一指示佩戴舟誼非淺  
鮮矣爲此合咨



貴院煩爲查照施行

咨

江南

督撫請弛遏糴之禁

一爲懇詳通禁疏商全活百萬生靈事據浙江杭州府呈稱云等因到院據此爲照浙省頻罹兵燹更兼水旱之餘米價騰貴十倍于昔億萬生靈有向隅之悲懸釜之急號號待哺誠難以筆楮罄也當此之際惟與隣封通商接濟以滋民食邇來

貴屬各郡禁商遏糴在在俱然夫商賈旣絕則貿易不通貿易不通則民生何賴將見兩浙殘

黎必填溝壑然率土之民俱屬

朝廷赤子原無彼疆此界之分惟祈

貴部院通飭所屬開禁疏通使商賈照常興販  
務期源源接濟庶全浙生民均沐含鼓之休出  
自

貴部院再造之德本院亦佩誼良多矣爲此合  
咨

貴部院煩爲查照立賜

示覆施行

咨 將軍請禁悍兵擾商

爲懇恩請憲禁暴杜奸撫商裕國事據杭州抽  
分工部呈稱云云等因到院據此爲照關稅係  
屬

國課惟憑商賈輸將值茲荒旱之秋商民疲困已  
極倘輓運阻滯必虧工賦近有無知市棍構冒  
營丁假採薪爲由肆射利之術當此時艱何堪  
吮吸在

貴將軍恩威並濟法紀森嚴民懷兵畏遐邇欣

傳斷無此等之兵此必地棍假冒肆虐惟祈

貴將軍特

賜明示禁約庶幾奸徒斂跡諸商咸賴

威靈當垂之不朽矣爲此合咨

貴將軍煩爲查照示覆施行

咨

江南總督密擒賊首唐起凡

一爲懇給憲牌嚴緝元兇以靖根株以安地方事

據杭城守王副將呈稱云等因到院據此爲

照元兇唐起凡通誅一十七載塗毒生靈不可

勝計往來山海招納亡命聚叛固非一日屢經

塘報奉

旨搜勦未就戎索本院受事之初復又蠢動業經密

疏入

告端委杭協副將王可就總統各營官兵入山撫勦



起凡怙終不悛乃陰納故明遺裔朱在鉞稱戈  
聚衆大肆聲揚賴諸將用命果敢追殺掃穴業  
將僞王子朱在鉞併叛逆各犯一鼓就擒惟首  
逆起凡隻身潛遁亦經密疏請

旨差員押解各叛進京前經移會

江南督撫院撥兵護送北行在案其僞王疏內

題明起凡遁迹仍督副將選差能員本院給有檄  
文勒限捕緝獲日另

題今據該將報稱捐資遠緝到處尋踪往返數月

追至蕪州探的唐金二逆隱匿城中令隨行兵  
丁暗守各門在內躡緝二逆自知不能遁跡忽  
一更名爲唐士彪一更名爲金得如于本年三  
月初八日卽鎖營

江寧撫院李中軍處允引投誠況王副將差官

貴標李中軍守備張從魁賁本院原牌與該弁面言彼竟悍  
然不顧殊不能爲該弁解也但此逆因搗巢免  
脫搜緝急迫計窮狡獪一二捕役卽可擒獲非  
山海擁兵負固者比豈可輕許投誠使積年叛

首倖得漏網况李中軍係裁缺之弁引見投誠  
必有情弊且屢准

樞部奉

旨申飭非係賊衆負險者不得濫行招撫煌煌

功令該弁豈未知之事關重大除見在

題報外合就密咨

貴將平貴院煩請飛檄李中軍卽刻網縛元兇唐起

凡金令襄交發來員仍乞多撥官兵逐程防護  
務保無虞囚解過浙以憑會審恨寃餘黨盡絕

根株幸勿遲滯足徵

舟誼不淺矣爲此合咨

貴將軍貴院煩爲查照立賜發解施行

覆 江南將軍請擒金得如

一爲向化歸仁事准

貴將軍咨前事等因到院准此爲照浙省山海  
交訐五方雜處內多煽合之奸勾引外來之盜  
其來久矣本院下車以來勦撫兼施惟恐愚民  
墮于陷阱復大張告示予以自新遐邇共聞浙  
東虎爪山賊大肆猖獗本院督發標旅并調各  
府官兵大創之後則有何宗十六戚邪宰高英  
等先後投誠者共有數百餘名俱一一宥釋分



別食糧歸農班班可據此豈非開自新之路乎  
殆後餘孽流突浙西唐逆復糾合倡亂全無投  
降之意本院咨會

總督趙  
提督田

復委杭州城守副將王可就爲之總

統會同嘉湖二府官兵協力搜勦俘斬甚衆隨

據守湖道報稱云云已經具

題外惟是招撫投誠上體

皇上好生之仁下恤蒼赤生靈之命豈有慕義販誠  
而反殺戮之理至如

欽案奉緝有名大盜五名內沈公超陳彪陸守成濮

三等四名悔過投誠俱經安插獨張濶嘴怙終

不悛在于寒山地方分帖拷餉刦殺公行係署

湖協官兵追及陣斬並未據報投誠安有誅降

之事業經會疏具

題已久今金得如欲圖賒死之計敢于狡口飭辭

誠

國法所難貸者且唐起凡逋誅十有七年勢窮雖

伏過後賜張已非一次案查于順治七年間投

誠先該前撫院蕭 發錢塘縣取有楊喬等保  
結歸農仍復入山爲盜又于八年間被德清縣  
捕役追緝又爲楊槐楊喬等保出復叛此係起  
凡屢投屢叛之確據也今若復聽其更名倖漏  
將來貽患地方恐生民未得安寧也昨據杭州  
城守詳文已將歷經

題報始末備咨移會

貴將軍在案今准

台咨惟祈

貴將軍察照前請速賜示發可也爲此合咨

貴將軍煩爲查照施行

咨 田提督請留任調攝

一爲痼疾漸深嚴疆任重乞遣官驗視卽請代  
題以遂休致事本月二十日准

貴提督咨開 云 等因到院准此爲照兩浙肇  
造實稱

貴提督底定之功身繫安危中外屬心者蓋已  
有日況海氛未靖

九重倚賴端藉元戎則枕戈待旦未必不在今日  
延以偶爾違和遂至興言解組度之圖報之誼或



亦所不忍出且前經陳

請輒荷

溫綸此其

眷顧爲何如而欲爲惔然也夫蠻烟微雨之鄉常患  
卑濕風土偶侵奚庸介介藥餌時御加以針砭  
竚見霍然自當爲

國立功爲民造命東南萬里長城舍

貴提督其誰屬哉捧讀

台咨備悉起居第以

王事鞅掌三江遙阻不獲躬詣榻前一視是則所

不能釋諸懷耳伏祈

貴提督多方調攝上答

朝廷之付托下慰三軍之歸心本院且仰藉不淺矣  
敢以留賢之誠聊盡忠告之義敬佈 左右知  
不以爲迂謬也相應咨覆爲此合咨

貴提督煩請查照施行

咨 將軍禁飭濫收亡賴

一爲移會事准

貴將軍咨開

云

等因到院准此爲照滿洲契

買漢人以備役使原屬濟窮良法是稱甚善但  
本院之申飭各屬者蓋因世風日下奸徒最工  
影射或侵蝕

國課補償無術或盜賊發覺搜捕迫切因而捏稱  
賣鬻旗下以爲護身之符在收買者一時偶不  
及察爲其所欺於是滋弊長奸是以本院嚴飭

所屬除真實窮民饑寒切身不能度日取有鄰佑甘結該縣印官用給印照許其賣身非一槩不許用印也如有前項奸徒務須細加體察毋墮其計庶救活貧民之良法不爲藏匿死之私圖其于滿漢實稱兩利而究亦不肯于貧民賣鬻無門之原行也適接  
台咨除一面通行知照外相應咨覆爲此合咨貴將軍煩爲查照申飭施行

移 安輯酌給投誠口糧

一爲請

有事據巡海道呈稱云等因到院據此爲照投誠人員俱係赤貧發回原籍必須資裹之糧以資長途續命之膏則口糧一項似不可缺今本院批閱道詳內開

貴部軫念投誠人等乏食會同該道面商有議

給口糧之舉具見

貴部仰體



皇仁至意但今投誠人等日益衆多每名每日給與口糧八合按人按日扣算所費甚繁旣無別項餘剩錢糧可以給發若動支正項必先行

題明候

部覆

俞允方可支給以憑開銷倘未經題

請卽

貴

部院

與本院俱不便任擅支之責惟祈

貴

部院

特疏具

題或將此項情由備入

公移過院本院亦可據以會

題庶年終

奏銷無煩

部詰而向化之輩亦溥被

皇仁矣此一舉兩全之道也相應移會爲此合用手

本前去

貴

部院

煩爲查照不覆施行

移 總督請禁土寇投誠

一爲呈解投誠賊黨事據協守湖州高副將呈稱

云等因到院據此爲照山魑湖寇殺人拷餉

比比皆然及發官兵捕剿事急則假托投誠希圖漏網未幾復行肆劫以致盜風日熾蒼赤倒懸是以本院爲請禁叛盜一疏條陳入

告業經

樞部

題覆奉

旨通行嚴禁在案今逋誅大盜姚文標等八名焚劫  
有年流害無窮今追剿勢迫俱當俘斬用絕根  
株以靖地方庶使奸徒知所儆惕詎意把總苗  
一雄罔思土寇強盜不得濫行招撫新奉  
部行何等嚴切輒敢擅取賊黨保狀許以投誠  
違悖

明旨莫此爲甚矧當

功令初頒若姑從曲宥則令盜窩盜黨仍然得志必  
咸謂

朝廷大法徒爲具文全不足畏矣長盜風而貽民害  
寧有已哉至么磨末弁敢于弁髦

國典妄稱取有居民鄭惟忠等保狀遂引投誠安  
知惟忠等輩非卽盜夥線窩扶同倖免乎此中  
有無營投情弊自難逃

貴部院洞鑒亦無庸本院言之盡也據報各盜  
見解

貴部院軍前聽候發落應否予以投誠或將各  
盜及保結人等押發臬司勘明根由請



旨定奪統所

裁示遵行爲此合咨

貴部院煩請查照施行

移 將軍請禁奸棍投營

一爲移會事准

貴將軍咨開

云

等因到院准此爲照滿洲契

買僕人以備驅使原屬濟貧良法但有等奸民  
或侵蝕

國帑抵償無術或爲盜賊窩線事敗懼誅因而情  
急影射捏稱賣鬻無門營幹投旗希圖漏網縣  
令不察爲彼欺誑旗主爲之朦蔽迨後事發彼  
以投旗爲護符滋弊長奸莫可究詰是以本院

飭行所屬除真實窮民孤寒迫切者取有鄰佑  
親族甘結該縣印官方可用印給照則奸徒影  
射之弊一清而

貴將軍濟貧之德益著且與

科垣條議之疏不背矣此後願投各旗賣身文  
契仍請

貴將軍核明逐件不時移會本院轉發各該印  
官取具左右鄰人甘結將契用印繳院以憑轉  
咨

貴將軍發與各旗本主收執庶無前項弊端  
庇同舟誠非淺矣今准前因相應咨覆爲此合  
咨

貴將軍頗爲查照施行

移 溫鎮清查兵民住房

一爲移請清查官兵原住民房界限事爲照東甌  
爲濱海首衝遭寇被災莫此爲甚兼之邊民遷  
徙失業無依流離載道觸目傷心真兵民相倚  
爲命之區全賴文武調劑以奠斯土也是以本  
院屢行該道府務令加意撫綏猶慮多有失所  
昨本院甫抵甌郡卽有士民紛紛呈控俱以弁  
丁不守營制招引親族與異方流棍佔住民居  
爲詞其投詞不下數百紙本院細閱疑信參半



第官兵戍守巖疆原無經制營房不能露處勢  
必借居民屋但查舊有督標官兵駐防溫郡  
及尚鎮舊住各有兵房原分界限自堪棲止何  
至逼城兵民雜居或其親族及異方奸棍假稱  
營兵名色冒佔者容或有之除行該道會同  
貴標遊擊清查外統希

貴鎮嚴檄三營將領各弁核查官兵住址仍歸  
舊營或有不敷少加充拓不致逼城雜處其一  
切親族奸棍人等向係假冒佔住民房者查明  
立行驅逐更祈賜示嚴禁申飭令甌城百姓家  
喻戶曉務使兵民各得其所感佩舟誼非淺鮮  
矣爲此合咨

貴鎮煩爲查照施行

移 閩省督撫議設小關驛舍人夫

一爲違

旨私撤驛遞校謀貽累鄰封等事據浙江護理驛傳  
道事杭州府知府丁浴初呈稱云等因到院  
據此爲照驛遞之設原以支應往來所關匪細  
今小關一驛議設八年終成築舍蓋緣浦城縣  
必欲募江民充夫錢糧仍出之

貴省第江山距浦甚遙使其遠赴隔省領銀當  
夫恐事屬畫餅似非經久之策也但奉

旨移驛事難終止該道議以八年未設小關驛之銀  
建造驛舍卽募楓嶺就近居民以充驛夫相應  
咨請

貴部院酌妥檄行浦城縣建驛募夫勿再仍前  
觀望庶郵傳可通

欽案亦得蚤結矣爲此合咨

貴部院煩爲查照示覆施行

移 將軍請禁營丁無故遠出

一爲咨會事照得查緝逃人

新例甚嚴凡有地方之責者敢不凜遵細加體察但  
恐奸徒假借旗下名色指稱奉差遂致府縣各  
官莫敢誰何因之逃人混跡其中地方官卽有  
所聞終不敢遽爲拿獲若不立法嚴緝必致貽  
患無已昨于公衙門會商

貴將軍凡各旗兵丁小廝俱不得遠出卽有緊  
要公幹必須給發印照咨明本院再行申飭使



地方官見有面生可疑營丁取照查驗方許容  
留如無印照卽作逃人拿解仍祈

貴將軍通飭各旗一體遵照庶奸棍不致假冒  
而逃人無托足之地矣除一面通行各道外相  
應咨達併將牌稿錄呈

台覽爲此合咨

貴將軍煩爲查照施行

履 總督賑濟遷民

一爲賑濟遷移飢民事二月初九日准

貴部院咨開

云

等因到院准此爲照寧台溫

三府遷徙人民順治十八年九月奉有

上諭令督撫親行安插撥給田房務使各得其所時  
本院初蒞地方

貴前部院駐劄東甌隨移咨確商卽介馬東行  
遍歷郡邑進道府廳縣各官酌議良策安此子  
遺據稱界內田房各有其主難以撥給惟報起

遣之民或依親傍戚租田耕種者或與界內鄉民通融居住者或手藝營生不煩再計者俱言安插得所具結申報便請竣事本院未敢信以爲然曾與

貴前部院熟商條議請

旨量發公帑賑卹遷民使之開墾荒田暫爲家口生計具述流離困苦及無田房撥給情形會疏入告業經

部議復行咨查在案本院惟恐該管道道府縣疎忽從事節次申飭責成各官加意安全毋致失所奚啻唇焦額禿矣去冬再歷溫郡又遍示曉諭凡係遷民僑居地方者免其一切差徭俱令印官給照母容擾累隨據飢民男婦紛紛告賑本院深爲憫惻將有名人戶量捐俸資六百餘兩每名口給銀三五錢不等俱當堂唱給然捐施有限乞賑奚窮誠無術以處此也正擬巡行台寧適奉有

欽提逆犯一事星夜言旋未及咨商

貴部院設法拯濟復經嚴飭各道府縣再查實在丁口酌議賑卹間頃有溫鎮手劄備言永嘉瑞安遷民困苦情狀又據象山等縣具申失業流移大畧本院念及窮簷真食息不遑矣茲准貴部院有發銀捐賑之舉真飢渴由已之念視民如傷之心亟宜速行以慰窮民但查原報寧波遷民男婦一萬一千餘台州遷民男婦四萬六千餘溫州遷民男婦三萬四千餘人數既多寡不同發銀亦應分別惟聽

貴部院酌裁本院惟有祇遵而已今准前因相應咨覆爲此合咨

貴部院煩請查照施行



覆 總督招撫張煌言兄弟

一 爲咨會事三月初五日准

貴部院咨開云等因到院准此爲照海逆梗  
化不過釜底遊魂奚難合師殄滅自

貴部院下車以來仰赴

朝廷招撫至意文告屢頒

惠威並布偷生諸孽謂宜及早革心歸誠恐後  
矣乃張兄弟執迷不悟猶敢負險無忌誠如

貴部院淵謀允宜剿撫兼施庶令畏威懷德頃

准

提督咨示致書往諭二逆尚在猶豫今

貴部院不惜金玉挈列賤名再致一劄使其就

撫以副

皇上好生之德殘黎獲寧謐之庥本院亦因人成事

藉

庇非淺矣今准前因相應咨覆爲此合咨

貴部院煩請查照施行

覆 水師提督修造戰船

一爲欽奉

上諭事三月二十三日准

貴提督咨開

云

等因到院准此爲照修整戰

船海防急務誠不容須臾緩也查順治十三年

以前節次具

題修造各區大小船隻如採辦物料兼督工程文

武各官各有司存原自分任歷有成例未嘗偏

累致滋謬誤也自當聽

部院疏

請應動何項錢糧至日循例遴委能幹官員辦料鳩工刻期事集似不難速于告竣至王同知援引十六年修船之議欲派八府有司辦運料物真不知今昔緩急及從前貽累官民之苦也本院近據藩司詳請

題銷當年所派八府興修船工價值共費二十七萬有奇今止核實三分之一

內部尚以爲浮猶在議減將來必爲官民大累恐無已時前因詰其濫費根由總緣八府屬縣各官不能親自運料又以越江過壩致費用多端或擅支正項無抵或私派民間賠累種種苛索不一而足如烏程遂安諸暨三令見爲省中糾叅尚未結案此殷鑒不遠詎可援以爲例也至查往年修造各船工料尚未銷筭船隻旋報損壞各營請修接踵見告皆緣昔日禁旅雲集坐待出洋需船緊急承造各官祇知軍令可畏將新伐樹木隨到隨辦材料生濕則船難經久



曾未幾時板裂釘露勢所必然此苟圖速竣以致糜費

國家無限金錢徒累民間幾許心力誠無實濟于軍需也今番修估各船事勢緩急較昔不同斷宜首重木料責任宜循舊章俾從容採用協力興修庶戰艦俱得堅固錢糧可稱實用矣素仰貴提督久歷海邦軍民利害靡不周知茲荷新命節制全浙水師封疆大計自有良籌豈管窺可測然事在

部院爲政又無俟本院之贅辭也今准前因相應咨覆爲此合咨

貴提督煩爲查照施行

覆 田提督請留任調攝

一爲懇祈代 題以遂調理事五月初九日准

貴提督咨開 云 等因并錄疏稿到院准此爲

照自海邦多故以來悉賴

貴提督恩感孚著內安外攘以致漸次蕩平迄

于小康正宜克終大業以副

朝野之望雖

貴體暫爾違和稍加靜攝卽當有喜何可遽思  
息肩使軍民失所恃耶今

貴提督特疏

肅告白必仍奉

溫綸且本院藉 庇甚殷更不得不勉留以安此地  
方萬祈俯順輿情爲至望也今准前因相應咨  
覆爲此合咨

貴提督煩請查照施行

積年協餉全完後

關請題敘司餉各官

一爲酌撥康熙二年兵餉事案准

戶部咨撥浙省康熙二年正賦銀二十五萬三  
千四百八十三兩七錢又兩浙運司正課銀一  
十萬兩解交

閩省撫院查收

部題六月全完奉有

俞旨欽遵在案本院念切協閩餉銀係海疆緊急軍  
需仰遵



欽立嚴限及

貴部院移示諄切竭蹶督催不遑寧處是以藩  
離二司業將奉撥之餉先期完解在本院拮据  
催科毫無蒂欠原屬分內而司餉各官奉行惟  
謹預限完急公可嘉惟祈

貴部院垂察從前各年協閩餉銀逋欠最多致  
厯

貴部院節次

題請屢奉

嚴諭前任

及經接藩司登受參罰在案今本院

受事以來遂將歷年風逋設法督催不遺餘力  
始得截數全清而見年協餉又預期完解則今  
昔相較完欠頓殊在

貴部院自有鑒察相應咨請

貴部院查明本年藩離二司項下全完數目及  
補解從前各年欠餉緣由特疏

題報以示鼓勵俾司餉者益知所勸矣除一畱繕  
疏具

題外合將小稿抄錄移

覽惟祈

照察卽賜

題明以銷康熙二年撥協之案爲此合咨

貴部院煩請查照示覆施行

移 總督會商投誠食米

一爲移會事照得投誠人員遠携家口慕化來歸  
凡有地方之責者俱當加意安全措施給糧米以  
仰體

朝廷招徠德意今僞鎮周家政等帶領官兵船隻前  
來投誠家口繁多必須按日給糧養贍候

旨安插但查東甌各屬連歲荒殘正項兵餉年多壓  
欠每歲尚于司庫那借用濟軍糈若此投誠人  
等額外口糧必難設處而地方各官又徒以驗



文混報行縣支給食米一語了事並不聲說動  
支何項錢糧買米給濟則其膜視投誠虛文塞  
責槩可知矣不惟有辜招撫

皇仁且失遠人向化之心昨江干晤別又承

貴部院面言據隨征范鎮密聞阮美亦欲全來  
投誠倘事果真則儲備糧米自宜預爲籌畫庶  
免臨期有悞查溫屬旣無可動官銀本院權于  
藩司那發庫銀一萬兩卽日差官押發該府買  
米濟急相應咨請

貴部院遴差的當能員先令前去溫郡公同本  
院委官及該府印官照時平買稻米收貯倉廩  
支給投誠人等不許該府別爲那移倘此米支  
有贏餘卽令抵給經制官兵月糧仍于找撥二  
分兵餉內扣還司庫愚昧如此未識有當于  
台裁否也爲此合咨

貴部院煩請查照

示覆施行



覆 總督酌議賑濟遷民

爲遷民困苦應撥房田務求實着雜派差使尚未力除謹臚列嚴革以期安插得所事准

貴部院咨開 云 等因到院准此爲照邊界遷

民流離失所

上諭責成督撫撥給田房務要親身料理本院遍歷

寧台溫三府屬縣會同

貴前部院再三熟商據各該道府邑令詳議界內田房俱係有主管業並無無主地產若輕議

撥給勢必告爭無已僉議界內寇荒地畝酌量  
分給使之就近耕鑿三年成熟方令起科又慮  
難民農本無資激切疏陳題

請量發帑金拯濟時艱俱未徼

部允本院恐有司撫字失宜屢經申飭加意安  
全復捐資賑恤

請蠲逋課不憚煩瑣亦節經會同

貴部院備述困苦情形入

告在案今荷

貴部院巡行各郡目擊顛連設法調劑參酌各  
條誠爲救焚濟時之實著也本院謬附同舟叨  
庇匪淺從此海畔殘黎得荷更生皆

貴部院再造之仁也恭釋

台咨欽服不已謹卽飭行藩司及寧台溫三道  
祇遵奉行外相應咨覆爲此合咨

貴部院煩請查照施行

移 總漕會商白糧漕帶經費

一 爲漕艘減存既多民船僱募滋費等事准

貴部院咨開云等因到部院准此爲照嘉湖

二府輓運白糧向因原編經費額數不敷該道

府縣不得不議加派累民屢據士民紛紛告苦

言本部院目擊加派倍于正額是以前經具有直

陳白糧經費私派之弊一疏具

題漕帶部未允行去冬復准

戶部議覆科疏條陳白糧請用減存漕艘裝載



起運條陳五便

部行確查果否節省有無累民咨令查明具

題奉有

俞旨本部院身在地方既知民間加派苦累自當設  
法調劑故照順治十一年漕船帶白成例酌量  
損益少甦民困節次駁行糧道條議并并臚列  
具詳前經僭擬小稿借重

台銜會疏具

題其間節省行月減免新加公私利益情形已悉

疏內不復再贅今准

大咨總總過慮誠爲詳慎然茲畧舉其槩言之  
如謂預徵經費一項恐不能一呼卽應查每年  
額編經費例于本年開徵十月隨糧徵足卽應  
給發領運官役以副冬兌冬行之限此相沿成  
規也若俟

部議漕帶允日卽是徵銀之候審令各縣先解  
造船經費不難呼應原非今年預徵明年之賦  
致有拖欠明矣又謂漕船嚴禁倍載一項今查

浙省漕船歲造補造原有額銀該道議將新運  
白糧船隻應添六十餘隻派于各縣新加經費  
內照數協造之外又於漕運項下淺貢減存銀  
內另議補造歲額不足船隻則較今歲起運漕  
船增造一百二十餘隻矣似可無慮倍載之事  
也至于選官僉丁鑽營之弊在

貴部院釐奸剔蠹嚴飭有素該管各官量亦未  
敢僉選徇私也揔之白糧漕帶之議前人行之  
數年減費恤民具有成效本部院因豫士民呈  
告加派重困適又准部咨確查果否節省從

國計民生起見故備陳入

告聽部議奪非敢膠執創議必以爲可也茲承

貴部院熟計利弊虛懷下詢甚荷同舟之誼自  
當祇遵惜前疏業于本年四月十二日拜發訖  
俟有

部覆之日另文咨會統聽

貴部院主裁定奪可也今准前因相應咨覆爲  
此合咨



貴部院煩請查照施行

咨戶部請議茶引

一爲關請茶引事據浙江布政司呈稱云云等因到院據此爲照浙西嘉興一府並不產茶無容議及惟湖屬各縣內孝豐一邑亦不產茶其安吉歸烏長德武六州縣雖產茶斤但地處山陬越在北新關之外自明季迄今從無枉道赴省納稅之例卽如浙東紹嚴二府產茶之地在境內販賣亦未到關報稅其例同也如出境遠販湖屬雖不經由北關然茶商必在浙領引赴關



納稅始得往湖採買行茶其經過許墅等關自  
必報稅驗引截角原無容漏稅任商私販故湖  
屬不設商官查稅北關亦從不過問率循往例  
也茲准

貴部咨議作何稽查輸課據該道府縣確議湖  
屬一二產茶之處味澁枝粗從無巨商採販土  
著小簍民間食用者原無引稅亦循外來之茶  
不經過北關亦無稽核食茶之例同也如欲創  
議納稅自當責成官牙籍名報納但年額無多

未便需官董理今後議令買茶之商赴司領引  
北關納稅該地方官驗明稅單方令入山採買  
買完仍赴該衙門驗引截角彙繳北關則司有  
請引之數關有截角稅單兩相符合無所容其  
脫漏矣應聽

貴部酌裁定奪至收繳殘引一事據藩司北關  
備查往例茶商領引納稅聽其所之覓利遠賣  
非同鹽引註有住賣地方不許越境可以稽查  
收繳故茶引欵載茶貨至各府州縣地方住賣



者卽赴地方官驗明截角繳

部蓋因茶商遠販各省舊引從無銷繳職此之  
由非浙屬各官不繳之咎也既經該司會查前  
來相應一併咨覆爲此合咨

貴部煩請查照酌覆施行